



↓. Ученые  
государства  
государства  
государства  
государства 1915/10

491.99-5

U-73



0 405-10



ԳՐԱՏՈՒՆ  
Ա. ԵԱԶԸՃԵԱՆ

11, Պազրճրար, Սուրբ Լուսն

Կ. ՊՈԼԻՍ

Պատ. Ուսուցիչներու եւ Ուսուցչուհիներու զիւրուեան համար մեր նոր հրատարակած հետեւեալ դասագիրքերը վերածուած են դասընթացքներու :

**Տարրական Դասընթացք Ա. եւ Բ. Տարի**

|   |     |
|---|-----|
| Մայրենի Լեզու Գերական Ընթերցարան, Ա. Տարի, Մ. Պոնտապր | 3   |
| » » Ընթերցարան Բ. » »                                 | 5   |
| » » » Գ. » »  | 6   |
| Թանգարան Տարրական Է. եւ Զ. Ասատուր                    | 4   |
| Գերականութիւն, Ա. Գիրք »                              | 4   |
| Կրօնի Ուսում, Տարրական, Գ. Խաչկոնց                    | 4,5 |
| Աշխարհագրութիւն » »                                   | 6,5 |
| Հայոց Պատմութիւն » »                                  | 6   |
| Թուաբանութիւն » Գ. Գալաֆեան                           | 4,5 |

**Միջին Դասընթացք Գ. եւ Դ. Տարի**

|  |     |
|--|-----|
| Թանգարան Միջին Է. եւ Զ. Ասատուր                    | 8   |
| Գերականութիւն, Բ. Գիրք                             | 5   |
| Ոսկեմատենիկ Ֆրանս. Լեզուի, Ա. Գիրք, Օր. Ա. Արապեան | 3   |
| Կրօնի Ուսում, Միջին Գ. Խաչկոնց                     | 6   |
| Աշխարհագրութիւն » »                                | 10  |
| Հայոց Պատմութիւն, Միջին Ա. » »                     | 8   |
| » » Բ. » »   | 10  |
| Թուաբանութիւն Գ. եւ Դ. Տարի Գ. Գալաֆեան            | 7,5 |
| Դուռն Պիտի Ըլաս, Միջին Գ. Խաչկոնց                  | 6   |

**Բարձրագոյն Դասընթացք Ե. եւ Զ. Տարի.**

|   |      |
|---|------|
| Թանգարան Բարձրագոյն, Է. եւ Զ. Ասատուր     | 10   |
| Կրօնի Ուսում, » Գ. Խաչկոնց                | 12,5 |
| Աշխարհագրութիւն » »                       | 12,5 |
| Թուաբանութիւն, Ե. եւ Զ. Տարի, Գ. Գալաֆեան | 12   |
| Դուռն Պիտի Ըլաս (Մանկոց), Գ. Խաչկոնց      | 8    |
| » » (Աղջկանց), » »                        | 8    |

Չերմապէս կը յանձնարարենք այս գիրքերու գործածութիւնը որքնք արդէն Պատ. հասարակութենէն գնահատուելով ընդունուած են մայրաքաղաքիս եւ գաւառի ոչ միայն մերձ այլ եւ Հայ-Բողոքական, Հայ-Հռոմէական վարժարաններու եւ օտարալազատակ կըրթական հաստատութեանց մէջ:

491.99-5 ԶԱՊԷԼ Է. ԱՍԱՏՈՒՐ  
Կ-73

ԳՈՐԾՆԱԿԱՆ ՔԵՐԱԿԱՆՈՒԹԻՒՆ

ԱՐԴԻ ԱՇԽԱՐՀԱԲԱՐԻ

ՊԱՏԿԵՐԱԶԱՐԳ

Բ. ԳԻՐՔ

ՈՒՍՈՒՄՆԱԿԱՆ ԽՈՐՀՈՒՐԴԷՆ ՎԱԿԵՐԱՅՈՒԱԾ



( ՀԻՄՆՈՎԻՆ ԲԱՐԵՓՈՆՈՒԱԾ )



Կ. ՊՈԼԻՍ

ԳՐԱՏՈՒՆ Ա. ԵԱԶԸՃԵԱՆ

1915

14 FEB 2013

ՏՄԱՐԱՆ ԵՒ ԿԱԶՄԱՏՈՒՆ  
Օ. ԱՐԶՈՒՄԱՆ  
№ 217



57339-66

## Յ Ա Ռ Ա Չ Ա Բ Ա Ն



Արդի աշխարհաբարի Գործնական Քերականութան այս Բ. Գրքին մեջ, — որուն հինգերորդ սպագրութիւնը հրատարակ կը հանենք այսօր, — ջանացած ենք ներկայացնել արդի աշխարհաբարին քերականութան կառուցողուն սարրերը: Այս Բ. Գիրքը զբաղած է Ա. զրեով աւանդուած կանոնները ընդլայնելու, աւելցնելով նոր մասեր առողանութան, ուղղագրութան, տաղադարձի, կէտագրութան, արմատ, բարդ եւ անանգեալ բառերու, ձայնաւորներու կորուստան եւ փոփոխման օրէնքին, նմանաձայն, հոմանիշ եւ հակահիշ բառերու եւ մասնաւորապէս բայերու կազմութան վրայ:

Պէտք չէ սակայն կարծել թէ այս հաստիւն մեջ ամփոփած ենք աշխարհաբար քերականութան բոլոր օրէնքները: Այդ ամբողջութիւնը ջանացած ենք ներկայացնել Գ. Գրքին մեջ:

Ինչպէս պիտի տեսնուի այս քերականութան ընթացքին մեջ, եւ ինչպէս յայտարարած էինք արդէն Ա. զրքին յառաջաբանով, մեր կողմէ որ եւ է նոր օրէնք մը հնարած չենք բնաւ: Աշխարհաբարի անվիճելի հեղինակութանց դիմած ենք, ինչնամ, բաղդատած, վերլուծած եւ համադրած ենք անոնց, կողմէ ընդունուած քերականական ձեւերը, եւ այդ ճարտուր մանրակրկիտ աշխատութան արդիւնքն է ահա՛ զոր ամփոփած ենք այս էջերուն մեջ: Մեր գլխաւոր աղբիւրը եղած է Պոլ-

այ աշխարհաբար, քեւ մեր քննութեան բովեմ անցուցած ենք նաեւ Ռուսահայոց բարբառը, զոր այնքան հեղինակօրէն զիսցած է պատկերացնել Ստեփաննոս Պալասանեան իր *Մայրենի լեզուի փրականութեան* մէջ :

Մեր փափաքը եղած է կարելի եղածին չափ պարզ եւ դիւրամբունելի կերպով ներկայացնել այն օրէնքները, զորս ի գործ կը դնեն այսօր լաւագոյն գրողները : Չանացած ենք որոշ կանոններու ենթարկել ընդունուած լեզուական սկզբունքները, շատ անգամ աւանդելով նաեւ կրկին ձեւեր, որոնց մէկը կամ միւսը ընդունիլ մեր ձեռնհասութեան վեր նկատած ենք. այս է պատճառը որ չենք վստահած գրաբար հոլովմանց կարգ մը ձեւեր, որոնք քեւ աշխարհաբարի միօրինակութեան ձգտումին անհամաձայն՝ սակայն ընդհանուր կերպով գործածուած են արդի գրական լեզուին մէջ ալ :

Ժողովուրդին փրականութեան եւ ընդունած քայտարութեան ձեւերուն առաջնութիւն տուած ենք ամեն անգամ որ այդ ձեւերը նուիրագործուած տեսած ենք գրագէտներու գրչին սակ : Այս պատճառով է որ ընդունած ենք աշխարհաբարի դերանունները միայն, առանց դիմելու գրաբարի ձեւերուն, զորս չի գործածեր արդի գրողներու մեծամասնութիւնը, եւ որոնց պէտքն ալ արդէն զգալի չէ բնաւ : Միեւնոյն բանը ըրած ենք նաեւ բայերուն համար, խղճամիտ ուսումնասիրութեամբ ի վեր հանելով անոնց կազմութեան օրէնքներ՝ ցարդ հրատարակուած աշխարհաբարի փրականութեանց մեթոտներ եւ նոր եղանակով մը :

Հետեւելով միշտ Ֆրէսերիք Պարայլի դրութեան, այս Բ. Գրքին մէջ ալ ըրած ենք ընթերցուածներ եւ հրահանգներ մեծ մասամբ նմանողաբար : Ատոնք մեր գործին մէկ եական մասը կը կազմեն, որովհետեւ պիտի

ծառայեն ոչ միայն փրականութեան կանոնները ընթերցելու եւ գործադրելու, այլ եւ պիտի աւանդեն աշակերտներուն կարգ մը նոր եւ օգտակար գաղափարներու հետ բառերու նոյն պատճառ մը, եւ պիտի վարձեցնեն զանոնք շարադրութեան, ինչ որ նպատակն է փրականութեան ուսման :

Ինչպէս Ա. եւ Գ. Գրքերուն, նոյնպէս այս Բ. Գրքին պատճառութեան մէջ կարելուք բաժին մը ունեցած է ամուսինս՝ Հրանտ Ասատուր :

Այն համակիր ընդունելութիւնը, զոր ուսուցիչները ըրին այս փրականութեան, ցոյց կուտայ քէ մեր աշխատութիւնը օգտակար արդիւնք մը կրցած է ունենալ : Ինչպէս մեր անձնակազմ փորձառութեամբ դիտած էինք արդէն, կարգ մը ուսուցիչներ ալ վկայեցին մեզ քէ մեր ընտրած մեթոտը կը ծառայէ գործնական կերպով աւանդելու հայ մանուկներուն այն լեզուն, որով պիտի խօսին ու գրեն . եւ այս էր արդէն մեր նպատակը :

Չ. Ա.

# ՔԵՐԱԿԱՆՈՒԹԻՒՆ ԱՐԴԻ ԱՇԽԱՐՀԱԲԱՐԻ

Բ. ՏԱՐԻ

Ա. ԸՆԹԵՐՅՈՒԱԾ — ԱՇԽԱՏՈՒԹԻՒՆ

Հայր մը երկու տղայ ունէր, Արշակ և Սուրէն: Արշակ խելացի՝ բայց ծով էր. իսկ Սուրէն թէպէս իր եղբօրը չափ սուր միտք չունէր, սակայն այդ պակասը իր աշխատութեամբը կը լրացնէր: Երկուքն ալ դպրոց կ'երթային, և միշտ Սուրէն էր որ առաջին մրցանակը կ'ստանար: Տարիներ հտքը, երբոր մեծցան, երկուքն ալ գործի մէջ մտան: Սուրէն իր ջանքովը յաջողեցաւ լաւ դիրք մը ձեռք ձգել, և միշտ օգտակար եղաւ իր ընտանիքին ու ազգին: Իսկ Արշակ ոչ միայն ստակի մը տէր չեղաւ, այլ իր կեանքին մէջ եղբօրը պէտք ունեցաւ:

## Հ Ր Ա Շ Ա Ն Գ Ն Ե Ր

1. Օրինակել այս հատուածը, գտնել խօսերը, եւ ցոյց տալ միավանկ, մեկուկես վանկ, երկվանկ, եռավանկ ու բազմավանկ բառերը:
  2. Կրկնել այս հատուածին պարունակութիւնը բերանացի յետոյ զրնլ դասարանին մէջ:
  3. Մէյմէկ խօսք շինել հետեւեալ բառերով.  
Տղայ, հայր, դպրոց, մրցանակ, աշխատութիւն, դրամ, գէթ:
- Օրինակ. — Տղայ մը պարտական է հնազանդիլ իր հօրը:
4. Գտնել տասը բառ, որոնց մէջ երկբարբառներ գտնուին:
  5. Գտնել մեկուկես վանկ ունեցող հինգ բառ:

## ՆԱԽՆԱԿԱՆ ԳԻՏԵԼԻՔ

Ա. ԳՍԱ. — ԲԱՌ, ՎԱՆԿ ԵՒ ԳԻՐ

1. Խօսք. — Խօսքը բառերու միացումն է, և իմաստ մը կ'արտայայտէ:

2. Բառ. — Բառը գիրերէ կը կազմուի, և գաղափար մը կը յայտնէ:

3. Վանկ. — Մէկ հնչումով արտասանուած մէկ կամ աւելի գիրեր վանկ կը կազմեն:

4. Բառերը մէկ կամ աւելի վանկերէ կը բաղկանան:

5. Մէկ վանկով արտասանուած բառերը վիշակ կ'ըսուին, ինչպէս մարդ. երկու վանկով արտասանուածները՝ երկավանկ, ինչպէս աղջիկ. երեք վանկովները՝ եռավանկ, ինչպէս վարժարան. չորս վանկովները՝ բազմավանկ, ինչպէս արտասանութիւն: Կան նաեւ կարգ մը բառեր որոնք ոչ միավանկ են, ոչ երկավանկ, այլ մեկուկես վանկ ունին՝ ինչպէս անզոյ, վագր, գրիչ, և այլն:

6. Գիր. — Գիրերը երկու տեսակ են. ձայնաւոր և քաղաձայն:

7. Ձայնաւոր. — Ձայնաւորները ութը հատ են. ա, ե, է, ը, ի, ո, լ, օ:

8. Բաղաձայն. — Բաղաձայնները երեսուն հատ են. ք, զ, դ, զ, ք, ժ, լ, խ, ծ, կ, հ, ձ, ղ, ն, մ, յ, ն, շ, չ, պ, ջ, ու, ս, վ, թ, բ, ց, փ, ք, ց:

9. Երկբարբառ. — Երբ երկու կամ աւելի ձայնաւորներ մէկ վանկ կազմեն, երկբարբառ կ'ըսուին, ինչպէս այ, ոյ, իւ, ես, եօ:

**Բ. ԸՆԹԵՐՑՈՒԱԾ.—ՅՈՐԵՆԻ ՀԱՍԿՆ ՈՒ ՎԱՅՐԻ ԾԱՂԻԿՆԵՐԸ**

Յորենի հասկը՝ կուռ հատիկներով բեռնաւորուած՝ գլուխը վար կը կախէր, ու բախտին դէմ կը տրտնջար իր դրացի ծաղիկներուն, որոնք աղուոր ու հպարտ թերթերնին պարզած՝ կը ժպտէին արեւուն հանդէպ: Կակաչները, կապուտիկները միաձայն պատասխան տուին իրեն. «Յորեն՝ եղբայր, ինչո՞ւ կը տխրիս վիճակիդ վրայ: Մենք այսօր կը փայլինք, բայց վաղը պիտի թռուինք ու մոռցուինք. իսկ քու պտուղներդ աղքատին մնունդ պիտի հայթայթեն, և հարուստին սեղանը պիտի զուարթացնեն»:

**Հ Ր Ա Յ Ա Ն Գ Ն Ե Ր**

- 6. Օրինակի այս հատուածը, եւ ցոյց տալ այն բառերը, որոնց մէջ և ծայրը կը հնչուի առանց գրուելու:
- 7. Պատմել այս հատուածը բերանացի, յիտոյ զրել զայն դասարանին մէջ:
- 8. Հարցումին համեմատ պարոյկ զնել հետեւեալ խօսքերուն մէջ պէտք եղած տնոյը.
  - Ինչու կուլաս, երբ պիտի գաս, զինքը տեսար, ուրկէ վախցար, անոր հետ խօսեցար, քորդ մեկնեցաւ, ով սորվեցուց քեզի՞
- 9. Գտնել անձայն յ ով վերջացող հիմք բառ:
- 10. Գտնել ծասը բառ որոնց մէջ ե զիրը իր ծայրը կը պահէ:
- 11. Գտնել հիմք բառ որոնց մէջ յ գիրը ե ի ծայն ունենայ:
- 12. Մէյմէկ խօսք շինել հետեւեալ բառերով.

Կուռ, ժպտիլ, կապուտիկ, սնունդ, հայթայթել:

**Օրինակ.**—Մեր այգին խաղողի կուռ սզկոյզներով լեցուն է:

**Բ. ԴՍՍ. — ԱՌՈԳԱՆՈՒԹԻՒՆ**

**11. Առոգանութիւն.**—Բառերը ուղիղ արտասանելու արուեստին առոգանութիւն կ'ըսուի:

**12. Առոգանութեան ցեանք.** — Առոգանութեան ցեանքը ձայնաւոր գիրերու վրայ կը դրուին և հետևաչներն են. շէշ ( ' ), երկար ( ' ), պարոյկ ( ° ):

**13. Եեօ.** — Եէշ կը դրուի բառի մը այն վանկին վրայ, զոր սուր կամ բարձր կերպով կ'ուզենք արտասանել, ինչպէս. եղբայր, եկո՛ւր, հերի՛մ:

**14. Երկար.** — Երկար նշանը կը ցուցնէ թէ վանկը սովորականէն աւելի տեւողութիւն ունի, ինչպէս. ո՞ն, ինչ քախս, և այլն:

**15. Պարոյկ.** — Պարոյկ նշանը, որ հարցական ալ կ'ըսուի, կը դրուի այն բառին և այն վանկին վրայ ուր հարցումը կ'իյնայ, ինչպէս. ո՞ւր կ'երթաս, երեկ եկա՞ր կամ երե՞կ եկար:

**16. Ս ձայնաւոր.**—Ս ձայնաւորը բառերուն սկիզբը միշտ իր յատուկ հնչումը ունի, ինչպէս. երագ, երդում:

**17. Ե ձայնաւորը** բառերուն մէջտեղը, երկու բաղաձայնի միջև, է տառին պէս կը հնչուի, ինչպէս. կերակուր, վերակու:

**18. Ը հնչումը.** — Երբ բառի մը սկիզբը երկու կամ երեք բաղաձայն կից են իրարու, ընդհանրապէս առաջինէն ետքը Ը ձայնը կը հնչուի, այսպէս. պտուղ կը հնչուի պտուղ, մկրաս կը հնչուի մկրաս:

**19. Ե գիրը.** — Յ գիրը անձայն կը մնայ մէկէ աւելի վանկ ունեցող բառերէն վերջը, ինչպէս. կրիայ, անգոյ, և կէս ի ի ձայն կը հանէ միավանկներէն վերջը, ինչպէս. հայ, նայ, մայ, խոյ: Բացառիկ են նոյ յատուկ անունը և կայ, յայ, տայ, զայ միավանկ բայերը, որոնց վերջի յ գիրը անձայն է:

**20. Յ գիրը** բառերուն սկիզբը ե ի պէս կ'արտասանուի, ինչպէս. յսակ, յարմար:

**Գ. ԸՆԹՆԵՐՑՈՒՄԸ. — ՔԱՋԱՍԻՐՏ ԱԳՈՍԻՇ**

Ամառուան բարկ տաքէն այրած,  
Շատ ուժաթափ, խոնջ ու ծարաւ՝  
Խեղճ ագռաւ մը երբ կը շրջէր,  
Ածուներուն մէջէն յանկարծ  
Հողէ երկար կուժ մը գտաւ  
Մինչև կէսը ջուրով լեցուն:

Ի՞նչ աղուոր բախտ իրեն համար:  
Բայց կըտուցը կարճ ըլլալուն՝  
Մինչև ջուրին քով չըհասաւ:  
Մեր թռչունը ծոյլ չէր բընաւ.

Թէպէտ յոգնած ու վշտաւար,  
Գընաց քարեր ժողվեց փութով,  
Ամանին մէջ նետեց կարգաւ,  
Մինչև ջուրը բարձրանալով  
Իր կըտուցին եկաւ հասաւ:

**Հ Ր Ա Շ Ա Ն Գ Ն Ե Ր**

- 13. Օրինակել այս հատուածը, եւ ցոյց տալ այն բառերը որոնց մէջ  
ւ գիրը վ հնչում կ'ստանայ:
  - 14. Գոց սորվիլ եւ արծաթանել այս ոտանաւորը:
  - 15. Գտնել օտաք բառ, ուր ո գիրը օ հնչուի:
  - 16. Հետեւեալ բառերով ամբողջացնել վարը նշանակուած խօսքերը  
Ոսկի, ուղիզ, սառայն, սւրազ, ողնի, օրդ:
- Սարդը եր . . . կը շինէ պատերուն անկիւնը . . . փշուտ կեն-  
դանի մըն է: . . . խելացի մարդոց բարեկամը և անխելքներուն  
թշնամին է: — Սղոցը և . . . ջրաթող ձագործի գործիքներ են: —  
. . . ճամբան երջանկութեան ճամբան է: — . . . սողուն կեն-  
դանի մըն է:

**Օրինակ.** — Որդը սողուն կենդանի մըն է:

**Գ. ԴՍՍ. — ԱՌՈԳԱՆՈՒԹԻՒՆ (Շարունակութիւն)**

**21.** Ո ձայնաւոր. — Ո ձայնաւորը միայն բառե-  
րուն սկիզբը իր յատուկ հնչումը կը պահէ, ինչպէս .  
որդի, որոշել:

**22.** Ո ձայնաւորը երբ բառին սկիզբը վ գրէն  
առաջ դրուած է, օ կը հնչուի, ինչպէս. ով, ովիխանու:

**23.** Ո ձայնաւորը օ կը հնչուի նաև բառերուն  
մէջտեղը, ինչպէս. կոհակ, խորակ:

**24.** Ո ձայնաւորը երբ յ գրէն առաջ դրուած է,  
և յէն անմիջապէս ետքը բաղաձայն գիր կուգայ, կը  
հնչուի ու, ինչպէս. յոյս, բոյր:

**25.** Ո ձայնաւորը ւ ձայնաւորին միացած ատեն  
իր յատուկ հնչումը կորսնցնելով կը կազմէ ու երկբար-  
բառը, ինչպէս. դուռ, ուսում:

**26.** Ի ձայնաւորը. — Ի ձայնաւորը վ ի հնչում ու-  
նի միշտ, երբ ա է և ե է ետքը կուգայ, ինչպէս. բնաւ,  
բնետ:

**27.** Ի ձայնաւորը երբ ի ի հետ կը կազմէ իւ երկ-  
բարբառը, իւր կամ իւ կը հնչուի ամէն անգամ որ իրմէ  
ետքը բաղաձայն գայ, ինչպէս. անծռօթիւն (իու), նիւթ  
(իւ): Իսկ երբ իրմէ ետքը բաղաձայն չգայ, իվ կը հըն-  
չուի, ինչպէս. դիւանատ (իվ), պատիւ (իվ):

**28.** Ի ձայնաւորը երբ ո ի հետ կազմէ ու երկ-  
բարբառը, երկբարբառը իր ձայնը կը պահէ՝ եթէ իրմէ  
ետքը բաղաձայն գայ, ինչպէս. սուր, տուն: Իսկ երբ  
ու էն ետքը ձայնաւոր գայ, այն ատեն ուն վ կը հըն-  
չուի, ինչպէս. ազնուական (վա), գիւնուոր (վոր),  
քրտութիւն (վու), հաշուութիւն (վրվի):

**Գ. ԸՆԹԵՐՑՈՒՄԸ. — ՄԱՂԻԿԱԵՐԸ.**

Գարնան երբ դաշտերը կ'երթանք չրջագայելու, կը տեսնենք հոն ծաղիկներու գոյնզգոյն փունջեր, գորս նուրբ ծղօտ մը հողին կը կապէ: Այդ չըքնաղ ծաղիկները անչղանչ և անկենդան իրեր կ'երեւան մեղր-սակայն այնպէս չեն: Սայ չըքեղ վարդը, որ իր ցօղունին վրա կը պանծա, կը շնչե, կ'ուտե, կը խըմե, — ինչպէս թռչունները և թիթեռնիկները, — գործարաններ ունի, ան ալ, կենդանիներուն նըման, կը ծընի, կ'ածի, կ'ապրի, ծընունդ կու տայ իրեն պէս վարդերու և յետոյ կը մեզնի:

**Հ Ր Ա Շ Ա Ն Գ Ն Ե Ր**

- 17. Գրել սյս հատուածը, ուղղագրութեան օրէնքներուն համեմատ շտկելով անոր տառապախները:
- 18. Կրկնել բերանացի, յետոյ գրել այս հատուածը դասարանին մէջ:
- 19. Ուղղել հետեւեալ խօսքերուն ուղղագրական սխալները.

Արաբիաէն վերադարձաւ — Թուանշան մը դոէ՛ք զըրօնն առջև: — Վիէննաի մէջ լաշն փողոցներ կան: — Վիքթօռ. Հիւկօե գործերը կարդացա՞ծ էք: — Երէկ երեկո անձրև եկաւ: — Սպանիոյ մայրաքաղաքը Մաթրիտ է: — Մուսկուի Սուրբ Ընցանիէն նշանաւոր նկար մըն է:

- 20. Շտկել հետեւեալ բառերուն ուղղագրութիւնը:

Կ'երթա, կ'օգնե, խաբէրա, գընդակ, կը վազե, խընդորե, խօսեցա, բըլուր, ահա, կը հեանայ, պիտի տեսնե, կըմտաք, սընարք, անգո, հընարք, չգա, չաա, կու լա, կը քալե, պիտի գիտե, կը յուզե, դշխո, պապկա, մեծարգո:

**Գ. ԳՅՍ. — ՈՒՂՂԱԳՐՈՒԹԻՒՆ**

**29. Ուղղագրութիւն.**— Ուղղագրութիւն կ'ըսուի բաները անսխալ գրելու կանոններուն, որոնք հետեւեալներն են:

**30. Ա.**— Բառերը ա ձայնաւորով չեն վերջանար, այլ յ կ'առնեն, ինչպէս. հակայ, կը շորայ: Բացառիկ են. 1. Ապա, աա, ահա, հապա, առիկա, աթիկա, անիկա: 2. Օտար բառերը. պսևիս, ակադեմիս, ևայն: 3. Յափուկ անուններ. Եղիս, Կեսարիս, ևայն: 4. Այ վերջացող բայերուն հրամայականները. պտու', խնդա':

**31. Ե.**— Ե ձայնաւորը բառին վերջը չի մնար երբեք:

**32. Ը.**— Ը ձայնաւորը կը դրուի բառերուն սկիզբը, ինչպէս. ընտանիք, ընդհանուր: Կը դրուի նաև բառերուն վերջը. եօրը, ծառը: Ը ձայնաւորը ընդհանրապէս բառերուն մէջտեղը չի դրուիր. թէև կը հնչուի:

**33. Ո.**— Բառերը ս ձայնաւորով չեն վերջանար, այլ յ կ'առնեն միշտ. դշխոյ, հաւաքածոյ: Բացառիկ է այր. բառը:

**34. Վ.**— Վ բաղաձայնը բառերուն սկիզբը կը գործածուի ամէն գրի քով, ինչպէս. վարժարան, վերին. բառերուն մէջտեղը կամ վերջը ս ձայնաւորէն ետքը միայն կը գործածուի ընդհանրապէս, ինչպէս. սով, երբայով, ժողովուրդ, թորովել:

**35. Բ.**— Բ բաղաձայնով բառ չ'սկսիր, բացի տոպի, րաբունի, օտար բառերէն:

**36. Ի.**— Ի ձայնաւորով բառ չ'սկսիր:

**37. Օ.**— Օ ձայնաւորէն ետքը ձայնաւոր գիր չի գար:

**38.** Ուղղագրութեան հակառակ է գրել ահ, աի, օհ, օի, ևայն: այլ պէտք է գրել այի, այի, ոյի, ոյի, ևայն, ինչպէս. Անգիլիա, Անգիլայի, Բանաուս, Բանամայի, գրօ, գրոյի, գրոյի, ևայն:

Ե. ԸՆԹԵՐՅՈՒԱԾ. — ԽԱԲՈՂԻՆ ՊԱՏԻՉԸ

Ոսկերիչ մը կեղծ գոհարներ ծախեր էր Հռոմայեց-  
ւոց Գալլիանոս կայսեր կնոջը՝ մեծ գիններով: Կայսրու-  
հին խաբերայութիւնը հասկնալով՝ ուղեց պատժել յան-  
ցաւորը: Վեհապետը հաւանեցաւ, և հրամայեց որ կրկէսը  
տանին վաճառականը ու գազաններուն առջին նետեն:  
Հանդիսականները լուռ ու մունջ կ'սպասէին, կարծելով  
որ առիւծ մը կամ գայլ մը պիտի ելլէր վանդակէն  
դուրս. խեղճ ոսկերիչը կը դողար ահաբեկ, բայց ինչ  
եղաւ զարմանքը երբ տեսաւ... ոչխար մը: Ամէնքը  
սկսան ծիծաղիլ: «Մնքը խաբեց, պէտք է որ խաբուի,»  
ըսաւ Գալլիանոս:

Հ Ր Ա Ն Ա Ն Գ Ն Ե Ր

- 21. Օրինակել այս հատուածը, տողադարձի օրէնքով բաժնելով բառերուն վանկերը:
- 22. Կրկնել այս հատուածը բերանացի, յետոյ զրել զայն դա-  
սարանին մէջ:
- 23. Լռել, գազաններ, գոհարներ, ստախոս, ջանքանք բառերով ամ-  
բողջացնել հետեւեալ խօսքերը.

... մարդուն խօսքին մէկը չի հաւատար — Հռոմայե-  
ցիք... առջին կը նետէին ոճրագործները — Ան որ խօսիլ չի  
գիտեր պէտք է... գիտնայ — Կին մը կրնայ... փայլել,  
բայց անոնցմով չի կրնար յարգուիլ — Սպասելը հոգիին մեծ...  
մէկն է:

Օրինակ. — Ստախոս մարդուն խօսքին մէկը չի հաւատար

Ե. Դ Ա Ս. — ՏՈՂԱԴԱՐՁ

39. Տողադարձ. — Տողադարձի կանոն կ'ըսուի բառի  
մը մէկ մասը մէկ տողէն միւսը փոխադրելու կանոնին:

40. Ենթամնայ. — Բառի մը մէկ մասը մէկ տողէն  
միւսը փոխադրելու ատեն՝ տողին վերջը սա նշանը (-)  
կը դրուի որ ենթամնայ կ'ըսուի:

41. Տողադարձի կանոններ. — Տողադարձի ընդ-  
հանուր կանոնն է բառի մը վանկերը իրարմէ զատել,  
ինչպէս. բա-րու-թիւն, ա-նա-րաս:

42. Առանց ձայնաւորի վանկ չի կազմուիր:

43. Միավանկ բառերը չեն զատուիր, ինչպէս.  
անոխ, քուղի:

44. Երբ երկու ձայնաւորի միջև մէկ բաղաձայն  
միայն կայ, բաղաձայնը վար կ'առնուի, ինչպէս. կա-նոն,  
հա-տը:

45. Երբ երկու ձայնաւորի միջև երկու բաղաձայն  
կայ, վերջինը վար կ'առնուի, ինչպէս. պար-տիզ-պան:


46. Երբ բառի մը մէջ, երկու կամ աւելի բաղա-  
ձայնի միջև Բ հնչումը կը լսուի, տողադարձի ատեն Բ  
գիրը կը նշանակուի, ինչպէս. բը-բա-միս, խոր-հըր-  
դա-կան:

47. Տողադարձի ատեն կարելի է միակ գիր մը  
վերի տողին ծայրը ձգել երբ ձայնաւոր է, ինչպէս. Է-  
ակ, Է-գա-կան:

48. Երբ միակ մնացած գիրը բաղաձայն է, պէտք  
է Բ գնել սկիզբը կամ վերջը հնչումին համեմատ, ինչ-  
պէս. բա-սա-նալ, մը-կըր-տել:

49. Լոկ ձայնաւոր գիր մը վարի տողը անցընել  
անսովոր է, ինչպէս. Անգ-լի-ա, տե-նե-ի:

99  
6339-66  
543



**Զ. ԸՆԹԵՐՑՈՒՄ. — ԳԱՐՈՒՆ ԵՒ ԱՂՋԻԿ**

Արշալոյսը կը վառի,  
Թռչունները իրենց քունէն կ'արթննան.  
Ելի՛ր, աղջիկ, թօթվէ՛ քունըդ գիշերուան.  
Դուն ալ թռչուն մ'ես զարնան:

Դաշտեր զմրուխտ են հագեր.  
Թիթեռները արծաթ թեւեր ունին զարդ.  
Ելի՛ր, աղջիկ, ժպտէ՛ լոյսին մէջ զըւարթ.  
Դուն ալ թիթեռ մըն ես վարդ:

Ծովը ծալ ծալ կը ծըփայ.  
Երկինքն անոր մէջ կը խնդայ ըզմայլուն.  
Ելի՛ր, աղջիկ, բա՛ց աչուկներդ ասմազուն  
Նըման իր վառ աստղերուն:

**Հ Ր Ա Յ Ա Ն Գ Ն Ե Ր**

26. Գոց սորվիլ եւ արտասանել այս ոտանաւորը:

27. Մէյմէկ խօսք շինել հետեւեալ ածանցեալ բառերով.

Գիւղացի, նաւակ, ծուլութիւն, զգացում, գրէչ, գիտուն,  
մանկիկ, սայլորդ, պարտիզպան:

**Օրինակ.** — Գիւղացիները աշխատասէր մարդիկ են:

28. Մէյմէկ խօսք շինել հետեւեալ բարդ բառերով.

Սալայառակ, շոգենաւ, խոհարար, ժամադործ, մատենադէր,  
լուսարար, վերաբոյժ:

**Օրինակ.** — Մեր փողոցին սալայառակները նորոգուեցան:

**Զ. ԴԱՍ. — ԱՐՄԱՏ, ԲԱՐԴ ԵՒ ԱԾԱՆԵԱԼ ԲԱՌԵՐ**

**50.** Բառերը կ'ըլլան արևս, բարդ և ածանցեալ:

**51.** Արմատ բառեր. — Արմատ կամ պարզ կ'ըսուին այն բառերը, որոնք վրանին յաւելուած չունին, ինչպէս. օղ, խաչ, մայր, ֆաղսփ:

**52.** Բայարմատ կը կոչուին բային արմատները. օրինակն բայարմատն է սեր, գրելին՝ գիր, և այլն:

**53.** Ածանցեալ բառեր — Ածանցեալ կ'ըսուին այն բառերը որոնք վրայ մասնիկ մը աւելցած է, ինչպէս. գրուքիւն, օղակեք, մայրիկ, ֆաղսփացի:

**54.** Մասնիկ. — Մասնիկը ինքնին նշանակութիւն չունեցող բառ մըն է, որ բառի մը սկիզբը կամ վերջը գրուելով անոր նշանակութիւնը կը փոխէ, ինչպէս. դժ, դժգոհ. ուրիւն, ուրախուրիւն. ակ, նաւակ, և այլն:

**55.** Մասնիկները կ'ըլլան նախադաս և յետադաս: Նախադաս կը կոչուին անոնք որ բառին սկիզբը կը գրուին, ինչպէս. ան, անկարող, այ, ապերախ: Թե՛սադաս կը կոչուին անոնք որ բառին վերջը կը գրուին ինչպէս. պակ պարտիզպակ. ուն, հալածում:

**56.** Բարդ բառեր. — Բարդ կ'ըսուին այն բառերը որոնք երկու կամ աւելի բառերէ կազմուած են, ինչպէս. գրասէղան, օղապարիկ, մայրաֆաղսփ:



Սուրբ Բնածնիք (Տե՛ս էջ 14)



Աղջիկ, ժպե՛լ լոյսի մեջ զրարք (Տե՛ս էջ 18)

**Է. ԸՆԹԵՐՑՈՒՄ. — ԵՐՋԱՆԻԿ ՄԱՐԴԸ**

Մեծահարուստ կայուածատէր մը, որ շատ կը ձանձրանար, կանչեց նշանաւոր բժիշկներ և դարման մը խնդրեց անոնցմէ իր անբոյժ ախտին: Գիտնականները միաձայն յայտարարեցին թէ բախտաւոր մարդու մը շապիկը պէտք էր զինքը բուժելու համար: Հիւանդը սպասաւորներ զրկեց ամէն կողմ որ փնտռեն, զարնեն և վայրկենապէս բերեն այդ հրաշագործ շապիկը. բայց ամէնքն ալ ձեռնունայն և յուսահատ վերադարձան: Մէկ բախտաւոր գիւղացի մը միայն գտեր էին, ան աջ շապիկ չունէր:

**Հ Ր Ա Շ Ա Ն Գ Ն Ե Ր**

- 29. Օրինակել այս հատուածը եւ ստորագծել բարդ բառերը
- 30. Կրկին օրինակել եւ ստորագծել անանցեալ բառերը:
- 31. Բիրանացի պատուել այս հատուածը, յետոյ զրել զայն դասարանին մէջ:
- 32. Մէյմէկ նախադասութիւն շինել հետեւեալ արմատ բառերով.  
Մեծ, կայուած, վայրկեան, հրաշք, յոյս, բռնայն:
- 33. Գտնել թէ ի՞նչ գիրեր կորսուած են հետեւեալ անանցեալ կամ բարդութեանց մէջ.  
Մտացի, նրբամտ, սրբազան, ժրուգուխ, խճուղի, քրտնաթոր, հրավառ, նոնենի, լրագիր, գրութիւն, թղթավաճառ, մրտանել, դանապան, լուսթիւն, նշենի:

**Օրինակ.** — Ի՞նչ բառին ի ն կորսուած է բարդութեան մէջ:

**Է. ԴԱՍ. — ԿՈՐՈՒՄՍԱՆ ԵՒ ՓՈՓՈԽՄԱՆ ԿԱՆՈՆ**

**57.** Արեւս բառերէ բարդ կամ անանցեալ շինելու ատեն, այդ բառերուն մէջէն ձայնաւոր գիրեր կը կորսուին կամ կը փոխուին:

**58.** Կօրուսման կանոն. — Երբ բառի մը վերջին վանկին մէջ ի կամ ու գտնուի բաղաձայնէն առաջ, բարդութեան կամ անանցման ատեն ի կամ ու գիրերը ընդհանրապէս կը կորսուին, ինչպէս. սիւք, արսառուչ. գիւ, դրասեւ. զուր, ջրոս. սուրբ, սրբութիւն:

**59.** Փոփոխման կանոն. — Երբ բառի մը վերջին վանկին մէջ է, եւ, ոյ գտնուին բաղաձայնէն առաջ, կամ բառին վերջը իւ, եայ գտնուին, բարդութեան կամ անանցման ատեն հետեւեալ փոփոխութիւնները կը կրեն.

է կը փոխուի իի, ինչպէս. սեւ, սիւրսուն, հանդես, հաղիսասես:

եա կը փոխուի եի, ինչպէս. վարկեան, վայրկեանական. մասնան, մասնագիր:

Ոյ կը փոխուի ուի, ինչպէս. լոյս, լուսաւոր. յոյս յուսալից:

իւ կը փոխուի ուի, ինչպէս. պատիւ, պատուաւոր. քիւ, բուսբան:

Եայ կը փոխուի եի, ինչպէս. քիստոնայ, քիստոնեւորիւն. հրեայ, հրեւքիւն:

**60.** Յօդակապ կ'ընուի ան ձայնաւորը, որ անանցման ու բարդութեան մէջ արմատ բառը կը կապէ ուրիշ բառի մը կամ մասնիկի մը. ինչպէս. ցաւագին, մարդասեւ:

Ը. ԸՆԹԵՐՅՈՒՄԸ. — ԱՌԻԻՄԸ

Առիւծը չէկ գոյնով գեղեցիկ չորքոտանի մըն է որ  
Ս. Կրկէի եւ Հնդկաստանի անապատներուն մէջ կը գրտ-  
նուի: Պոչին ծայրը մազերու փոքրիկ փունջ մը ունի,  
եւ արուխն ուսերն ու գլուխը բաշերով ծածկուած են,  
մինչդեռ էգը զուրկ է այդ զարդարանքէն: Սովորա-  
բար ջրոտ տեղեր, ճահիճներու, լճակներու մօտ, վտակի  
մը եզերքը կամ եղէգնուտի մը մէջ կը պահուրաի, կա-  
պիկի մը կամ վիթի մը վրայ յարձակելու համար, որ-  
պէս զի սնունդ հայթայթէ իրեն: Առիւծին վեհանձնու-  
թեան եւ ուժին նկատմամբ տարօրինակ մանրամասն  
կը պատմեն:

Շ Ր Ա Շ Ա Ն Գ Ն Ե Ր

- 34. Օրինակել այս հատուածը եւ ստորագծել փոփոխելի բառերը:
- 35. Կրկին օրինակել եւ ստորագծել անփոփոխ բառերը:
- 36. Գտնել ջարդ գոյական, ջարդ ածական, ջարդ բայ, հիւնդ դերա-  
նուն, հիւնդ մակբայ, հիւնդ նախադրութիւն, հիւնդ շարկապ, հիւնդ  
միջարկութիւն:
- 37. Նախադասութիւն մը շինել անոր մէջ գործածելով մեր  
գտած մակբայներէն մէկը:
- 38. Նախադասութիւն մը շինել գործածելով մեր գտած ածական-  
ներէն մէկը:

Ը. ԳՍՍ. — ԽՍՈՒԻ ՄԱՍԵՐԸ

**61.** Քերականութիւն. — Քերականութիւնը լեզուի  
մը կանոններուն համեմատ գրելու եւ խօսելու արուեստն է:

**62.** Լեզու. — Լեզուն բառերէ կը կազմուի:

**63.** Խօսքի մասեր. — Տասը տեսակ բառ կայ,  
որոնք խօսքին մասերը կը կազմեն եւ հետեւեալներն են.

1. Անուն կամ գոյական, որ էակ մը կը ներկա-  
յացնէ, ինչպէս. առիւծ:

2. Յօդ, որ կը յայտնէ թէ անուն մը որոշեալ է  
թէ անորոշ, ինչպէս. առիւծը, առիւծ մը:

3. Ածական, որ անունին մէկ հանգամանքը կը  
ցուցնէ, ինչպէս. գեղեցիկ:

4. Դերանուն, որ անունի մը տեղը կը զրուի,  
ինչպէս. որ, ան, եայն:

5. Բայ, որ գործողութիւն մը ցոյց կու տայ, ինչ-  
պէս. կը զսնուի:

6. Դերբայ, որ բային մէկ ձեւն է, եւ յատկու-  
թիւն մը, վիճակ մը կամ գործողութիւն մը կը ցուցնէ,  
ինչպէս. ծածկուած, յարձակելով:

7. Մակբայ. որ տեղ. ժամանակ. եղանակ, եայն  
կը ցուցնէ, ինչպէս ուր, երբ:

8. Նախադրութիւն, որ կարգ մը բառեր յարաբե-  
րութեան մէջ դնելու կը ծառայէ. ինչպէս. մեջ, վրայ:

9. Շարկապ, որ բառ բառի եւ խօսքի խօսքի կը  
կապէ, ինչպէս. եւ, կամ:

10. Չայնարկութիւն կամ միջարկութիւն, որ տե-  
սակ մը ձայն է եւ կիրք մը կը յայտնէ, ինչպէս. աւաճ:

**64.** Խօսքի մասերէն՝ գոյականը, դերանունը,  
բայը, դերբայը փոփոխելի բառեր են, իսկ յօդը, ածա-  
կանը, մակբայը. նախադրութիւնը, շարկապը, ձայնար-  
կութիւնը անփոփոխելի բառեր են:

Թ. ԸՆԹԵՐՑՈՒՄ. — ՀԱՅ ՏՂԱՆ

Ես հայ տրդայ մ'եմ զարմէն հայկազուն.  
Կը խօսիմ Հայկին, Արամին լեզուն.  
Չունիմ թագ, ոսկի, գահ և աղամանդ.  
Բայց սիրաս է հարուստ, պարկեշտ մանաւանդ:

Վառուած եմ ազգիս սիրով կաթոգին.  
Իմ մէջրս կ'ապրի քաջերու հոգին,  
Եւ նախնիքներուս հուրը սրբազան  
Չոր չեմ տար երբեք գանձերու փոխան:

Թէպէտ տարագիր, թէպէտ հալածուած,  
Չի մուրար երբեք Հայը մէկէն հաց.  
Իր զարդն է ճակտին քրտինքը մաքուր.  
Եւ իր հովանին հաւատքն երկնատուր:

Հ Ր Ա Յ Ա Ն Գ Ն Ե Ր

- 39. Օրինակել այս ոտոմնաւորը եւ նշանակել յատուկ անունները, յետոյ ստորագծել վերացականները եւ խաչանիշ դնել ներականներուն տակ:
- 40. Գտնել թասը յատուկ անուն անձի, ազգի կամ տիղի:
- 41. Գտնել թասը հասարակ անուն անձի, անասունի եւ իրի:
- 42. Գտնել թասը վերացական անուն, եւ մէյմէկ խօսք շինել:
 

**Օրինակ.**— Ծուրաբիւնը թշուառութեան առաջնորդն է:
- 43. Հետեւեալ բայերը վերացական ընել ու մասնիկով.
 

Պայթիլ, շարժիլ, դատել, մտածել, կործանել, ջնջել, յուզել:

**Օրինակ.** — Պայծում:
- 44. Հետեւեալ բայերը փորացական ընել ոչ մասնիկով.
 

Երեւալ, երէկ, նորել, զայրանալ, հաւաքել:

**Օրինակ.** — Երիւոյ:

Ա Ն Ո Ւ Ն Կ Ա Ս Գ Ո Յ Ա Կ Ա Ն

Թ. ԴԱՍ. — ԱՆՈՒՆԵՐՈՒ ՏԵՍԱԿՆԵՐԸ

65. Անուն կամ զգայական. — Անունը կամ զոյսկանը բառ մըն է, որ անձ, անասուն կամ իր կը ցուցնէ ինչպէս. հովիւ, ոչխար, առօստ:

66. Երկու տեսակ անուն կայ. յատուկ և հասարակ:

67. Յատուկ անուն. — Յատուկ անունը անձի մը, ազգի մը կամ տեղի մը, էլն. մասնաւոր անունն է, ինչպէս. Արսաշէս, Հայ, Օշական:

68. Յատուկ անունը զխաղարկով կ'սկսի:

69. Հասարակ անուն. — Հասարակ է այն անունը, որ կը յարմարի մի և նոյն տեսակէ ամէն անձի, անասունի և իրի, ինչպէս. մարդ, շուն, ծով:

70. Ներքական անուններ. — Ներքական կը կոչուին այն անունները, որոնց ցոյց տուած առարկան կը տեսնենք կամ կը շօշափենք, ինչպէս. ձուկ, տոյս, կրակ:

71. Վերացական անուններ. — Վերացական կ'ըսուին այն անունները, որոնց ներկայացուած գաղափարը ոչ կը տեսնենք, ոչ ալ կը շօշափենք, այլ կ'ըմբռնենք կամ կ'զգանք, ինչպէս. փախուս, ստոթիւն, յապաղում:

72. Ուրիւն, ուն, ոյք վերջացող բառերը ընդհանրապէս վերացական են, ինչպէս. երջանկութիւն, զղջում, սովորոյք:

Ժ. ԸՆԹԵՐՅՈՒՍԸ.—ՕՂԻՆ ԵՐԵՒՈՅՅԸ

Արեւը, լուսինը և բոլոր երկնային մարմինները, որոնք հորիզոնին վրայ կը փայլին, կարծես թէ զմեզ չըջապատող կապոյտ կամարին փակած են. բայց այնպէս չէ, որովհետեւ իրապէս կամար չկայ, և այն կապոյտը իրական գոյն մը չէ, այլ երկրին չորս կողմը պատող օդին երեւոյթը: Օդին խաւերը թէպէտ գոյն չունին, բայց բոլոր անգոյն մարմիններուն նման՝ իրարու վրայ բարդուած ըլլալնուն պատճառաւ, կապոյտ կ'երեւան. նոյնպէս կապոյտ կ'երեւան հեռաւոր շէնքերը, լեռները օդին խաւերուն մէջէն՝ երբ ծովափէն դիտենք դիմացի կղերքները ուր բլուրները մշտնապէս մէջ ձրարուած կը թուին:

Հ Ր Ա Շ Ա Ն Գ Ն Ե Ր

45. Օրինակիւ այս հատուածը, եւ ստորագծել բոլոր յոյնական անունները:

46. Պատկել բերանացի այս հատուածը, յետոյ զրել զայն գասարանին մէջ:

Վարդ, յոյն, հաւաքածոյ, բարձոյ, կոյս, մեքենայ, պաշտօնեայ, կաթսայ, շիթ, խութ, վարժիկայ, սկիհ, կապելայ, գոհհ, գամիւ, սրինգ, սանտը, աղդը, խիթ, դուլտը, վագը, շիթ, տագը, կոճո, կուռնկ, դրօշ, ծաղը, անգղ, կրօնք, ծեռք, հաւաքք, շըրթունք, խիղճ:

47. Յոյնական ընել վերոգրեալ բառերը:

48. Գտնել վեց ձուկի անուն, եւ զրել անոնց յոյնականները:

Ժ. Գ Ա Ս.— ԱՆՈՒՆՆԵՐՈՒՆ ԹԻՒԸ

73. Անուններուց բիւք. — Թիւր անուններուն այն յատկութիւնն է, որով ցոյց կուտանք անոնց մէկ կամ մէկէ աւելի ըլլալը:

74. Թիւր երկուք է. եզակի և յոգնակի:

75. Անուն մը եզակի է, երբ ցոյց կու տայ մէկ առարկայ միայն, ինչպէս պախնորդ, կիւն, սիրտ:

76. Անուն մը յոգնակի է, երբ ցոյց կու տայ մէկէ աւելի առարկաներ, ինչպէս պախնորդներ, կիւներ, սիրտեր:

77. Յոգնակիի կազմութիւնը. — Միավանկ բառերը եւ մասնիկով յոգնակի կ'ըլլան. ինչպէս հաց, հացեր:

78. Բացառիկ են դուռ, բոռ, լեռ, մաս, միւս բառերը որոնք եւ չն առաջ և մը կ'առնեն յոգնակիի մէջ, ինչպէս դուռներ, բոռներ, լեռներ, ևայլն:

79. Մէկուկէս վանկ ունեցող բառերը եւ ով յոգնակի կ'ըլլան, երբ կէս վանկը բառին վերջին մասին վրայ է, ինչպէս աստղ, աստղեր, սար, սարեր:

80. Մէկուկէս վանկ ունեցող բառերը ներ ով յոգնակի կ'ըլլան, երբ կէս վանկը բառին սկիզբն է, ինչպէս գրուի, գրուիներ, սրինգ, սրինգներ:

81. Բազմավանկ բառերը ներ ով յոգնակի կ'ըլլան, ինչպէս դարաններ, առիւծներ:

82. Երբ անձայն յ ով վերջացող գոյականը յոգնակի կ'ըլլայ, յ ն կը կորսուի, ինչպէս անարկայ, անարկաներ. հաւաքմոյ, հաւաքածոներ:

83. Կարգ մը է ով վերջացող բառեր, որոնք գրաբարի մէջ անեղական են, աշխարհաբարի մէջ եզակի կը նկատուին և եւ ով յոգնակի կ'ըլլան, ինչպէս ոսփ, ոսփեր. զեմփ, զեմփեր. կիրփ, կիրփեր. ևայլն:

ՎՍ. ԸՆԹԵՐՅՈՒՄ. — ԽՈՇՈՐ ՏՈՔՅՈՐԸ ԵՒ

ՓՈՔՐԻԿ ԳԻՒՂԱՅԻՆ

Անզլիոյ մէջ, Լորտ մը հացկերոյթի հրաւիրեր էր իր գաւառին աղնուականները և մէկ քանի օտարականներ: Ամէնուն գլուխը տաքցեր էր: Շատ գէր ու խոշոր ֆրանսացի բժիշկ մը սկսաւ ծաղրել շատ նիհար գաւառացի երիտասարդ մը որ իր դէմը նստեր էր: Շինականը, բարկացաւ, և պատասխանեց թէ հակառակ իր նիհարութեան, կրնար հետեւեալ օրը երեք անգամ Հայտ-Բառքի շրջանը ընել՝ կոնակը առած անագին Տօքթօրը: Բժիշկը ընդունեցաւ, և յիսուն ոսկի գրաւ դրաւ: Հետեւեալ օրը երիտասարդը իր խոստմանը համեմատ որոշեալ տեղը եկաւ ու յայտարարեց թէ ինքը գրաւ դրեր էր բժիշկը կրելու, բայց ոչ զգեստները, ուստի պէտք էր հանուէր: Տօքթօրը նեղը մնաց և ստիպուեցաւ վճարել յիսուն ոսկին, որովհետեւ հանդիսականները իրաւունք տուին գիւղացւոյն:

Հ Ր Ա Ղ Ա Ն Գ Ն Ե Ր

- 49. Օրինակել այս հատուածը, եւ ստորագծել այն բառերը որոնք բացառիկ ձեւերով յորձակի կրնան ըլլալ:
- 50. Պատմել այս հատուածը բերանացի, յետոյ գրել զայն գասարանին մէջ:
- 51. Յորձակի ընել հետեւեալ բարդ բառերը.  
Ծակաչք, հիւսիսայգ, ծովափ, համերգ, հոգեվարք, երէցկէն, հրթիւ, թուշորս, ջրհան, բազկաթոռ, շանթարգել, լուսամիտփ:
- 52. Մէյմէկ խօսք շինել հետեւեալ բառերով.  
Հացկերոյթ, գաւառ, շինական, գրաւ դնել, խոստում, յայտարարել, ստիպուի, հանդիսական:
- 53. Յորձակի ընել հետեւեալ բառերը.  
Մշեցի, ազատական, արմէնեան, կուսակցական, քաղաքացի, արեւելքցի, ճաբոնցի:

ՎՍ. ԴՍՍ. — ԲԱՅԱՌԻԿ ՅՈՔՆԱԿԻՆԵՐ. — ԲԱՐԴ ԲԱՌԵՐՈՒ ՅՈՔՆԱԿԻՆ

Տ4. Բացառիկ յոգնակիներ. — Գրաբարի ձեւով, այսինքն է ով ալ յոքնակի կրնան ըլլալ.

1. Յի մասնիկով վերջացող կարգ մը բառեր, ինչպէս Պոլսեցի, Պոլսեցիք, գիւղացի, գիւղացիք:

2. Կան մասնիկով վերջացող կարգ մը բառեր, ինչպէս. Բողոքական, Բողոքականք. Հոռակական, Հոռակականք:

3. Եան վերջացող կարգ մը անուններ, ինչպէս. Օտնակեան, Օտնակեանք:

Տ5. Այս բառերը ազգի մը, կրօնքի մը, ընտանիքի մը, կուսակցութեան մը կամ միջավայրի մը պատկանող մարդիկ կը ներկայացնեն ընդհանրապէս:

Տ6. Սովորականէն տարբեր կերպով յոքնակի կրնան ըլլալ նաև կիև, կանայք. մարդ, մարդիկ. տղայ, տղաք. տղ, տղաքանք. կտոր, կտորաքանք. Հայ, Հայք. Պուշխար, Պուշխարք. և այլն:

Տ7. Բարդ բառերուն յոգնակի. — Բարդ բառերը բազմավանկ ըլլալուն պատճառաւ՝ ներ ով յոքնակի կ'ըլլան, ինչպէս. մայրախոյրաբան, ներխոյրաբան:

Տ8. Բայց երբ իրենց վերջին բառը միավանկ է, բարդ բառերը երբեմն ներ ով եւ երբեմն եր ով յոքնակի կ'ըլլան, ինչպէս. յողացաւեր, արժեթուղթեր, գրագէտներ, նաւավարներ:

Տ9. Երբ բարդ բառը յողակապով չէ կազմուած, միշտ ներ ով յոքնակի կ'ըլլայ, ինչպէս. ջրհորներ, ձկնորսներ, ֆարափներ, կրծկալներ:

ԺԲ. ԱՐՏԱՍԱՆՈՒԹԻՒՆ. — ՀԱՅՈՑ ԱՐԵՒԻՆ

Ո՛վ Հայաստանի վաղեմի արեւ,  
 Շողա՛ հայրենի դաշտերուն վերեւ.  
 Ահա՛ կը հասնի կենսաբեր դարուն.  
 Կապուտակ երկնի հըմայքին մէջէն  
 Ուր զըւարթ ցուքեր միշտ կը դողդոջեն,  
 Տո՛ւր տաքուկ ողջոյնդ հայ մըշակներուն.  
 Հայ ճակատներու վըրայ անխրտիր,  
 Անուշիկ արեւ, ճառագայթ մը դի՛ր,  
 Ճառագայթ մը սուրբ յոյսի, հաւատքի.  
 Խորհուրդներուն մէջ թախծոտ ու մըռայլ,  
 Սրակէ՛ լուսազեղ կայծեր ու շառայլ  
 Որ հոն գիտակից կայծ մը բորբոքի:  
 Հայ ճակատներու վըրայ անխրտիր  
 Անուշի՛կ արեւ, ճառագայթ մը դի՛ր:

Ա.Ղ.ՅԳ. ՓԱՆՈՍԵԱՆ

Հ Ր Ա Հ Ա Ն Գ Ն Ե Ր

- 54. Գրել այս ոտանաւորը, գտնել գոյականները եւ ըսել իւրաքանչիւրին ինչ հոլով ըլլալը:
- 55. Գոց սորվիլ եւ արտասանել այս ոտանաւորը:
- 56. Արձակի վերածել այս ոտանաւորը:
- 57. Ուղղական ընել հետեւեալ հոլովուած բառերը:

Ձանքով, զարմացմամբ, կամարէն, շողերու, արարքի, լեռներէն, զուարթութեամբ, ծովու, ծիծաղէն, ոչխարներէն, կովուն, հոբէին, աշխատութեան, ժամուն, օրուան, տարուընէ, հօրմէ, արտոյ, քրոջմով, ուսման, տանտէրոջմէ:

ԺԲ. Դ Ա Ս. — Հ Ո Ւ Ո Վ Ո Ւ Մ

- 90. Հօլովում. — Անունի մը վերջաւորութեան փոխուելուն հոյովում կ'ըսուի:
- 91. Վեց հոյով կայ. ուղղական, հայցական, սեռական, սրական, բացառական, գործիական:
- 92. Ուղղական. — Ուղղականը կը պատասխանէ ո՞վ հարցման, ինչպէս. Մայրս բարի է: — Ո՞վ բարի է: — Մայրս:
- 93. Հայցական. — Հայցականը ուղղականին ձեւը ունի, բայց կը պատասխանէ զո՞վ հարցման, ինչպէս. Մայրս կը սիրեմ: — Զո՞վ կը սիրեմ: — Մայրս:
- 94. Սեռական. — Սեռականը կը պատասխանէ որո՞ւն հարցման, ինչպէս. Մօրս աղջիկն էմ: — Որո՞ւն աղջիկն էմ: — Մօրս:
- 95. Տրական. — Տրականը սեռականին ձեւը ունի, բայց կը պատասխանէ որո՞ւ հարցման, ինչպէս. Մօրս կապուած էմ: — Որո՞ւ կապուած էմ: — Մօրս:
- 96. Բացառական. — Բացառականը կը պատասխանէ որմե՞ հարցման, ինչպէս. Մօրմեւ կը վսխմամ: — Որմե՞ կը վսխմամ: — Մօրմեւ:
- 97. Գործիական. — Գործիականը կը պատասխանէ որո՞վ հարցման, ինչպէս. Մօրմովս կ'սխտիտիտիտ: — Որո՞վ կ'սխտիտիտիտ: — Մօրմովս:
- 98. Այս հարցումներուն տեղ կը գործածուին. ի՞նչ բան, ի՞նչ բանը, ի՞նչ բանին, ի՞նչ բանի, ի՞նչ բանէ, ի՞նչ բանով, կրք խօսքին առարկան ոչ թէ անձ մը, այլ իր մըն է, ինչպէս. Տունը հին է: — Ի՞նչ բանը հին է: — Տունը:

ԺԳ. ԸՆԹԵՐՑՈՒՄ. — ՅԱԶՈՂ ՊԱՏԱՍԽԱՆ

Արայ և Պետրոս, երկու զիւղացիներ, որ մը բանջարանոցի մը քովէն կ'անցնէին՝ գլուխ գլխու խօսակցելով իրարու հետ: «Նայէ՛, ըսաւ յանկարծ Արայ իր ընկերոջը, սա կաղամբները որքան խոշոր են: — Ատոնք ալ բան են, պատասխանեց Պետրոս հեգնութեամբ, ես անանկ կաղամբ մը տեսած եմ որ մեր զիւղին զանգակատան չափ կար:» Արայ՝ որ կաթսայագործ էր, ուզելով անոր բերնին չափը տալ, դիտմամբ ըսաւ. «Ես ալ ժամանակաւ մեր եկեղեցւոյն չափ կաթսայ մը շինած եմ:» — «Բայց այդ ահագին կաթսան ինչո՞ւ համար շինել տուին:» — «Բու կաղամբդ մէջը եփելու համար անտարակոյս,» յարեց երիտասարդը սրամտութեամբ:

Հ Ր Ա Շ Ա Ն Գ Ն Ե Ր

- 58. Օրինակել այս հատուածը, եւ ստորագծել ընդհանուր կանոնէն տարբեր կերպով հոլովուած անունները:
- 59. Պատմել բերանացի այս հատուածը, յետոյ զրել զայն դասարանին մէջ.
- 60. Մէյմէկ խօսք շինել հետեւեալ բառերուն սեռականը գործածելով.

Պատիւ, որոտում, զաւակ, եկեղեցի, երկիր, մարդագետիւն, հաշիւ, բարութիւն:

Օրինակ. — Պատուոյս վրայ կը խոստանամ քեզի:

- 61. Մէյմէկ խօսք շինել հետեւեալ բառերուն բացառականովը երկաթուղի, ճակատ, յուզում, անօթութիւն:
- 62. Մէյմէկ խօսք շինել հետեւեալ բառերուն գործիականովը. Գիր, հաշիւ, ծուլութիւն, սաւան, յուզում, բերան:

ԺԺ. ԳՍՍ. — ՇՈՒՆԱԿՈՒՄ (Շարունակութիւն)

99. Հոլովում. — Հոլովման ընդհանուր կանոնն է՝

|             |            |              |
|-------------|------------|--------------|
|             | եզակիի մէջ | Յոքնակիի մէջ |
| Ուղղ. Հայց. | Հաց        | Հացեր        |
| Սեռ. Տրակ.  | Հացի       | Հացերու      |
| Բաց.        | Հացէ       | Հացերէ       |
| Գործ.       | Հացով      | Հացերով      |

100. Հասարակ անուններու եզակի հոլովման բացառութիւններն են հետեւեալները.

101. Ա. ի վերջացող բազմաւանկ անունները սեռականի մէջ կ'ըլլան նաև տղ, ինչպէս. երկաքուղի, երկաքուղոյ. եկեղեցի, եկեղեցոյ:

102. Բ. ուրիշ վերջացող անունները կ'ըլլան միշտ քեան, քեան, քեանք, ինչպէս. քերութիւն, քերութեան, քերութեամբ:

103. Գ. ում վերջացող անունները կ'ըլլան նաև ման, մանք, ինչպէս որոտում, որոտման, որոտմամբ:

104. Դ. ի վերջացող գայականներէն ոմանք կ'ըլլան նաև ոռոյ, ոռե, ոռով, ինչպէս. պատիւ, պատուոյ, պատուե, պատուով, և ոմանք ալ՝ ոռի, ոռե, ոռով, ինչպէս. հաշիւ, հաշուի, հաշուե. հաշուով:

105. Ե. վերջին վանկին մէջ ա ունեցող անունները հոլովման մէջ այդ աը չեն կորսնցնել, ինչպէս. սաւան, սաւանի. մատան, մատանի: Բացառիկ են. ճակատ, հակի. քերան, քերի. զաւակ, զակի:

106. Զ. վերջին վանկին մէջ ի պարունակող անուններէն ոմանք հոլովման միջոցին ինչեն կորսնցրել են. ինչպէս. սիլի, սիլիի. ալիք, ալիքի. մատիս, մատիքի. յատիլի, յատիլի: Սակայն կան բառեր ալ որոնց մէջ ինչ կը կորսուի, ինչպէս. գիր, գրի, երկիր, երկրի. մարգագետին, մարգագետնի:

ԺԳ. ԸՆԹԵՐՑՈՒՄ. — ԱԶՍԱՐԱՐԸ

Սառած գետին վրայ Անայիս իր եղբորը հետ կը խաղար: Յակարծ սառույցը կը կոտորի, կը բացուի փոքրիկ աղջկան ոտքին տակ, և տղան ինքզինքը ջուրին մէջ կը գտնէ: Դյուխն ու թեւերը դեռ դուրսն են: Սառույցի կոտորին կը կատչի, իր եղբայրը օգնութեան կը կոչէ. բայց ան խելքը գլխէն գացած՝ կը ձգէ կը փախչի, սուր ճիչեր արձակելով: Անայիս գիտէ թէ գետը խորունկ է, և թէ պիտի թաղուի հոն պաղ ջուրին խորը, հօրմէն մօրմէն հեռու: Բայց ահա հաւատարիմ շունն է, խոշոր քեռ-նեով մը, որ կը վազէ կուգայ, կ'երկնցնէ թաթերը փոքրիկ տիրուհուն, որ առոնց փաթթուելով վեր կ'ելլէ ու կ'ազատի, այսպէս իր շանը հաւատարութեան պարտելով իր կեանքը:

Յ Ր Ա Շ Ա Ն Գ Ն Ե Ր

- 63. Օրինակել այս հատուածը, եւ ստորագծել ընդհանուր օրէնքէն տարբեր կերպով հոլովուած անունները:
- 64. Պատմել րեթանացի այս հատուածը. յետոյ գրել զայն դասարանին մէջ:
- 65. Մէյմէկի խօսք շինել հետեւեալ բառերուն սեռականը գործածելով.
  - Ծով, ասրի, լեռ, կին, բեռ, թռու, ամառ, դուռ, յոգնութիւն, արեւ, պարտէզ, սերտ:
- Օրինակ. — Ծովուն վրայ նաւակով պալտիլը սմենամիջհաճոյք մըն է:
- 66. Մէյ մէկ խօսք շինել հետեւեալ բառերով.
  - Նկար, սառույց, օգնութիւն, ճիչ, գետ, խորունկ:
- Օրինակ. — Պուկուրի Անմեղրքիւնը և Ռէնիի Մագրադի-ճացիկն նշանաւոր նկարներ են:

ԺԳ. ԴԱՍ. — ՀՈՒՆՎՈՒՄ (Շարունակութիւն)

107. Է. Վերջին վանկին մէջ ու պարունակող բառերը գրեթէ միշտ ուն կը պահեն հոլովման ատեն, քնչպէս. ապուխս, ապուխսի. հեղուկ, հեղուկի: Սակայն բացառութիւններ կան, ինչպէս. օգուս, օգսի. տեսուչ, տեսչի, ևայլն: Ու պարունակող կարգ մը բառեր ալ տարբեր սեռական ունին, ինչպէս. տուն, տան. շուն, շան, ևայլն:

108. Ը. Կարգ մը միավանկ բառեր կան, որոնց սեռականը ու կ'ըլլայ, ինչպէս. մարդ, մարդու. շահ, շահու. դար, դարու. ծով, ծովու. նաւ, նաւու, մանչ, մանչու:

109. — Թ. Ժամանակ ցուցնող գրեթէ բոլոր անունները կ'ըլլան ուսն, և կամ ուրնե, ով, ինչպէս. ամառ, ամառուան, ամառե կամ ամառուրնե, ամառով: Այսպէս կ'ըլլան. ձմեռ, հիւնակ, երեկ, առեւ, ժամանակ, անգամ, ցորեկ, օր, կեսօր, գիշեր. առաջ, ժամ, հեղ, իրիկուն, առտու, վաղը, տարի, ամիս, շաբաթ:

110. Ժ. Ազգականութեան կապ ցուցնող գրեթէ բոլոր անունները բացառիկ հոլովումներ ունին, ինչպէս.

Ա. Հայր, հօր, հօրմե, հօրմով: Նոյնպէս. մայր, եղբայր:

Բ. Աղջիկ, աղջկան, աղջիկե, աղջիկով: Նոյնպէս. երիկ, կնիկ:

Գ. Ներ, ներոջ, ներոյմե, ներոյմով: Նոյնպէս. աներ, սալ, ֆոյր, կեսուր, կիկ: Ընկեր և տր բառերը, թէև չըլլան ազգականութեան կապ ցոյց տուող անուններ, կը հոլովուին ներին պէս:

111. ԺԱ. Անկանոն կերպով կը հոլովուին սեր, սիրոյ. կայսր. կայսեր. նախայ, նախու. գլուխ, գլխու. արեւ, արեւու. տայ, տղու. լեռ, լեռան. բեռ, բեռան. քոռ, քոռան. եզ, եզան: հիւն, հիւնան. դուռ, դրան. մատուռ, մատրան:

**ԺԾ. ԸՆԹԵՐՅՈՒՄ. — ՀՈՒՆՁՔԻ ԱՌԱԻՑ**

Հունձքի տօնն է. արթընցէ՛ք, ո՛վ շինականք,  
Մանգաղին խովն արեւուն դէմ թո՛ղ փայլի,  
Ինչպէս մահիկն արծաթի:

Մն, ոտք ելէ՛ք, կանա՛յք, այրե՛ր ու տըղաք,  
Ձեզ կ'սպասեն դաշտին հունձքերը յուռթի  
Եւ աղջիկներ դեռատի:

Յաղթանակի և ցնծութեան երգերով,  
Ոսկի հասկէ ձեզ պսակներ կը հիւսն  
Հարաւէն ու հիւսիսէն:

Ձեզ կ'սպասէ փարթամն իր ճոխ գանձին քով -  
Ձեզ կը յուսայ արցունքներով կարօտի,  
Աղքատ տըղեկն անօթի:

**Հ Ր Ա Ն Ա Ն Գ Ն Ե Ր**

67. Օրինակել այս հատուածը, եւ ստորագծել այն անունները ուրոնք բացատիկ հոլովումներ ունին յոքնակիի մէջ:

68. Պատմել բերանացի այս հատուածը, յետոյ զրել զայն:

69. Մէլմէկ խօսք շինել հետեւեալ բառերուն ո եւ է մէկ հոլովը գործածելով.

Բողոքականք, լեռնցիք, կանայք, մարդիկ, դպրոցականք, աղաք, աղջիկներ:

Օրինակ. — Բողոքականաց աղապատը ժողովք նախագահեց:

70. Գտնել հետեւեալ բառերուն եզակի ուղղականները.

Բերկրութեանց, աղոց, կանանց, քաղաքացւոց, պերճութեանց, բուրմանց, ունայնութեանց, գիւղացւոց մարդոց, յիշուութեանց, հակակրութեանց, բարախմանց, յապաղմանց:

**ԺԾ. ԳՄՍ. — ՀՈԼՈՎՈՒՄ (Շարունակութիւն)**

**112.** Հասարակ անուններու յոքնակի հոլովման բացառութիւնները հետեւեալներն են.

**113.** Յի՛ք վերջացող յոքնակիները սեռականի և արականի մէջ կ'ըլլան ցւոց, ինչպէս. ֆաղաֆաղիք, ֆաղաֆաղաց. գիւղացիք, գիւղացւոց:

**114.** Կանկ վերջացող յոքնակիները սեռականի և արականի մէջ կ'ըլլան կանաց, ինչպէս. բողոքականք, բողոքականաց. պահպանողականք, պահպանողականաց:

**115.** Եանկ վերջացող յոքնակիները սեռականի և արականի մէջ կ'ըլլան եանց, ինչպէս. աշակողմեանք, աշակողմեանց:

**116.** Ասոնցմէ զատ՝ ուրիշ և ուր վերջացող անունները յոքնակի սեռականի և տրականի մէջ կրնան ըլլալ նաև քեանց և մանց, ինչպէս. ուրախութեանց, ուսմանց:

**117.** Տղաք, մարդիկ, կանայք հետեւեալ կերպով կը հոլովուին.

|       |       |         |           |         |
|-------|-------|---------|-----------|---------|
| Ուղղ. | Հայց. | Տղաք    | Մարդիկ    | Կանայք  |
| Սեռ.  | Տրակ. | Տղոց    | Մարդոց    | Կանանց  |
| Բաց.  |       | Տղոցմէ  | Մարդոցմէ  | Կիներէ  |
| Գործ. |       | Տղոցմով | Մարդոցմով | Կիներով |

**118.** Մարդ և կին բառերը ընդհանուր օրէնքին համաձայն կ'ըլլան նաև յոքնակիի մէջ մարդեր, մարդերու, մարդերէ, մարդերով. կիներ, կիներու:

**119.** Աղջիկ բառին յոքնակի սեռականը կ'ըլլայ նաև աղջկանց:

ՀԱՍԱՐԱԿ ԱՆՈՒՆՆԵՐՈՒ ՀՈՂՈՎՈՒՄԸ

ԸՆԴՀԱՆՈՒՐ ԿԱՆՈՆ

| եզակի      | Յոթնակի | եզակի    | Յոթնակի     |
|------------|---------|----------|-------------|
| Ո. Հ. Ծառ  | Ծառեր   | Պարտէզ   | Պարտէզներ   |
| Ս. Տ. Ծառի | Ծառերու | Պարտէզի  | Պարտէզներու |
| Բ. Ծառե    | Ծառերե  | Պարտէզե  | Պարտէզներե  |
| Գ. Ծառով   | Ծառերով | Պարտէզով | Պարտէզներով |

Բ Ա Յ Ա Ռ Ո Ւ Թ Ի Ի Ն Ն Ե Ր

Ա.

Բ.

ի վերջացող բառեր

ուրիշ վերջացող բառեր

| եզ.          | եզ.        | Յոթ.           |
|--------------|------------|----------------|
| Ո. Հ. Հոգի   | Բարուքիւն  | Բարուքիւններ   |
| Ս. Տ. Հոգւոյ | Բարուքեան  | Բարուքեանց     |
| Բ. Հոգիե     | Բարուքեանե | Բարուքիւններե  |
| Գ. Հոգիով    | Բարուքեամբ | Բարուքիւններով |

Գ.

ուր վերջացող բառեր

| եզ.          | Յոթ.        |
|--------------|-------------|
| Ո. Հ. Ուսում | Ուսումներ.  |
| Ս. Տ. Ուսման | Ուսմանց     |
| Բ. Ուսումե   | Ուսումներե  |
| Գ. Ուսմամբ   | Ուսումներով |

Գ.

ի վերջացող բառեր

|       | եզ.     | եզ.     |
|-------|---------|---------|
| Ո. Հ. | Պատիւ   | Հաշիւ   |
| Ս. Տ. | Պատուոյ | Հաշուի  |
| Բ.    | Պատուե  | Հաշուե  |
| Գ.    | Պատուով | Հաշուով |

Ե.

Ձ.

Վերջին վանկին մէջ ա պարունակող կարգ մը բառեր

Վերջին վանկին մէջ ի պարունակող կարգ մը բառեր

|       | եզ.    | եզ.  | Յոթ.    |
|-------|--------|------|---------|
| Ո. Հ. | Ճակատ  | Գիր  | Գիրեր   |
| Ս. Տ. | Ճակտի  | Գրի  | Գիրերու |
| Բ.    | Ճակտե  | Գրե  | Գիրերե  |
| Գ.    | Ճակտով | Գրով | Գիրերով |

Է.

Վերջին վանկին մէջ ա պարունակող քսնի մը բառեր

|       | եզ.     | եզ.    | Յոթ.     |
|-------|---------|--------|----------|
| Ո. Հ. | Օգուտ   | Տուն   | Տուներ   |
| Ս. Տ. | Օգտի    | Տան    | Տուներու |
| Բ.    | Օգուտե  | Տունե  | Տուներե  |
| Գ.    | Օգուտով | Տունով | Տուներով |

Ը.

Գանի մը միավանկ բառեր

|       | եզ.   | Յոք.    | եզ.    | Յոք.      |
|-------|-------|---------|--------|-----------|
| Ո. Հ. | Ծով   | Ծովեր   | Մարդ   | Մարդիկ    |
| Ս. Տ. | Ծովու | Ծովերու | Մարդու | Մարդոց    |
| Բ.    | Ծովի  | Ծովերի  | Մարդի  | Մարդոցմէ  |
| Գ.    | Ծովով | Ծովերով | Մարդով | Մարդոցմով |

Թ.

Ժամանակ ցուցնող բառեր

|       | եզ.       | եզ.       | եզ.       |
|-------|-----------|-----------|-----------|
| Ո. Հ. | Ամառ      | Ատեն      | Ժամ       |
| Ս. Տ. | Ամառուան  | Ատենուան  | Ժամուան   |
|       |           | կամ Ատենի | կամ Ժամու |
| Բ.    | Ամառուրնի | Ատենի     | Ժամի      |
|       | կամ Ամառի |           |           |
| Գ.    | Ամառով    | Ատենով    | Ժամով     |

Ժ.

Ազգականութեան կապ ցուցնող բառեր

|       | եզ.    | եզ.    | եզ.      | Յոք.    |
|-------|--------|--------|----------|---------|
| Ո. Հ. | Հայր   | Կնիկ   | Ներ      | Կին     |
| Ս. Տ. | Հօր    | Կնկան  | Ներոջ    | Կնոջ    |
| Բ.    | Հօրմէ  | Կնիկի  | Ներոջմէ  | Կնոջմէ  |
| Գ.    | Հօրմով | Կնիկով | Ներոջմով | Կնոջմով |

ԺԱ.

Կանխ վերջացող յօքնակիներ

|       |                |
|-------|----------------|
| Ո.    | Բողոքականի     |
| Հ.    | Բողոքականների  |
| Ս. Տ. | Բողոքականաց    |
| Բ.    | Բողոքականների  |
| Գ.    | Բողոքականներով |

ԺԲ.

Կանխ վերջացող յօքնակիներ

|                 |
|-----------------|
| Աջակողմեանի     |
| Աջակողմեանների  |
| Աջակողմեանաց    |
| Աջակողմեանների  |
| Աջակողմեաններով |

ԺԳ.

ցիւ վերջացող յօքնակիներ

|       |              |
|-------|--------------|
| Ո.    | Գիւղացիի     |
| Հ.    | Գիւղացիների  |
| Ս. Տ. | Գիւղացուց    |
| Բ.    | Գիւղացիների  |
| Գ.    | Գիւղացիներով |

ԺԴ.

Անկանոն յօլովումներ

|       | եզ.   | Գիւլիս  |
|-------|-------|---------|
| Ո. Հ. | Սեր   | Կայսր   |
| Ս. Տ. | Սիրոյ | Կայսեր  |
| Բ.    | Սերի  | Կայսրի  |
| Գ.    | Սիրով | Կայսրով |

|       | եզ.  | Յոք.    | եզ.    | Յոք.       |
|-------|------|---------|--------|------------|
| Ո. Հ. | Տղայ | Տղաի    | Ճամբայ | Ճամբաներ   |
| Ս. Տ. | Տղու | Տղոց    | Ճամբու | Ճամբաներու |
| Բ.    | Տղի  | Տղոցմէ  | Ճամբի  | Ճամբաների  |
| Գ.    | Տղով | Տղոցմով | Ճամբով | Ճամբաներով |

|       | եզ.  | Յոք.  | եզ.    | Յոք.      |
|-------|------|-------|--------|-----------|
| Ո. Հ. | Եզ   | Թոռ   | Դուռ   | Դուռներ   |
| Ս. Տ. | Եզան | Թոռան | Դրան   | Դուռներու |
| Բ.    | Եզի  | Թոռի  | Դրանի  | Դուռների  |
| Գ.    | Եզով | Թոռով | Դրանով | Դուռներով |

**ԺԶ. ԸՆԹԵՐՑՈՒՄ. — ԽԱՂԱԼԻԿՆԵՐԸ**

Խաղալիկները ժամանակակից գիւտ մը չեն: Հազարաւոր տարիներ առաջ, հին ազգերն ալ տեսակ տեսակ խաղալիկներ հնարած էին, որոնք նոյն ժամանակի տղոց ուրախութիւն և զուարճութիւն կը հայթայթէին: Յոյները, Հռովմայեցիք ու Եգիպտացիք ալ կը շինէին շարժուն պուպիկներ, և փայտէ կոկորդիլոսներ կը քանդակէին: Սակայն ամէն դար իր մասնաւոր դրոշմը ձգած է զուարճութեան գործիքներուն վրայ: Այսօր ընդհանրապէս գիտական խաղալիկներ շատ կը փնտռուին: Ֆրանսայի, Անգլիոյ և Գերմանիոյ մէջ տղոց համար վայրաշարժներ, հանրակառքեր և ելեկտրական մեքենաներ կը յօրինեն հիմայ, որպէս զի այդ մանրանկար առարկաներուն վրայ պատրաստուի իրենց միտքը՝ որ մը անոնց մեծերը ըմբռնելու:

**Ն Ր Ա Ն Ա Ն Գ Ն Ե Ր**

- 71. Օրինակել այս հատուածը, եւ ստորագծել այն յատուկ անունները որոնք բացառիկ հոյովուումներ ունին եզակիի կամ յորնակիի մէջ:
  - 72. Բերանացի պատմել այս հատուածը, յիտոյ գրել զայն դասարանին մէջ:
  - 73. Սորվիլ հետեւեալ բառերը եւ մէյ մէկ խօսք շինել անոնցմով. ժամանակակից, գեւա, զուարճութիւն, հայթայթել, պուպիկ, կոկորդիլոս, քանդակել, դրոշմ, ընդհանրապէս, վայրաշարժ, հանրակառք, մանրանկար:
- Օրինակ.** — Վայրաշարժն է որ կառախուժքը կը քաշէ երեւեակէն:
- 74. Գտնել հետեւեալ բառերուն եզակի ուղղականները.
    - Ձինացւոց, Սկովտիացիք, Գալիֆոռնիայ, Ճաբոնցւոց, Եսքիմացիք, Հոմալայեցւոց, Պարսկաց, Եփրայեցիք, Գերմանացւոց, Թուսաց, Պուլկարիայ:

**ԺԶ. ԳՍՍ. — ՅԱՏՈՒԿ ԱՆՈՒՆՆԵՐՈՒ ՇՈՒՎՈՒՄԸ**

**120.** Յատուկ անունները ընդհանուր կանոնին հասմեատ կը հոյովուին: Յատուկ անունները ընդհանրապէս եզակի կը գործածուին, սակայն կրնան յօքնակի ալ գործածուիլ, ինչպէս. Պուրպուրները իրեցիկ Ֆրանսայի:

**121.** Յատուկ անուններու հոյովման բացառութիւններն են եզակիի մէջ հետեւեալները.

1. ա և իա վերջացող յատուկ անունները յ կ'առնեն հոյովման մէջ, ինչպէս. Ֆրանսա, Ֆրանսայի. Անկա, Անկայի. Եւրոպիա, Եւրոպիայի:

2. իա վերջացող աշխարհագրական անունները կ'ըլլան իոյ, իայի, իայով, ինչպէս. Անգլիա, Անգլիոյ, Անգլիայի, Անգլիայով:

3. Նոյնպէս օ վերջացող անունները կ'ըլլան ոյի, ոյի, ոյով, ինչպէս. Շիբալիօ, Շիբալիոյի, Շիբալիոյի, Շիբալիոյով. Բոնիօ, Բոնիոյի, Բոնիոյի, Բոնիոյով:

4. Վերջին վանկին մէջ ա, ի, ու պարունակող յատուկ անունները միշտ անփոփոխ կը մնան հոյովման մէջ, ինչպէս. Եփրատ, Եփրատի Պերլին, Պերլինի. Վարդուկ, Վարդուկի: Բացառիկ է Չասիկ, Չասիկի:

5. Անկանոն հոյովումներ ունին Ասուած, Ասուածոյ, Ասուածի, Ասուածով. Չին, Չինու. Հայ, Հայու. Պոլիս, Պոլսոյ. Ասուածածին, Ասուածածնայ. Խրում, Խրումի, և այլն:

**122.** Յատուկ անուններու հոյովման բացառութիւններն են յօքնակիի մէջ հետեւեալները.

Եանի, ցիֆ, կանի վերջաւորուած յատուկ անունները յօքնակի սեռականի մէջ կ'ըլլան եանի, ցոց, կանաց, ինչպէս: Օսմանեանի, Օսմանեանց. Կարնեցիֆ, Կարնեցոց. Ղևախանի, Ղևախանաց: Բացառիկ կերպով կրնան հոյովուիլ նաև Հայ, Յոյն, Հեղին, Հրեայ և ուրիշ ազգերու անուններ, ինչպէս. Հայի, Հայոց. Յոյնի, Յոյնաց. Հեղինի, Հեղինաց, Հրեայի, Հրեից:

ՅԱՏՈՒԿ ԱՆՈՒՆՆԵՐՈՒ ՀՈՂՈՎՈՒՄԸ

ԸՆԻՀԱՆՈՒՐ ԿԱՆՈՆ

|       |          |             |
|-------|----------|-------------|
|       | եզ.      | Յոգ.        |
| Ո. Հ. | Յովսէփ   | Յովսէփներ   |
| Ս. Տ. | Յովսէփի  | Յովսէփներու |
| Բ.    | Յովսէփե  | Յովսէփներե  |
| Գ.    | Յովսէփով | Յովսէփներով |

|       |          |             |
|-------|----------|-------------|
|       | եզ.      | Յոգ.        |
| Ո. Հ. | Շուշան   | Շուշաններ   |
| Ս. Տ. | Շուշանի  | Շուշաններու |
| Բ.    | Շուշանե  | Շուշաններե  |
| Գ.    | Շուշանով | Շուշաններով |

Բ Ա Ց Ա Ռ Թ Ի Ի Ն Ն Ե Ր

Ա.

ա եւ իա վերջացող անուններ

|       |           |             |
|-------|-----------|-------------|
| Ո. Հ. | Ֆրանսա    | Եւտոքսիա    |
| Ս. Տ. | Ֆրանսայի  | Եւտոքսիայի  |
| Բ.    | Ֆրանսայե  | Եւտոքսիայե  |
| Գ.    | Ֆրանսայով | Եւտոքսիայով |

Բ.

Գ.

իա վերջացող երկրի անուններ օ վերջացող երկրի անուններ

|       |           |           |
|-------|-----------|-----------|
| Ո. Հ. | Սպանիա    | Շիքակօ    |
| Ս. Տ. | Սպանիոյ   | Շիքակոյի  |
| Բ.    | Սպանիայե  | Շիքակոյե  |
| Գ.    | Սպանիայով | Շիքակոյով |

Դ.

Վերջին վանկի ի տառին յապաւումը

|       |        |
|-------|--------|
| Ո. Հ. | Չատիկ  |
| Ս. Տ. | Չատկի  |
| Բ.    | Չատկե  |
| Գ.    | Չատկով |

Ե.

Անկանոն հոլովումներ եզակիի մէջ

|       |           |       |        |        |       |
|-------|-----------|-------|--------|--------|-------|
| Ո. Հ. | Աստուած   | Հայ   | Խթում  | Պոլիս  | Չին   |
| Ս. Տ. | Աստուծոյ  | Հայու | Խթման  | Պոլսոյ | Չինու |
| Բ.    | Աստուծմե  | Հայե  | Խթումե | Պոլսե  | Չինե  |
| Գ.    | Աստուծմով | Հայով | Խթմով  | Պոլսով | Չինով |

Զ.

Է.

Ը.

|       |                                   |                                |                                   |
|-------|-----------------------------------|--------------------------------|-----------------------------------|
|       | եանք վերջացող<br>յորնակի անուններ | ցիք վերջացող<br>յորն. անուններ | կանք վերջացող<br>յորնակի անուններ |
| Ո.    | Օսմանեանք                         | Պոլսեցիք                       | Հոռմէականք                        |
| Հ.    | Օսմանեանքեր                       | Պոլսեցիքեր                     | Հոռմէականքեր                      |
| Ս. Տ. | Օսմանեանց                         | Պոլսեցւոց                      | Հոռմէականց                        |
| Բ.    | Օսմանեանքերե                      | Պոլսեցիքերե                    | Հոռմէականքերե                     |
| Գ.    | Օսմանեանքերով                     | Պոլսեցիքերով                   | Հոռմէականքերով                    |

Թ.

Անկանոն յորնակի հոլովներ

|       |            |             |
|-------|------------|-------------|
| Ո.    | Հայք       | Հրեայք      |
| Հ.    | Հայեր      | Հրեաներ     |
| Ս. Տ. | Հայոց      | Հրէից       |
| Բ.    | Հայերե     | Հրեաներե    |
| Գ.    | Հայերով    | Հրեաներով   |
| Ո.    | Հնդիկք     | Պարսիկք     |
| Հ.    | Հնդիկներ   | Պարսիկներ   |
| Ս. Տ. | Հնդկաց     | Պարսկաց     |
| Բ.    | Հնդիկներե  | Պարսիկներե  |
| Գ.    | Հնդիկներով | Պարսիկներով |

**ԺԷ. ԸՆԹԵՐՑՈՒԱԾ. — ՍՐԱՍԻՏ ՊԱՏԱՍԽԱՆ**

Ժամանակաւ, երբ տակաւին հնարուած չէր շոգեկառքը և ամէն մարդ կառքով կը ճամբորդէր, Անգլիոյ Թագաւորներէն մէկը, Դէորգ Ա. գիւղի մը պանդոկը իջաւ, կառքին ձիերը փոխել տալու համար, և անօթի ըլլալով՝ երկու հաւկիթ բերել տուաւ: Մեկնելու պահուն՝ իր մանկաւիկը եկաւ գանգատեցաւ թէ պանդոկապետը հարիւր Ֆիօրին կը պահանջէր հաւկիթներուն փոխարէն: Ինքնակալը կանչել տուաւ զայն և հարցուց թէ արդեօք հաւկիթները շատ հազուադիւր էին այդ գիւղին մէջ որ այդպէս սուղ կը ծախէր: «Ո՛չ, տէ՛ր արքայ, պատասխանեց սրամիտ գիւղացին, նոյն իսկ շատ առատ են, բայց Թագաւորները հազուադիւր են, և երբ բախտը Ձեր Վեհափառութեան պէս մեծ ինքնակալ մը կը զրկէ մեզի. կը ջանանք օգուտ քաղել:» Թագաւորը ժպտեցաւ և հարիւր Ֆիօրինը համրել տուաւ:

**Հ Ր Ա Ն Ա Ն Գ Ն Ե Ր**

- 75. Օրինակել այս հատուածը, եւ ցոյց տալ մէջի անուններուն թիւը:
- 76. Ցոյց տալ այդ անուններուն հոլովները:
- 77. Պատմել բերանացի այս հատուածը, յետոյ զրել զայն:
- 78. Հետեւեալ բառերով մէյմէկ խօսք շինել.  
Շոգեկառք, ճամբորդ, պանդոկ, հաւկիթ, մանկաւիկ, սրածք, հազուադիւր, ինքնակալ, Ֆիօրին, առատ:  
**Օրինակ.** — Շոգեկառքով ճամբորդութիւնը յոգնեցուցի էս:
- 79. Լուծել այս հատուածին առաջին ծարր անունները:  
**Օրինակ.** — Կատիկն | հասարակ անուն եղակի սեռական  
                                  | հասարակ անուն յօքնակի հայցական

80. Հետեւեալ խօսքերուն մէջի շեղագիր անուններուն թիւը փոխել.

Թոյունը պուրափէն մէջ կը գեղգեղէ: — Սարկաւազը խորանը կը խնկարկէ: — Բանաստեղծները տաղեր կը յօրինեն: — Ասեմախօսները թմրուուն վրայէն կը ճառեն: — Վարագը և արջը զայրին չափ անգուլթ են: — Այն հրեանդութիւնները, որոնք ուրիշն կը փոխանցուին, տարափոխիկ կը կոչուին: — Ան որ գալիք վատնգը կը տեսնէ, նախատես մարդ մըն է: — Փոսուածները գիշերը կը փայլեն խոտն մէջ.

81. Գտնել վեց ծաղկի անուն, եւ զրել անոնց յոքնակին: Գտնել վեց Յուչունի անուն, եւ հոլովել: Գտնել վեց քաղաքի անուն, եւ զրել անոնց եզակի բացառականները:

**ԺԷ. ԴՍՍ. — ԱՆՈՒՆԻՆ ԼՈՒԾՈՒՄԸ**

**123. Անունիկ լուծումը.** — Անուն մը լուծելու համար պէտք է ցոյց տալ .

- 1. Տեսակը. հասարակ կամ յատուկ անուն:
- 2. Թիւը. եզակի կամ յոքնակի:
- 3. Հոլովը. ուղղական, հայցական, սեռական, տրական, բացառական, կամ գործիական:

**124. Երեւանումներ.** — Լուծման մէջ սովորութիւն է բառերը կրճատելով գրել:

Յատուկ անուն գրելու տեղ՝ գրելու է յՏ. ան. հասարակ անուն՝ հս. ան. եզակի՝ եզ. յոքնակի՝ յհ.:  
Ուղղական՝ ուղ. հայցական՝ հյց. սեռական՝ սո. տրական՝ տր. բացառական՝ բցո. գործիական՝ գրծ.:

**ԺԸ, ԸՆԹԵՐՑՈՒԱԾ. — ԶԻՆԱԳՆԴԱԿ**

Այսօր անձրեւ չըկայ. երկինքն է ճերմակ.  
Ճերմակ են հողն ու տանիքներ ձիւնին տակ.  
Եւ կը կախուին ծառերու մերկ ճիւղէն վար  
Բիւրեղի պէս ցող-եղեամներ լուսավառ:

Օ՛ն, հա՛յ տրդաք, դուք քաջ եղէ՛ք և անվախ.  
Ձիւնի տօնը տրդոց մեծ տօնն է ուրախ.  
Տուններնուդ մէջ մի՛ կծկըտիք կրակին մօտ.  
Բունը բաւ է ձեզի մինչեւ առաւօտ:

Դուրս նետուեցէ՛ք դաշտին վրայ լուսազարդ  
Խաղալ ճերմակ զնդակներով ձիւնամարտ.  
Ձեր բազուկներ ցուրտին շարժիլ թո՛ղ ունին  
Ձեր այտին վրայ կարմիր վարդեր թո՛ղ բուսնին:

**Շ Ր Ա Չ Ա Ն Գ Ն Ե Ր**

- 82. Օրինակել այս ոտանաւորը եւ ցոյց տալ յատկացումները:
- 83. Գոց սորվել եւ արտասանել այս ոտանաւորը:
- 84. Մէյմէկ պատշաճ յատկացում ղնել հետեւեալ յատկացեալներուն քով.

... խրատը. — ... հրացանը. — ... լեզուն. — ... բրինձ. —  
... որսորդութիւնը. — ... աչքը. — ... ապուրը. — ... ստեղծագործը. —  
... երգչհոնը. — ... ջերմանոցը. — ... կանթեզը:

**Օրինակ.** — Ծերուկին խրատը:

- 85. Մէյ մէկ խօսք շինել հետեւեալ անուններով.  
Որմնադրին ծեփակը, աշխատանոցին լոյսը, նալթիկին մզբաճը,  
գրքին պատկերները, ծառային ամսականները, դեղձանիկին գայլայտիկը:

**Օրինակ.** — Որմնադրին ծեփակը ցեխին մէջ էնկաւ:

- 86. Մէյմէկ յարմար յատկացեալ ղնել հետեւեալ յատկացումներուն քով.  
Լուսնին... — ձիւնին... — ջուրակին... — հայտին... —  
մատերուն... — դաշնակին... — սեղանին... — դեղձին... —  
եղեւիկներուն... — ամպերուն... — փոթորիկին...

**ԺԸ. ԴԱՍ. — ՅԱՏԿԱՅՈՒՑԻՉ ԵՒ ՅԱՏԿԱՅԵԱԼ**

**125. Անունը յատկացուցիչ.** — Յատկացուցիչը բառի մը որուն ըլլալը կը ցուցնէ, և կ'ըլլայ միշտ սեռական, թէ՛ եղակիի և թէ՛ յոքնակիի մէջ, ինչպէս. դրացոցին աշակերտը. տուներուն սանիթները. դրան բանալին:

**126. Անունը յատկացեալ.** — Յատկացեալը յատկացուցիչին վերաբերեալ անունն է, ինչպէս. դպրոցին աւակերները. սաւ սանիթը. դուռներուն բանալիները:

**127. Յատկացեալը կրնայ ըլլալ ուղղական, հայցական, սեռական, սրական, բացատրական, գործիական, ինչպէս. դպրոցին աւակերտը, դրացին աւակերտին, դպրոցին աւակերտէն, դպրոցին աւակերտով:**

**128. Յատկացուցիչը կը պատասխանէ որո՞ւն հարցման, ինչպէս. որո՞ւն աշակերտը. — դպրոցին:**

**129. Յատկացուցիչը յատկացեալէն առաջ կը դըրուի ընդհանրապէս; բայց երբեմն կրնայ նաև ետքը դրուիլ:**

**ՃԲ. ԸՆԹԵՐՑՈՒՍԸ. — ԳԻՒՂԱՅԻՆ ԵՒ ԿԱՊԻԿԸ**

Հարուստ և տգեղ կոմսուհի մը կապիկ մը ունէր, որ թաւիչէ ոսկեճամուկ զգեստներով հագուած՝ տանը մէջ կը պտըտէր: Օր մը ագարակի մը ծառան իր տէրօջը կողմէն կողով մը լեցուն պտուղ բերաւ կոմսուհիին: Երբ սանդուխէն վեր կ'ելլէր, կապիկին հանդիպեցաւ, ու մարդ կարծելով՝ բարեւեց զայն: Կապիկը զուշակելով որ աւտելիք մը կար, տղան կեցուց, և կողովին տերեւները բանալով՝ մէջը գտնուած թուզերը մէկիկ մէկիկ կերաւ: Նոյն միջոցին տան տիրուհին վրայ հասաւ: Այն ատեն ծառան ըսաւ. «Տիկին, տէրս ձեզի կը զրկէ այս կողովը, որուն մէջ սերկեւիլներ կան. թուզեր ալ կային, բայց ձեր որդին կերաւ զանոնք»:

**Հ Ր Ա Շ Ա Ն Գ Ն Ե Ր**

- 87. Օրինակել այս հատուածը, նշանակել մէկ գծով անունները եւ երկու գծով բայերը:
- 88. Պատմել այս հատուածը բերանացի, յետոյ զրել զայն դասարանին մէջ:
- 89. Մէյմէկ խօսք շինել հետեւեալ բառերը իրրեւ ենթակայ գործածելով.

Կոմսուհի, կապիկ, թաւիչ, զգեստ, ագարակ, ծառայ, սանձաւի, տերեւ, կողով, սերկեւիլ:

**Օրինակ.**—Կապիկը տգեղ և չար կենդանի մըն է որ մեծ ճարտարութեամբ ուրիշներուն ձեւերը կը կրկնէ:

90. Մէյմէկ ենթակայ դնել հետեւեալ բայերուն քով.

- |                 |                   |
|-----------------|-------------------|
| ... թափեցան:    | ... կը մանէ:      |
| ... կը գծագրեն: | ... կը կարդայ:    |
| ... կ'երթայ:    | ... կը ծափահարեն: |
| ... կու լայ:    | ... կը թնդան:     |

91. Մէյմէկ յատկացուցիչ աւելցնել հետեւեալ ենթականերուն քով.

- |                          |                         |
|--------------------------|-------------------------|
| ... ընտանիքը բարեկիրթ է: | ... կոշակը փրթաւ:       |
| ... տղաքը հիւանդ են:     | ... սիւները կործանեցան: |
| ... աղջիկը դուրս գնաց:   | ... թանաքը թափեցաւ:     |

**Օրինակ.** Մարգարիմ ընտանիքը բարեկիրթ է:

92. Յոքնակիի դարձնել հետեւեալ խօսքերը.

Տառակը կը մնջէ.—կայծը հրդեհ կը պատճառէ.—Վտակը գետին մէջ կը թափի.—Խենդը դիւրահաւան կ'ըլլայ.—Մարգրիթը խոզին առջև յարգ չաւնի.—Թռչունը կամեց կամեց բոյն կը շինէ.—Կոտրէ՛ կորիզը որ միջուկը ուտես:

**ՃԲ. ԳՍԱ. — ԵՆԹԱԿԱՅ ԵՒ ԲԱՅ**

**130. Բայ.** — Բայը բան մը ընել կամ ըլլալ կը ցուցնէ:

**131. Անունը՝** իրրեւ ենթակայ. — Ենթակայ անունը ցոյց կուտայ այն անձը, այն անասունը, այն իրը, որ գործողութիւնը կը կատարէ կամ իր վրայ, ինչպէս՝ ֆնացայ, (չեզոք), և կամ ուրիշ առարկայի մը վրայ, ինչպէս՝ ծեծեցի (ներգործական):

**132. Երբ** ենթական յոֆնակի անուն մըն է, բայը յոֆնակի կը դրուի:

**133. Առանց** բայի խօսք չ'ըլլար:

**Ի. ԸՆԹԵՐՑՈՒԱԾ. — ՍԵՐ ԲԱՆԱՍՏԵՂՉ ԹԱԳԱՒՈՐԸ**

Հայերը ունեցած են, Քրիստոսէ կէս դարու չափ առաջ, բանաստեղծ թագաւոր մը, Արտաւազդ Բ. : Անիկա մտաւոր բարձր զարգացում ունէր. գիտէր հայերէն և յունարէն, և որքան ճարտարութեամբ կը խօսէր, նոյնքան տաղանդով կը գրէր : Իր երկերէն կը յիշուին յունարէն լեզուով գրուած արտասանելի հատուածներ և թատրերգութիւններ, զորս ներկայացնելու տար իր արքունիքին մէջ, պալատական բարձր անձնաւորութեանց և օտար իշխաններու ներկայութեան :

Այն թուականին, հայերը դեռ գիր չունէին, և այդ է պատճառը անշուշտ որ Արտաւազդ յոյն տառերով գրած է թերեւս իր հայերէն երկերն անգամ :

**Շ Ր Ա Չ Ա Ն Գ Ն Ե Ր**

- 93. Օրինակել այս հատուածը, ցոյց տալ բայերը եւ անումները :
- 94. Պատմել այս հատուածը բերանացի, յետոյ գրել զայն :
- 95. Մէյմէկ նախադասութիւն շինել վերոգրեալ ընթերցուածին մէջ գտնուած հետեւեալ խնդիրները իրրեւ ենթակայ գործածելով :

Քրիստոս, դար, զարգացում, ճարտարութիւն, տաղանդ, երկ, հատուած, թատրերգութիւն, արքունիք, ներկայութիւն, թուական, առաջ :

**Օրինակ.** — Ափս'ս որ Արտաւազդ Բ.ի երկերը հասած չեն մեզ :

96. Ցոյց տալ թէ հետեւեալ նախադասութեանց մէջ որոնք են ենթակամերը, որոնք են խնդիրները :

Քոյրս մատնոցով չի կտրեր : — Մարդքիտ ասանոց մը տուաւ աղքատին : — Հայրս ուշ կը դառնայ շուկայէն : — Վարդուհին աւելլը լուսայ : — Կոյրերը լոյս չեն տեսներ : — Աղքատը սրինգ կը նուագէր : — Տգտն պարտէզ պիտի երթայ : — Ճրագը աշտանակէն ինկաւ : — Կատուն մեկին հանդիպեցաւ : — Շունը սակառը կը ատնէր : — Ձեռքերս շրջաթայով կապուած էին : — Ոտքերս ցուրտէն ստուեր էին : — Ձիւնէն լեռները ճերմկեցան :

**Օրինակներ.** — Քոյրս (ենթակայ) մատնոցով (խնդիր) չի կտրեր : Ձիւնէն (խնդիր) լեռները (ենթակայ) ճերմկեցան :

**Ի. Դ Ա Ս. — Խ Ն Դ Ի Բ**

**134. Աճուճը՝ խնդիր.** — Խնդիրը ցոյց կու տայ այն առարկան որուն վրայ գործողութիւնը կը կատարուի, ինչպէս. կը սիրեմ դպրոցը : — Ասկե՛ն օր դպրոց կ'երթամ : — Փափաք տուած եմ դպրոցին : — Ձե՛ն ուզե՛ր հետուանդ դպրոցէն : — Դպրոցով մարդ պիտի ըլլամ :

**135. Խնդիրը բային յայտնած իմաստը կը լրացնէ, ինչպէս.** Ի՞նչ բանը կը սիրեմ. — դպրոցը : — Ասկե՛ն օր ե՛ր կ'երթամ. — դպրոց : — Ի՞նչ բանի փափաք տուած եմ. — դպրոցին : — Ո՞ւրկէ չեմ ուզե՛ր հետուանդ. — դրպրոցէն : — Ի՞նչով մարդ պիտի ըլլամ. — դպրոցով :

**136. Բայերը կրնան նաև խնդիր չունենալ, ինչպէս.** պիտի փնտնամ, փախցիր, չհասանք, կը մտնիք :

**ԻՍ. ԸՆԹԵՐՅՈՒՍ. — ՀԱՅՐԵՆԻ ԿԱՐՑ**

Կը կանչէ նորէն, կը կանչէ զիս յար  
 Իմ չքնաղ երկրիս կարօտը անքուն,  
 Ու թեւերն անա՛ բացած տիրաբար  
 Կը թռչի հողիս դէպ հայրենի տուն:  
 Է՛յ, հին ծանօթներ, է՛յ կանանչ սարեր,  
 Անա՛ զձեզ տեսայ ու միտքըս ինկաւ,  
 Աչքիս դէմ եկան երջանիկ օրեր  
 Սիրելի դէմքեր որ հիմայ չըկան:  
 Ողջո՛յն ձեզ, կեանքիս անդրանի՛կ յուշեր  
 Սրբացած հողիս արդ կ'ողջունէ զձեզ,  
 Կարօտով կ'երթայ փնտռել ձոր ու լեռ  
 Դիւթական ձայնով կը կանչէ հանդէս:  
 Դուրս եկէ՛ք դարձեալ շիրմէն, խաւարէն,  
 Դուրս եկէ՛ք, տեսնե՛մ, շօշափե՛մ, լըսե՛մ.  
 Կեանքով շնչեցէ՛ք, ապրեցէ՛ք նորէն,  
 Լեցուցէ՛ք սրտիս հաճոյքը վըսեմ:

**Ե. ԹՈՒՄԱՆԵՍԱՆ**

**Հ Ր Ա Հ Ա Ն Գ Ն Ե Ր**

- 97. Օրինակել այս հատուածը, եւ ցոյց տալ անունները եւ բայերը:
- 98. Զատել անուններուն մէջէն սեռի խնդիրները եւ ենթակաւները:
- 99. Մէյմէկ խօսք շինել հետեւեալ բառերով.

Չքնաղ, կարօտ, սար, յուշ, ձոր, դիւթական, շօշափել, վսեմ:

**Օրինակ.** — Հիւսիսային երկիրներու յատուկ դիւթական տեսարան մըն է հիւսիսայգը:

100. Որոշել հետեւեալ խօսքերուն մէջէն ենթակաւ, բայք եւ սեռի խնդիրները:

Ձին կառքը կը քաշէ:—Թիթեռնիկը կը սիւրէ ծաղիկները.— Առուակը կը ջրէ պարտէզը:—Նաւավարը կը վարէ նաւը:— Եզը կոտորներ ունի:—Նկարիչը վրձին կը գործածէ:—Փորագրիչը գործը կոտորեց:—Պարտեզպանը մարկեղը ձեռք առաւ:—Տղրուկը արիւնը կը ծծէ:

**Օրինակ.** — Ձին (ենթ.) կառքը (սեռի խնդ.) կը քաշէ (բայ):

101. Մէյմէկ խօսք շինել յետագայ օրինակին համեմատ, հետեւեալ բառերը գործածելով.

ենթակաւներ.—կաղնի, հաճարի, հոյնի, մամսի, սնի, մորենի, արքայամորի, որթատունկ:

Սեռի խնդիրներ.—Նոյն, արքայամոր, խաղող, սին, մամուլ, հաճար, մոր, խողկաղին:

**Օրինակ.** — Կաղնի խողկաղին կուտայ:

102. Հետեւեալ ենթակաւները յարմարցնել վարի խօսքերուն.

Լոյս, ջրվէժ, հիւսիսակ, շոգի, աղբիւր, անձրեւ, դեռ, վըսակ, առուակ:

. . . ամպերէն կը տեղայ: — . . . արեւէն կուգայ: — . . . Ժայռերէն կը գահավիժի: — . . . հողէն կը բխի: — . . . հիւսիսէն կը փչէ: — . . . ծովէն կը բարձրանայ: — . . . վտակին մէջ կը հոսի: — . . . դէպի գետը կը քաշէ: — . . . իր ջուրերը ծովը կը տանի:

**ԻՍ. ԴՍ.Ս. — ՍԵՌԻ ԽՆԴԻՐ**

**137.** Սեռի խնդիրը միշտ հայցական հոլով կ'ըլլայ եւ միշտ ներգործական բայերու հետ կը գործածուի, ինչպէս. Իպրոցը կը սիրեմ: — Խնձորը կ'սկիւն: Վարդը կը հոսուրսաւ: — Հաց կ'ուտեմ:

**ԻՌ. ԸՆԹԵՐՅՈՒԱԾ. — ՄՏԱՅԻՐ ԳԻՏՈՒՆԸ**

Մեծ գիտուն մը իր բարեկամներէն մէկուն այցելութեան գացելը էր. տուն դարձած ասուն նշմարեց որ ծխատուփը քովը չէ: Ոսկի գեղոր մըն էր զոր մեծ խնամքով կը պահէր: Կարծեց թէ իր բարեկամին տունը ձգած է զայն, ու հետեւեալ տոմսակը գրեց անոր. «Միրելի՛ բարեկամ, կարծեմ թէ ծխատուփս ձեր տունը մոռցած եմ. հաճեցէ՛ք գտնել զայն և գրաբերիս հետ ղրկել ինձի»: Բայց պահարանը գոցելու պահուն, զըրպանին մէջ ծանր բան մը զգաց, փնտռեց: «Վայ, հոս է եղեր, աղաղակեց. էյ, աւելի աղէկ», և նամակը բանալով, հետեւեալ յետ-գրութիւնը աւելցուց. «Փնտռելու նեղութիւնը մի՛ կրէք. ծխատուփս գտայ»: Յետոք նամակը նորէն փակեց ու իր բարեկամին ղրկեց զայն:

**Հ Ր Ա Ն Ա Ն Գ Ն Ե Ր**

- 103. Օրինակել այս հատուածը, զատել անունները եւ թայերը:
- 104. Անուններուն մէջէն գտնել խնդիրները:
- 105. Որոշել այդ անունները:
- 106. Պատմել բերանացի այս պատմութիւնը, յետոյ գրել զայն դասարանին մէջ:
- 107. Մէյմէկ խօսք շինել հետեւեալ բառերով վարի օրինակին համեմատ.
  - Ենթականեր. — Եզ, խոզ, փիղ, կրիայ, մեղու, առիւծ, աքաղաղ:
  - Սեռի խնդիրներ. — Խայթոց, պատիճ, եղջիւր, ճերան, կնճիթ, քեփոք, բբուկ:
  - Օրինակ. — Աքաղաղը բբուկ ունի:

- 108. Յոքնակի խօսքեր շինել հետեւեալ բառերով վարի օրինակին համեմատ.
  - Ենթականեր. — Գրոց, մուրճ, մարակ, ծեփակ, թիակ, տապալ, գրիչ:
  - Բնութեան խնդիրներ. — Դարբէն, նաւավար, քանդակագործ, փայտահատ, սայլապան, գրագէտ, որմնադիր:
  - Օրինակ. — Մուրճերը դարբիններուն գործիքներն են:
- 109. Խօսքեր շինել հետեւեալ բառերով վարի օրինակին համեմատ.
  - Ենթականեր. — Մուկ, գայլ, եզ, սկիւռ, տղրուկ:
  - Բայեր. — Կը կրծէ, կը գեշատէ, կը ծծէ, կը շարակի, կը ծամէ:
  - Սեռի խնդիրներ. — Արմատ, ոչխար, խոտ, կազին, արիւն:
  - Օրինակ. — Սկիւռը կազիները կը ծամէ:
- 110. Շինել վեց խօսք, որոնց խնդիրները ըլլան հայ հեղինակներու անուններ:
  - Օրինակ. — Եզնիկը կարդացած էք:
- 111. Շինել վեց խօսք, որոնց ենթակաները ըլլան օտար գիտուններու անուններ:
  - Օրինակ. — Կոպեցիկ գտաւ մոլորակային գրութիւնը:

**ԻՌ. ԳԱՍ. — ԲՆՈՒԹԵԱՆ ԽՆԴԻՐ**

**138. ԲՆՈՒՔԵԱՆ ԽՆԴԻՐ.** — Բնութեան խնդիրը կ'ըլլայ հայցական, Տրական, Բացառական, գործիական, ինչպէս.

- Հայցական. դպրոց կ'երթաւ:
- Տրական. դպրոցին փախաք տուած եւ:
- Բացառական. դպրոցին չեւ հեռուար:
- Գործիական. դպրոցով մարդ պիտի ըլլաւ:

**ԻԳ. ԸՆԹԵՐՑՈՒԱԾ. — ՅԷ ԻՆՉՊԷՍ ԱՆՁՐԵՒ ԿՈՒ ԳԱՅ**

Օղին մէջ շատ շոգի կայ: Արեւը եւ երկիրը իրենց ջերմութեամբ կը շոգիացնեն ծովերուն, գետերուն և փձերուն ջուրերը: Այդ շոգին օդին մէջ կը պաղի և պղտիկ կաթիլներու կը վերածուի, որոնք իրարու միանալով՝ օդին բարձրերը կ'ելլեն և ամպերը կը կազմեն. ու ինչպէս ծուխը օդին մէջ կը սաւառնի, նոյնպէս ամպն ալ հոն կը լողայ: Երկրէն վեր ելող այդ շոգիները երբ շատ ծանրանան, ա՛յլ չեն կրնար օդին մէջ կենալ, և անձրեւի ձեւով կաթիլ կաթիլ վար կ'իջնան:

**Հ Ր Ա Չ Ա Ն Գ Ն Ե Ր**

- 112. Օրինակել այս հատուածը, ցոյց տալ ենթակաները եւ խնդիրները:
- 113. Մէյմէկ խօսք շինել հետեւեալ բառերով.  
Շոգի, ջերմութիւն, քիչ, գետ, կաթիլ, ամպ, ծուխ.  
**Օրինակ.** — Շոգին տաքութենէ առաջ կու գայ:
- 114. Խօսքեր շինել հետեւեալ բառերով վարի օրինակին համեմատ.  
Ենթականեր. — Արեւ, լուսին, եզ, ձի, կով, այծ, հայր, մայր, վազկ, առուակ, խայտիտ, սոխակ:  
Բայեր. — Գեղգեղել, սիրել, ջրել, լուսաւորել, տալ, վարել:  
Սեռի խնդիրներ. — Արօք, երզ, ազաք, երկիր, մարգագետին, կաթ:  
**Օրինակ.** — Արեւն ու լուսինը երկիրը կը լուսաւորեն:

**115. Խօսքեր շինել հետեւեալ բառերով վարի օրինակին համեմատ.**

Ենթականեր. — Ատեղ, գնդասեղ, գիրք, լրագիր, եզ, կով, ձի, զամբիկ, ոչխար, գառնուկ, կաթսայ, սան, թուփակ, անձեղ, հեւանդ, վերաւոր, զինուոր, սպայ:

Բնութեան խնդիրներ. — Գրագարան, զօրանոց, ասեղնոց, գոմ, մուր, ախոս, վանդակ, խոհանոց, հիւանդանոց:

**Օրինակ.** — Ատեղն ու գնդասեղները ասեղնոցն մէջ կը դնեն:

**116. Խօսքեր շինել հետեւեալ բառերով.**

Ենթականեր. — Շուն, կատու, արեւ, անձրեւ, փայտահատ, քեռի:

Յակագոյնիներ. — Երէկուան, եղբօրս, անտառին, Գէորգին, առտուան, դրացիին:

Բայեր. — Կը տաքցնէ, կը պահպանէ, կը սիրէ, կը կարէ, կ'ուտէ, կը ջրէ:

Սեռի խնդիրներ. — Այծեր, ոչխարներ, մուկեր, ճանճեր, մարգիկ, կենդանիներ, դաշտեր, մարգեր, կաղնիներ, եղեւիններ, եղբօրսըղիներ, քեռորդիներ:

**Օրինակ.** — Դրացիին շունը այծերն ու ոչխարները կը պահպանէ:

**ԻԳ. ԴԱՍ. — ԵՆԹԱԿԱՆ ԵՒ ԲԱՅԻՆ ՀԱՄԱՁԱՅՆՈՒԹԻՒՆԸ**

**139.** Այն բայերը, որ մէկէ աւելի եզակի են թաւայ ունին, յոքնակի կը դրուին, ինչպէս. փոյրս եւ եղբայրս եկան:

ԻՊ. ԸՆԹԵՐՑՈՒՄ. — ՆՈՐԱԾԻԼ ՏԵՐԵԻ

Հազիւ լոյսին դողդոջ փայլ  
 Պատուեց ամպին սև մըռայլ,  
 Մեր դաշտերուն՝ հազիւ ձիւն  
 Դարձուց իրենց սևութիւն.  
 Եւ դուն գարնան քաղցր ընկեր  
 Մեզ կը ժպտին լուսաբեր  
 Նախածիլ տերեւ,  
 Բարեւ քեզ բարեւ:  
 Դեռ մարգերուն մեր ցրտիկ  
 Չեկաւ այցող ծիծառնիկ.  
 Դեռ սոխակին քաղցրավանգ  
 Չըտուաւ ձայն արձագանգ.  
 Եւ դուք կու գաք խնդագին  
 Բերկրանք բերել մեր երկրին.  
 Նորածիլ տերեւ,  
 Բարեւ քեզ բարեւ:

Հ Ր Ա Շ Ա Ն Գ Ն Ե Ր

- 417. Օրինակել այս հատուածը, եւ գտնել անուններն ու բայերը:
- 418. Գոց սորվիլ այս ոտանաւորը եւ արտասանել զայն:
- 419. Ամբողջացնել հետևեալ խօսքերը վարի բարդ ենթակամեռոյ.
 

|                       |                          |
|-----------------------|--------------------------|
| ... Ժամացոյց կը շինէ: | ... կերակուր կ'եփէ:      |
| ... կառք կը վարէ:     | ... կօշիկ կը շինէ:       |
| ... Թուղթ կը ծախէ:    | ... կղպանք կը շինէ:      |
| ... գիրք կը ծախէ:     | ... խմորեղէններ կը շինէ: |
| ... ձողեր կը շինէ:    |                          |

Ենթակամեր. — կառապան, թղթավաճառ, կոպղարար, երկաթագործ, գրավաճառ, խոհարար, ծաղարար, կօշկակար, ժամագործ:

- 420. Մէյմէկ խօսք շինել հետևեալ բարդ բառերով.  
 Տանտիկին, արդուզարդ, սեղանատուն, որդեգիր, ծաղկեփունջ, խմբերգ, Թատերաբեմ, վայրագաւելիթ, գրողարարան, պայծառաժամ, հաւկիթ, դերասան, առուաուր:

Օրինակ. — Տանտիկին մը պարտական է հսկել իր տանը վրայ:

ԻՊ. ԴԱՍ. — ԲԱՐԴ ԳՈՅԱԿԱՆՆԵՐ

140. Սովորաբար բարդութիւնը երկու բառով կ'ըլլայ:

141. Երեք բառով բարդութիւնները խորթ և քիչ գործածական են:

142. Բարդութիւնը երեք ձևով կ'ըլլայ.

1. Երկու բառ առանց յօդակապի միացած, ինչպէս. ջր-հոր, կրծ-կաղ, ծով-եզերք, գեւ. ախ:
2. Երկու բառ ա յօդակապով միացած, ինչպէս. մաւ-ա-փար, դպր-ա-տուն վաւ-ա-հայր:
3. Երկու բառ ու շաղկապով միացած, ինչպէս. ահ-ու-դող, կեր-ու-խում, արդ-ու-գարդ:

143. Երբ բարդ անունի մը առաջին բառը բաղմավանկ է և ի գրով կ'աւարտի, և երկրորդ բառը բաղաձայնով կ'սկսի, ընդհանրապէս բարդութեան մէջ ինքի կը փոխուի և ա յօդակապը չի դրուիր, ինչպէս. մսւնեմս, շոգեխաղ, աղաւնետուն փոխանակ ըսելու մսւնիմս, շոգիախաղ, աղաւիքատուն:

144. Բարդ անունները կը կազմուին գլխաւորաբար.

1. Գոյական գոյականի հետ, ինչպէս. շոգեմաւ, դպրատուն:
2. Գոյական ետքը բայարմս, ինչպէս. ձկնորս, մաւալար:
3. Ածական ետքը գոյական, ինչպէս. նորալից, մսւնաղոր:

145. Կորուսման և փոփոխման կանոնը կը գործադրուի ընդհանրապէս բարդութեանց մէջ:

**ԻՇ. ԸՆԹԵՐՑՈՒՄԸ. — ԱՊԱԿԻՆ**

Ապակիէ կը շինուին սրուակներ, սկահակներ, դաւաթներ, որովհետեւ մաքուր նիւթ մըն է և իր պարունակած հեղուկներուն համ կամ հոտ չի տար բնաւ: Կը շինուին տուներու պատուհաններ, որովհետեւ թափանցիկ ըլլալով, կ'անդարդարձնէ լոյսն ու ջերմութիւնը պատասպարելով միանգամայն զմեզ ցուրտէն և անձրեւէն: Կը շինուին կրպակներու ցուցափեղկեր յաճախորդներու դիւրութեան համար, նաև ժամացոյցներ, ակնոցներ, դիտակներ որոնք կը մեծցնեն ու կը մօտեցնեն ամէնէն փոքրիկ և հեռաւոր առարկաները: Ապակին կը գործածուի նաև հայլիններու, որոնք հիւրանոցի մը կամ աշխատանոցի մը մէջ կախուելով, աւելի խնդուն, հրապուրիչ և ընդարձակ կը դարձնեն զայն:

**Հ Ր Ա Չ Ա Ն Գ Ն Ե Ր**

121. Օրինակել այս հատուածը. եւ ստորագծել ածանցեալ բառերը:

122. Սորվիլ հետեւեալ բառերը եւ մէյ մէկ խօսք շինել անոնցմով:

Սրուակ, հայլի, գաւաթ, հեղուկ, թափանցիկ, ջերմութիւն, ընդարձակ, դիտակ, հեռաւոր:

123. Մէյմէկ խօսք շինել հետեւեալ բառերով վարի օրինակին համեմատ:

Սալոր, տանձ, կեռաս, ձիթապտուղ, թուղ, արմաւ, հազարջ, թութ, խնձոր, դեղձ, բալ, սերկեւելի:

**Օրինակ.** — Զիթապտուղը ձիթենիին պտուղն է:

124. Մէյմէկ խօսք շինել հետեւեալ բառերով վարի օրինակին համեմատ.

Զկռի, սրճենի, նարնջենի, կիարոնի, լեմոնի, ընկուզենի, յաւնապի, կաղնենի, կեռասենի:

**Օրինակ.** — Զկռին զղեարի ծառն է:

125. Մէյմէկ խօսք շինել հետեւեալ բառերով.

Աղցան, հաւ, տղաւնի, փայտ, մեղու, մրջիւն, աղ, պղպեղ, վարժապետ, ասեղ, յիմար, հիւանդ, բանջար, ծաղիկ, զօրք:

**Օրինակ.** — Աղցանոցին մէջ աղցան կը դնեն:

126. Խօսքեր շինել հետեւեալ ածանցեալ բառերով.

Կառապան, առաջնորդ, սողուն, հաւաքիչ, դռնապան, սանփքիչ, սուրիչ, պահնորդ, նկարիչ, ծորորդ:

**Օրինակ.** — Սուրիչը ճայն հանող գործիք մըն է:

**ԻՇ. ԳՍՍ. — ԱՄԱՆՑԵԱԼ ԳՈՅԱԿԱՆՆԵՐ**

**146.** Ածանցեալ գոյականներուն ամենամեծ մասը յետադաս մասնիկներով կը կազմուի կորուսման և փոփոխման կանոնով: Ասոնցմէ գլխաւորներն են.

**147.** Ենթի կամ ի որ ծառի կամ տունկի գաղափար կ'արտայայտէ, ինչպէս. վարդենի, կաղնի:

**148.** Նոց կամ ոց՝ պարունակողի գաղափար, ինչպէս. զօրանոց, դպրոց:

**149.** Պան, որդ, իջ, ուն՝ գործողութիւն մը կատարողի կամ յատկութիւն մը ունեցողի գաղափար, ինչպէս. այգեպան, սայլորդ, սափրիչ, սողուն:

**150.** Ակ, իկ, ոկ փոքրութեան գաղափար կ'արտայայտեն, ինչպէս. սնակ, թոյնիկ, այծուկ:

**ԻԶ. ԸՆԹԵՐՑՈՒԱԾ. — ՓՈՒՍԿՆԵՐԻ ԴԱՍ**

Ազարակապանի մը Յակորիկ անունով մէկ սպասաւորը տէրոջը կողմէն ստէպ որսեր ու պտուղներ նուէր կը տանէր ծեր և ծակաչք հասառուի մը, որ փոքրիկ պարգեւ մը անգամ չէր տար անոր: Օր մը, տղան նապաստակ մը տարաւ ու առանց բարեւելու. «Ա՛ռ սա նապաստակը,» ըսաւ: — «Ստա՛նակ, գոչեց ծերուկը բարկութեամբ, ատամնկ նուէր կը բերեն. կեցի՛ր, դաս մը տամ քեզի ու միտքդ պահէ՛:» Տղուն հրամայեց որ իր տեղը նստի, և ինք նապաստակը ձեռքը առնելով՝ քաղաքավարութեամբ նազելի քալուածքով մը առաջ եկաւ, ու յարգանքով բարեւելով ըսաւ. «Պարո՛ն, այս նապաստակը տէրս զրկեց ձեզի, խնդրելով որ ընդունելու պատիւը ընէք:» Այն ատեն Յակորիկ թիկնաթօռին մէջ երկնալով. «Շնորհակալ եմ, տղա՛ս,» պատասխանեց, և ձեռքը դրպանը խոթելով յարեց. «Ա՛ռ քեզի մէճիւտ մը, ու գնա՛ կենացս գաւաթ մը պարպէ:»

**Հ Ր Ա Շ Ա Ն Գ Ն Ե Ր**

- 127. Օրինակել այս հատուածը, եւ ցոյց տալ բարդ եւ անանցեաց բառերը.
- 128. Պատմել այս հատուածը բերանացի, յետոյ զրել զայն դասարանին մէջ:
- 129. Մէյմէկ խօսք շինել հետեւեալ բառերով.  
Թուշարան, խօսուածք, Թփիկ, խոստում, քննութիւն, յարգանք, գաւառացի, Աօիա, Յունաստան:
- Օրինակ. — Մեծ բոցնարանի մը մէջ ուրուք մը տեսայ:
- 130. Մէյմէկ խօսք շինել հետեւեալ անանցեաց բառերով.  
Խաղարան, սառնարան, վառարան, դատարան, լաթան, Ճկնարան, կայարան, Թանգարան:
- Օրինակ. — Յառաջեկայ կերակը մեր գիւղին լաթանին մէջ պիտի բանախօսէ Պ. Բ.

131. Իկ, ակ կամ ուկ նուագական մասնիկերով անանցեաց ընել հետեւեալ բառերը.

Նաւ, գայլ, սայլ, լիճ, հաւ, որդի, հաւ, ցոլակ, Թուշուն, հորթ, ձագ, գուռ, Թաթ, Թոռ, լուսին, առու, գետ, ծով, հով, կայծ, Թուփ, մարդ, աթոռ, առն, Թուղթ, բլուր:

132. Արական ընել հետեւեալ իգական բառերը.

Վարժուհի, գանձապետուհի, բարեկամուհի, տիրուհի երաժշտուհի, մանկուհի, սանուհի, սպասուհի, դաստիարակուհի, սարկաւազուհի:

133. Ըսել թէ ի՞նչպէս կը կոչուին հետեւեալ երկիրներուն բնակիչները.

Չին, Պուլկարիա, Հոլանտան, Աֆղանիստան, Անգլիա, Ֆրանսա, Աւստրիա, Արորիք, Յունաստան, Հապէշիստան, Հնդկաստան, Ռուսանիա, Պարսկաստան:

**ԻԶ. ԴԱՍ. — ԱՄԱՆՅԵԱԼ ԳՈՅԱԿԱՆՆԵՐ**

- 151. Իս, սսան, արան, տեղի գաղափար կը յայտնեն, ինչպէս. Իսալիա, պարսկասան, վարժարան:
- 152. Յի, կան ծագումի կամ բնակութեան գաղափար, ինչպէս. Ֆրանսացի, ազնուական:
- 153. Ունի իգականի գաղափար, ինչպէս. Սրբունի:
- 154. Ուրիւն, ուն, ուստի, անի, գործողութեան կամ վիճակի գաղափար, ինչպէս. բարուրիւն, սոսկում, կաշուածի, աշխատանք:

**ԻԷ. ՈՏԱՆԱԽՈՐ. — ԲԱՐԻ ԵՂԻՐ**

Բարի եղի՛ր, ո՛վ բարեկամ, դուն բարի՛,  
Բարիները չունին վիշտ.

Ազատութեան և բռնութեան մէջ արի՛  
Բարին յաղթող կ'ըլլայ միշտ:

Բարւոյն բընոյթն է միշտ ներող և ազնիւ.  
Ըլլալ հանդէպ ամէնուն,

Չարերուն դէմ չընել երբէք չար հաշիւ.  
Այդ է բարւոյն յաղթութիւն:

Բարիներուն չըկայ պատիժ. ազատ են.  
Չարին պատիժն է միշտ ան.

Չարը վրէժն է, ոճիրն է, մահն է ու քէն.  
Միայն բարին է անմահ:

**Յ. ՄՐՄՐՅԱՆ**

**Հ Ր Ա Ն Ա Ն Գ Ն Ե Ր**

134. Օրինակել այս ոտանաւորը, եւ ստորագծել անունները եւ փա-  
կագծի մէջ առնել բայերը:

135. Հետեւեալ բառերէն յարմարները ընտրելով ա՛րողջացնել վա-  
րի խօսքերը.

Յարկ (շէնքէ մը ծածկոյթը), հարկ (ինչ որ բացարձակապէս  
կտրեւոր է) — դիակ (մեռնողին մարմինը), քիակ (նաւ վարելու գոր-  
ծիք) — բել (բազուկ), դել (սասանայ):

Ազգաներ կան որ . . . մը չունին — Նաւուն մէջ մեռնո-  
ւին . . . ծովը կը նետեն — Աջ . . . կտորեց — Ապուշները միայն  
. . . կը վախնան — Ինչ . . . կայ այդ միջոցներուն դիմել:

436. Միեւնոյն հրահանգը ընել հետեւեալ բառերով.

Թեմ (եպիսկոպոսական վիճակ), դիմ (հակառակ), — փակ  
(գոց), բակ (բաւիթ) — փոք (մարմնին մէկ մասը), բար (ախա) —  
գող (աւազակ), իող (ծածկոց):

Քեզի . . . որ ունիմ — . . . աստանելի հիւանդութիւն մըն  
է — Դեմքը . . . ծածկուած էր — Տղաքը . . . մէջ կը խաղան —  
Եփրեմ եպիսկոպոսը իր . . . չկրցաւ հովուել — Մանկիկը կուլայ  
ճրք . . . ցաւի — Մեր տունը . . . մատաւ — Դուռներնիդ միշտ  
. . . պահեցէք:

437. Միեւնոյն հրահանգը ընել հետեւեալ բառերով.

Պար (ոտքի խաղ), պար (խումբ) — ան (ս'հ), ան (վախ) —  
այս (ասիկա), այս (չար ոգի):

Մեր դպրոցին մէջ երգի և . . . դաս չկայ — . . . ազլեկը  
շատ խելացի է — Ամէն կողմ . . . ու սարսափ կը արբէր — Լը-  
քեշտակներու . . . մը նկարուած էր եկեղեցւոյն ձեղունին վրայ  
— . . . ինչո՞ւ խաբեցիր զիս — Բրիտանոս հիւանդները կը բուժէր  
և . . . երը կը հանէր:

**ԻԷ. ԴԱՍ. — ՆՄԱՆԱԶԱՅՆ ԲԱՌԵՐ**

155. Նմանաձայն բառեր. — Նմանաձայն կ'ըսուին  
այն բառերը, որոնք տարբեր իմաստ, տարբեր ուղղա-  
գրութիւն ունին, բայց միեւնոյն կերպով կը հնչուին,  
ինչպէս. դալուկ (դեղնուքիւն), բալուկ (զլխու պոցոց),  
հարք (չիսակ), յարդ (չոր խոտ):

156. Բազմանիօ բառեր. — Բազմանիջ կ'ըսուին  
այն բառերը, որոնք մէկէ աւելի իմաստ ունին, ինչպէս.  
Փոռլ (երամշտակաւ գործիք, դրամ), ժամ (վարսուն վայր-  
կեան, եկեղեցի):

**ԻԸ. [ԸՆԹԵՐՅՈՒԱԾ. — ՇՐԱՇԱԳՈՐԾ ՏՈՒՓԸ**

Մարգրիտ և իր ամուսինը, էրէն-գիւղի մօտերը, ագարակ մը կը բանեցնէին, ու միշտ վլաս կ'ընէին: Լսելով որ այդ գիւղին մէջ կախարդ մը կար, ելան անոր գացին և անյաջողութիւննին հասկցուցին անոր: «Առէ՛ք սա տուփը, ըսաւ ծերունին, ամէն օր ագարակին բոլոր անկիւնները պտրացուցէ՛ք: Տարիէ մը նորէն ինծի դարձուցէ՛ք զայն:» Ագարակապանները կախարդին պատուէրը գործադրեցին, և մոգական տուփը սլաքաբացուցած ատեննին տեսան ծառաներուն բոլոր անկարգութիւններն ու անհոգութիւնները, և դարմանեցին զանոնք: Տարի մը ետքը գործերնին յաջողելով՝ նորէն գացին կախարդին խնդրելու համար որ այդ մոգական տուփը քովերնին ձգէ: Գիւղացին տուփը բացաւ, մէջը բան չկար. «Տղա՛քս, ըսաւ, ես կախարդ չեմ, բայց փորձառու մարդ մը: Միշտ անձամբ հսկեցէ՛ք ձեր գործերուն վրայ, և միշտ յաջող պիտի երթան անոնք:»

**Շ Ր Ա Շ Ա Ն Գ Ն Ե Ր**

138. Օրինակել այս հատուածը, եւ անոր մէջ գտնուած հետեւեալ բառերուն տեղ դնել իրենց հոմանիշները.

Ամուսին, վնաս, կտխարդ, անյաջողութիւն, հասկնել, տուփ, պատուէր, գործադրել, ծառայ, անհոգութիւն, մոգական, գիւղացի:

139. Լուծել այս հատուածին անունները:

140. Մէյմէկ խօսք շինել այդ անուններով:

141. Հետեւեալ խօսքերուն մէջ շիղագիր նշանակուած անուններուն տեղ դնել իրենց հոմանիշները.

Ձանացէք ուղղել ձեր բերութիւնները: — Անխոնեմութիւնը շատ դժբախտութեանց պատճառ կ'ըլլայ — Տխմարները առանց խորհելու կը խօսին: — Մոլորութիւնը այնքան ծանր կը քայլ որ աղիտութիւնը շուտով կը հասնի անոր: — Աւելի աղէկ է որ մարդ զգի ըլլայ քան թէ անխելի: — Իր հառաջակները հեռուէն կը լսուէին: — Մեր տանը ձեռքերը փլաւ: — Ոճրագործները խիղճ չունին:

Հոմանիշներ. — Ապուշ, հեղգութիւն, չքաւորութիւն, անմիտ, հեծկածանք, առաստաղ, եղեռնագործ, ձախողութիւն, աննախատեսութիւն, անուս, պակասութիւն:

142. Գրել հետեւեալ բառերուն առջև իրենց աման յիշներէն մէկը.

Սայլ, խաղ, գանձ, ժառանգ, հիւղ, թերթ, խիստ, ցուրտ:


143. Գտնել հետեւեալ բառերուն հոմանիշները.

Ձերմ, թանձր, առատութիւն, բարեկամ, լեռ, կղզի, երաւունք, կեղծիք, ամառ, ազայ, յուզմունք, արցունք, լոյս, հեւսիս, թերակղզի:

**ԻԸ. ԳՍԱ. — ՇՈՄԱՆԻՇ ԵՒ ՇԱԿԱՆԻՇ ԲԱՌԵՐ**

157. Հոմանիշ բառեր. — Հոմանիշ կ'ըսուին այն բառերը, որոնք նոյն գաղափարը կը ներկայացնեն, թէև մեծ մասը կը տարբերին իրարմէ երանգներով, ինչպէս. ցուպ, գաւազան — շող, լոյս — ցօղ, շող — սեղ, մատախուղ, մշուշ:


158. Հականիշ բառեր. — Հականիշ կ'ըսուին այն բառերը, որոնք իրարու հակադրակ նշանակութիւն ունին, ինչպէս. քայք, ջուր — կիւն, այր — ներս, դուրս — բարիք, չարիք — իրաւ, սուս:



**Ա. Գ. Ը Ե Դ Ո Ւ Բ Ի Ը Գ**

Նկար Պուկրոտի

(Տես էջ 36)



**Մարիամ Մագդաղինացի**

Նկար Կուխո Ռէնիի

(Տես էջ 36)

ԻՅ. ԸՆԹԵՐՑՈՒԱԾ. — ԳԵՏԱՌԻԻՄ

Գեանառիւծը զարմանալի կենդանի մըն է: Ամբողջ մորթը փոքրիկ ողորկ ուռնեցքներով ծածկուած է, որոնք զլիսուն վրայ աւելի կը մեծնան: Իր երկու աչքերը իրարմէ անկախ կը շարժին, այնպէս որ մէկը վեր նայած առեն, միւսը կրնայ վար նայի: Լեզուն կտոր է, ծայրը խոշոր կապ մը ունի, և ամբողջապէս ծնիուած է տեսակ մը կայուն նիւթով, որուն միջոցաւ կը բռնէ մանրիկ ճճիներ: Ինքը մողէզէ մը աւելի մեծ է ընդհանրապէս, և ծառերու վրայ ապրելէ կ'ախորժի: Այնչափ հեղ է, որ եթէ մատդ բերանը դնես, բնաւ չի խածներ: Տգեղ կենդանի մըն է, բայց լոյսին մէջ առած դիրքերուն համեմատ զանազան թոյրեր կ'ստանայ, հետեւաբար որոշ գոյն մը չունի: Գեանառիւծը կրնայ տարի մը ապրիլ առանց բան մը ուտելու:

Հ Ր Ա Շ Ա Ն Գ Ն Ե Ր

- 144. Օրինակել այս հատուածը, եւ ստորագծել յոյ ունեցող անունները:
- 145. Մէյմէկ խօսք շինել հետեւեալ բառերով.  
Չարմանալի, ողորկ, ծիփել, կայուն, ճճի, հեղ, թայր:
- 146. Յօդ դնել հետեւեալ բառերուն վրայ.  
Ծառ, հաշիւ, խոյ, մամոնայ, ազուայ, հեռու, շոշի, երկուս, հոգի, շաղափ, շղթայ, ուրազ, սմբակ, սուտակ, արծիւ, շիւ, ընծայ:
- 147. Յոգնակի ընել հետեւեալ բառերը, եւ յօդ դնել անոնց վրայ.  
Բոկոտ, հայի, որսորդ, ուռնի, քեռայր, գնդապետ, բազկաթու:
- 148. Յօդով հոլովել հետեւեալ բառերը.  
Սքրա, մերժուի, դժուար, դար, եկեղեցի, Չօթիկ, Ճիւռ:
- 149. Մէյմէկ յատկացուցիչ դնել հետեւեալ բառերուն առջեւ, եւ հոլովել զանոնք.  
... կաթիլը — ... բուրուսը — ... վարդենին — ... ծովը — ... մայրը — ... երկուսը — ... գիւղացին:

3 0 7

ԻՅ. ԳԱՍ. — ՈՐՈՇԻՑ 307 ԵՒ 307-ՈՎ ՀՈՒՆՎՈՒՄ

159. Յօդ. — Յօդ կ'ըսուի այն գիրը կամ մասնիկը որ գոյականէ մը ետքը դրուելով անոր նշանակութիւնը կ'որոշէ. կամ ընդհանուր իմաստը մասնաւորի կը վերածէ. ինչպէս. տուն տեսնել գացի, տունը տեսնել գացի, տուն մը տեսնել գացի:

160. Յօդը երկու տեսակ է. որոշիչ և անորոշ:

161. Որոշիչ յօդ կ'ըսուին ը և ն գիրերը:

162. Ը կը գործածուի բառի մը ծայրը. կրք այդ բառին վերջին գիրը բաղաձայն է, ինչպէս. կառքը, դրանք:

163. Ը կը գործածուի շ ձայնաւորով վերջացող բառի մը ծայրը երբ այդ շը վ'հնչուելով, բաղաձայն կը նկատուի. ինչպէս. անիրք, պատիրք:

164. Ը կը գործածուի յով վերջացող բառի մը վրայ, երբ յն կը հնչուի. ինչպէս. բայր, Հայր, թիյր:

165. Անունները յօդով սապէս կը հոլովուին.

ԵԶԱԿԻ

ՅՈՐՆԱԿԻ

|    |    |         |           |           |             |
|----|----|---------|-----------|-----------|-------------|
| Ո. | Հ. | Կառքը   | Կատուն    | Կառքերը   | Կատուները   |
| Ս. | Տ. | Կառքին  | Կատունին  | Կառքերուն | Կատուներուն |
| Բ. |    | Կառքին  | Կատունին  | Կառքերին  | Կատուներին  |
| Գ. |    | Կառքովը | Կատունովը | Կառքերով  | Կատուներովը |

Լ. ԸՆԹԵՐՑՈՒԱԾ. — ԿԱՐԱՊԵՐԸ

Լըճակին հանդարտ կապոյտին վերան  
ձերմակ կարապներ հոյլ հոյլ կը լողան .  
Սըփռած ձիւնագոյն փետուրնին մաքուր,  
Կ'երթան ճեղքելով ջուրերը փրփուր :

Քնքուշ թռչուններ զոյգ զոյգ, քովէ քով,  
Միշտ օրօրուելով, հարսի նազանքով  
Կը սահին կ'անցնին մերթ շուտ մերթ կամաց  
Հըպարտ ուլերնին միշտ բարձր բռնած :

Բամպակ կարապներ, թռչուններ աղուոր,  
Դուք երազներն էք մտքիս մեղմօրօր .  
Դուք՝ իմ աչքերուս ցընորքն ըսպիտակ,  
Լոյսէ կեանքերու պատրանքն ինձ կու տաք :

Հ Ր Ա Ն Ա Ն Գ Ն Ե Ր

450. Օրինակել այս հատուածը, եւ ստորագծել որոշիչ յօդերը:

451. Լուծել այս ոտանաւորին մէջի անունները:

452. Մէյմէկ խօսք շինել հետեւեալ բառերով.

Փառքը, ապարանք մը, սարդը, ընթերցում մը, վայրենիները, յուզարկաւորութիւն մը, փետուր մը, գերիները, մրցումը:

**Օրինակ.**—Մարդու մը ճամաբիտ փառքը էր արժանիքն է:

453. Յարմար անորոշ յօդեր ղնել հետեւեալ բառերուն ըով.

Տիգրան բարեսիրտ ազայ... է:—Բարիք մեծ ուտան... է:—  
Գուք ալ մեծ աշխատող... էիք:—Ան բարեկամ... էր ինձի համար:  
—Հոգ... աւելցու մեր վրայ:—Գրող... ալ կորսնցուցիք:—Լեզու  
... ալ ստրկեցայ:

454. Հոլովել հետեւեալները.

Հումայեցուց էշեանութիւնը — եզրօրս մատերը — քրոջ  
հովանոցը — ամառուան տաքը — հարակէ հովը — ասն հիմը —  
մուսիկայ կայսրը — արեւուն շոյլները:

Լ. ԴԱՍ. — ՈՐՈՇԻՋ 307 (Շարունակութիւն) . — ԱՆՈՐԻՇ 307

166. Ն որոշիչ յօդը կը գործածուի բառի մը  
ծայրը երբ այդ բառին վերջին գիրը ձայնաւոր է, ինչ-  
պէս. մեղու, մեղուն, հոգի, հոգին:

167. Ձայնաւորով վերջացող բառերուն ծայրը  
երբ անձայն յ գտնուի, այդ յն կը ջնջուի, յետոյ ճ  
յօդը կը դրուի, ինչպէս. ծառայ, ծառան. պողոտայ,  
պողոտան. սպածոյ, սպածոն:

168. Ն յօդը կը գործածուի նաև բաղաձայնով  
վերջացող բառերուն ծայրը, երբ էական բային սահմա-  
նական ներկան կամ անկատարը յաջորդէ անոնց. նաև  
ու, ալ, իսկ, անգամ, շողկապներէն և ի վեր, ի վա-  
նախադրութիւններէն առաջ:

169. Երբեմն ն յօդը կրնայ դրուիլ նաև, ոտա-  
նաւորի մէջ, բաղաձայնով վերջացող բառերուն վրայ,  
օրինակի համար երբ իրենցմէ վերջը եկող բառը ձայնա-  
ւորով սկսի, ինչպէս. իր ցաւն արցունքով հօրը կը պաս-  
մեք, փոխանակ ըսելու իր ցաւը արցունքով հօրը կը  
պասմեք:

170. Անորոշ յօդն է մը կամ մըն:

171. Մը կը գործածուի ամէն անունի առջև  
անորոշ իմաստ մը տալու համար անոր, ինչպէս. ծաղիկ  
մը, թորակ մը: Փոխանակ մըի մըն կը գործածուի էա-  
կան բային սահմանական ներկային և անկատարին բոլոր  
դէմքերէն և ալ շողկապէն առաջ, ինչպէս. մարդ մըն  
ալ, մարդ մըն եմ, մարդ մըն ես, մարդ մըն է, մարդ  
մըն հի, և այլն:

172. Յօդին լուծումը. — Յօդը լուծելու համար  
պէտք է ըսել թէ որոշիչ է կամ անորոշ:

ԼԱ. ԸՆԹԵՐՑՈՒՄԸ. — ՍՈՒԱԿԸ

Անտառներու նուագախումբին վարպետն է սոխակը :  
 Անոր ձայնը լսելով՝ կը յիշենք ամառուան չքնաղ գիշերները, զուարթ երկինք մը, խաղաղաւէտ ժամեր և լին ընտելիւն մը՝ ուշադիր անոր հմայիչ դայլայլիկին :  
 Եռանդուն արտոյտը, նրբին դեղձանիկը, հոգեզմայլիկ խայտիտը, գորովոտ շիկահաւը, կրակոտ եկքանիկը, զուարթ վշահաւը, գեղգեղուն կեռնելը, ճուռոզուն սարեակը այն ատեն միայն կ'երգեն, երբ լռէ իրենց վարպետը : Ասոնց ամէնուն ասուլիսը անուշ է սոխակին չափ, և ոմանց հնչիւնը ա՛լ աւելի վճիտ ու սրտառուչ է . բայց սոխակը կը նսեմացնէ ամէնքը իր տաղանդին զանազան թրթռումներովը և իր գեղգեղանքին հիասքանչ պէսպիսութեամբը :

Հ Ր Ա Ն Ա Ն Գ Ն Ե Ր

155. Օրինակել այս հատուածը, եւ ստորագծել ածականները :

156. Մէլի՛էկ խօսք շինել հետեւեալ բառերով .

Անտառ, նուագախումբ, սոխակ, գիշեր, ընտելիւն, դայլայլիկ, երազ, ասուլիս, հնչիւն, տաղանդ, գեղգեղանք, պէսպիսութիւն :

157. Մէլի՛էկ ածական յարմարցնել հետեւեալ բառերուն .

Խնձորը, փունջը, ջուրը, նուագը, սիրտը, աշակերտը, գործաւորը, աղաւնին, վաճառականը, ձիւն, պատմութիւնը, ժայռը :

Օրինակ. — Կարմիր խնձոր :

158. Մէլի՛էկ գոյական գտնել հետեւեալ ածականներուն յարմար .  
 Զքնաղ, արտում, ամայի, ծաւի, թաւ, ցանցառ, դողդոջուն, սէգ, կայտառ, խոնջ :

Օրինակ. — Թաւ ոտներ :

159. Հօրովել հետեւեալ անունները մէլի՛էկ ածական զնելով անոնց առջեւ .

Հաւ, հօրաքոյր, առաւ, հոգի, խարակի

Ա Մ Ա Կ Ա Ն

ԼԱ. ԴԱՍ. — ԱՄԱԿԱՆԻՆ. ԴԵՐԸ ԵՒ ՏԵՍԱԿՆԵՐԸ

173. Ածական. — Ածականը բառ մըն է, որ անունի մը հետ կը գործածուի անոր մէկ հանգամանքը ցոյց տալու կամ զայն որոշելու համար :

174. Ածականը ընդհանրապէս անունէն առաջ կը դրուի, թէ և ետքն ալ կրնայ դրուիլ երբեմն :

175. Ածականները ոչ թիւ ունին և ոչ հոլով, և յօդ չեն առներ, ինչպէս . գիտուն մարդը, գիտուն մարդուն, գիտուն մարդիկ :

176. Ածականները երբ առանձին գործածուին, այն ատեն անունի տեղ կ'անցնին, և անոր պէս թէ յոքնակի կ'ըլլան, թէ՛ կը հոլովուին և թէ՛ յօդ կ'առնեն, ինչպէս . գիտունը, գիտուններ, գիտուններէն :

177. Ածականները և յօդը կ'առնեն նաև երբ յատուկ անունէ մը առաջ դրուելով իբր պիտոյս գործածուին, ինչպէս . մեծն Աղեփասկը :

178. Երբ յատուկ անուն մը իբր ածական գործածուի կամ անկէ ածական մը շինուի, զլիսագրով չի դրուիր, ինչպէս . ամերիկեան սովորոյթ, Ֆրանսացի կիւն մը :

179. Հինգ տեսակ ածական կայ . Որական, Յուցական, Ասացական, Թուական, Անորոշ :



**Լ. Գ. ԸՆԹԵՐՑՈՒԱԾ. — ՄԻՈՒԹԻՒՆ**

Ի՛նչ տարբեր կըրօնք ալ որ դաւանիք,  
Հա՛յեր, գործեցէ՛ք դուք միշտ քով քովի.  
Նոյն պատմութիւնը, նոյն անցեալն ունիք.  
Իրարու եղէք նեցուկ կորովի:

Ո՛ր կուսակցութեան ալ՝ որ պատկանիք,  
Հա՛յեր, քայեցէ՛ք դուք միշտ ձեռք ձեռքի.  
Ունիք մէկ լեզու, և մէկ հայրենիք,  
Ունեցէ՛ք նաև մէկ կամք, մէկ հոգի:

Ո՛ր դասակարգի ալ վերաբերիք,  
Հա՛յեր, չնչեցէք դուք միշտ սիրտ սրտի.  
Զեր կեանքն յուզած է միշտ նոյն փոթորիկ.  
Եղէ՛ք անբաժան ընկերներ ուխտի:

Ո՛ր աստղին տակ ալ ապրիք, աշխատիք  
Հա՛յեր, ձեզ պէտք է եղբայրութեան սէր.  
Իրենց տապանէն ձեր մեռած նախնիք  
Կը կարդան ձեզի միութեան հրաւէր:

**Հ Ր Ա Շ Ա Ն Գ Ն Ե Ր**

- 165. Օրինակել այս ոտանաւորը եւ ստորագծել ամականները:
- 166. Պատմել այս ոտանաւորը բերանացի, յետոյ արծակ գրել զայն զասարանին մէջ:
- 167. Լուծել այս ոտանաւորին անունները եւ յօդերը:
- 168. Ային, կան, առո յետադաս մասնիկներով ամական ընել հետեւեալ բառերը.  
Օդ, լոյս, արուեստ, դաշտ, փառք, թեւ, գիր:
- 169. Աեօ, եղ, ոս մասնիկներով ամական ընել հետեւեալ բառերը.  
Խոտ, բոց, դաւար, բոր, ժանգ, մետաքս, մարմն, սիրտ:
- 170. Իչ, ող մասնիկներով ամական ընել հետեւեալ բառերը.  
Սփոփանք, երգ, խնայել, աշխատանք, յուզում, կրթութիւն:
- 171. Իկ, ոչ մասնիկներով նուազական ընել հետեւեալ անունները.  
Խեղճ, սեւ, մեղմ, անուշ, ցած, խենդ, սիրուն:
- 172. Եղեմ, հ մասնիկներով ամական ընել հետեւեալ անունները.  
Ոսկի, կտաւ, հաւ, միս, բերեղ, անագ, սղիմձ, պողպատ, կաթ, թուղթ, գոհար, դաճ, մարմար, զմրուխտ:

173. Նախադաս մասնիկներով հետեւեալ ամականներուն իմաստը հակառակ դարձնել.

Երախտագէտ, մաքուր, կարող, ուշեմ, օգտակար, փորձ, տպեալ, տեղեակ, վշտահար, խռովեալ, վճարեալ, վստահ, գոհ, պատե՛լ, կամաւոր, հաճոյ, ձեւաւոր, հասուն:

**Լ. Գ. Գ Ա Ս. — ԱՄԱՆՑԵԱԼ ԱՄԱԿԱՆՆԵՐ**

**189. Ածանցեալ ամականներ.** — Ածանցեալ ածականները կը կազմուին նախադաս և յետադաս մասնիկներ աւելցնելով բայարմասներու, գոյականներու, ամականներու, դերանուններու և մակբայներու վրայ, ինչպէս. շարժուն, մարդկային, կեղծաւոր, եսական, հեռաւոր:

**190. Նախադաս մասնիկներ.** — Գլխաւոր նախադաս մասնիկներն են. ան, ապ, չ, ս, դժ, տժ, որոնք միշտ ամականներ կը կազմեն, հակառակ նշանակութիւն տալով բառերուն. ինչպէս. ան-միտ, ապ-օրէն, չ-տես, ս-գիտ, դժ-բախտ, տժ-գոյն:

**191. Յետադաս մասնիկներ.** — Ածականները կազմող յետադաս մասնիկներէն գլխաւորները հետեւեալներն են.

**192. Ային, եան, կան, ենի, ռոր, ցի** որ ծագումի և վերաբերութեան գաղափար կու տան ընդհանրապէս, ինչպէս, մարդկային, արեւմեան, գաւառական, մայրենի, մեաւոր, կանացի:

**193. Անի, աեհ, եղ, ոտ, ոտ՝ ունեցողի գաղափար, ինչպէս. շեղուանի, հոտաեհ, համեղ, վսիկոտ, տղուտ, նախանձոտ:**

**194. Ան, իչ, ող. որդի գաղափար, ինչպէս. խածան, անոխիչ շացոյ, յաջորդ:**

**195. Կակ, իկ, ուկ՝ նուազական են, ինչպէս. անկակ, փոքրիկ աղեկուկ:**

**196. Գոյն՝ բազդատական, ինչպէս. բարձրագոյն:**

**197. Եղեմ, է՝ նիւթ կամ տեսակ ցոյց կու տան, ինչպէս. բրդեղեմ, մեմախեղեմ, ասկիտ, արծաթ:**

**ԼԳ. ԸՆԹԵՐՑՈՒԱԾ.** — ՀԱՐՈՒՍՏՆԵՐԸ ԵՒ ԱՂՔԱՏՆԵՐԸ

Եղնարանի մը աստիճանները, օր մը, սկսան իրա-  
րու հետ վիճաբանիլ: Վերինները գոռոզութեամբ կ'ըսէին  
վարիններուն. «Ինքզինքնիդ մեզի հետ մի՛ բաղդատէք,  
դուք մեզի հաւասար չէք: Տեսէ՛ք, մինք ի՛նչ մաքուր  
ենք, մինչդեռ դուք սա ցեխին ու փոշին մէջ թաթ-  
խուած ու աղտոտած էք: Բնութիւնը ձեզմէ բարձր ըս-  
տեղծած է զմեզ:» Իմաստուն մարդ մը որ հոնկէ կ'անց-  
նէր, այդ խօսքերը լսեց, ժպտեցաւ, ու եղնարանը հա-  
կառակ կողմը դարձուց, այնպէս որ վերի ցպիկները  
վար իջան, և վարինները վեր ելան: Այս առակը մեր  
կեանքին պատմութիւնն է: Անակնկալ դէպք մը կը  
բաւէ շատ անգամ մարդոց դիրքը տակնուվրայ ընելու:  
Այն ատեն հարուստները կ'աղքատնան, և աղքատները  
հարուստներուն տեղը կ'անցնին:

**Հ Ր Ա Շ Ա Ն Գ Ն Ե Ր**

- 174. Պատմել այս հատուածը բերանացի, յետոյ գրել զայն դասա-  
րանին մէջ:
- 175. Անորոշ յօդ դնել հետեւեալ ցուցական ածականներուն տեղ.  
Այս մոլորճը, սա գզրոցը, այս խարտոցը, այդ սաւը, այդ  
քերէչը, այն տապարը, այն սլաքը:
- 176. Մէյմէկ ցուցական ածականով հոլովել հետեւեալ անուններուն  
եզակին եւ յօրնակին.  
Լուժայ, Ծաւք, Ծփոց Ծորակ, ցաւ, փոս, կոնք, թորակ:
- 177. Հոլովել ցուցական ածականներով հետեւեալ անունները.  
Լքում, բնութիւն, կնքամար, արծիւ:
- 178. Մէյմէկ յարմար որակական ածական դնել հետեւեալ անուն-  
ներուն վրայ.  
Այս . . . տեղը, այդ . . . կանթը, այն . . . այգին, աս . . .  
ճրագները, սա . . . դէմքը, այդ . . . խաղողները . . . սա ծերանները:

**ԼԳ. ԴԱՍ.** — ՑՈՒՑԱԿԱՆ ԱԾԱԿԱՆ

**198.** Ցուցական ածականները. — Ցուցական ածա-  
կանները ցոյց կուտան այն անունները որոնց վրայ կը  
խօսուի:

**199.** Ցուցական ածականներն են. այս, աս, սա,  
այդ, աս, այն, ան:

Այս կը գործածուի մեզի ամէնէն մօտ եղող առար-  
կայի մը համար. այդ՝ քիչ մը հեռու եղողին. այն՝  
ամէնէն հեռու եղողին համար:

**200.** Ցուցական ածականէն ետքը եկող անունը  
և կամ ը յօդը կ'առնէ ընդհանրապէս, ինչպէս. այս  
գիրքը, այդ հոլիստը, այն պաշտօնեան:

**201.** Ցուցական ածական ունեցող անունները  
որոշիչ յօդ չեն առներ երբ գործիական հոլով են, ինչ-  
պէս. այս գրիչով գրեցի, այդ գլխարկով գացիր:

ԼԵ. ԸՆԹԵՐՑՈՒԱԾ. — ԽՈՁԿԱՂԻՆԻՆ ԱՆԿՈՒՄԸ

Ամառուան մէջ տաք օր մը, աքիսը կաղնիի մը տակ քնացեր էր, երբ խողկաղին մը ինկաւ իր սրածայր ցուռկին վրայ: Սարսափահար գատքեց ելաւ ու փախաւ: Ճամբան մուկի մը հանդիպեցաւ. «Աստուածս, կաղնիի խոշոր ճիւղ մը ինկաւ վրաս», ըսաւ ու մեկնեցաւ: Մուկը վազեց ճագարին քով գնաց որ մերձակայ դաշտին մէջ կը ճարակէր. «Եղածը իմացա՞ր. ահագին կաղնի մը ինկեր է աքիսի մը վրայ»: Իրիկունը, ճագարը գործը բարեկամներուն պատմեց: «Կ'երեւայ թէ, ըսաւ անոնց, կաղնին ահագին գոռումով մը լապալներ է, որոտմանց ու փայլակներու միջոցին»: Անծեղը այն տեղէն կ'անցնէր, լսեց և գնաց ծանօթներուն քով շաղակրատեց: «Ճշմարիտ երկրաշարժ մէն է եղեր, կ'ըսէր, աւա՛ղ, չեմ գիտեր թէ քանի՞ հոգի մեռեր է»: Հետեւեալ առտուն երկրին բոլոր անասունները այս զարհուրելի աղէտքին վրայ կը խօսէին մէջերնին:

Հ Ր Ա Ն Ա Ն Գ Ն Ե Ր

- 179. Օրինակել այս հատուածը, եւ սեպտակամ ամականներ դնել այն բառերուն քով որոնք յիմորոշ յօդեր ունին:
- 130. Սորովի հետեւեալ բառերը եւ մէյմէկ խօսք շինել անոնցմով: Աքիս, կաղնի, ցուռկ, սրածայր, սարսափահար, ճիւղ, ճագար, ճարակիւ, ասպակել, փայլակ, անծեղ, շաղակրատել, աղէտք,
- 181. Մէյմէկ խօսք շինել հետեւեալ բառերով սեպտակամ ամականներ կցելով անոնց.  
Գաւաթ, աման, պնակ, տափրակ, աղաւնի, անծեղ:
- 182. Սեպտակամ ամականով հոլովել հետեւեալ բառերը.  
Եղ, գիծի, հովիւ, զաւակ, մատուռ, ջահ, գլուխ, ժամ:

ԼԵ. ԴԱՍ. — ՍՏԱՅԱԿԱՆ ԱՄԱԿԱՆ

202. Սեպտակամ ամականներ. — Սեպտակամ ամականները բանի մը որուն ըլլալը կը ցուցնեն, և հետեւեալներն են.

|              |               |
|--------------|---------------|
| ԵՂԱԿԻ        | ՅՈՔՆԱԿԻ       |
| Իմ կամ Իմին  | Մեր կամ Մերին |
| Քու » Քուկին | Չեր » Չերին   |
| Իր » Իրեն    | Իրենց         |

203. Իմ, քու, իր ստացական ամականներուն կցուած անունները եզակիի մէջ միշտ ս, դ, ց կամ ը գիրերը կ'առնեն որոնք յիմորոշ յօդ կ'ըսուին, ինչպէս. Իմ տուն, քու պարտեզդ, իր մասնին, իսկ յօքնակիի մէջ ը որոշիչ յօդը կ'առնեն ինչպէս. մեր, ձեր, իրենց շապիկները:

204. Իմ, քու, իր ստացական ամականներուն տեղ շատ անգամ ս, դ, ց կամ ը դիմորոշ յօդերը միանակ կը գործածուին, ինչպէս հոգիս, պարտեզդ, մասնին:

205. Մեր, ձեր, իրենց ստացական ամականներն ալ կրնան զանց առնուիլ հետեւեալ օրէնքով.

206. Եթէ անունը բազմական է, թէ՛ եզակիի և թէ՛ յօքնակիի մէջ նիս, նիդ, նին կ'առնէ:

207. Եթէ անունը միավանկ է, թէ՛ եզակիի եւ թէ՛ յօքնակիի մէջ երնիս, երնիդ, երնին կ'առնէ: Բացառիկ է միայն գործիականը, ինչպէս կ'երեւայ հետեւեալ հոլովմանց մէջ.

|       |             |                |                                |
|-------|-------------|----------------|--------------------------------|
|       | Բազմական    | ՅՈՔ.           | Միավանկ                        |
|       | ԵՂ.         |                | ԵՂ եւ ՅՈՔ.                     |
| Ո. Հ. | Պարտէզնիս   | Պարտէզներնիս   | Տուներնիս                      |
| Ս. Տ. | Պարտէզնուս  | Պարտէզներնուս  | Տուներնուս                     |
| Բ.    | Պարտէզնես   | Պարտէզներնես   | Տուներնես                      |
| Գ.    | Պարտէզովնիս | Պարտէզներովնիս | Տունովնիս<br>(յոք.)Տուներովնիս |

208. Այս ձևերը ի հարկին միայն գործածելու է, նախընտրելով, մանաւանդ հոլովմանց մէջ, մեր; ձեր; իրենց զերանուններուն գործածութիւնը:

ԼՁ. ԸՆԹԵՐՅՈՒՄԾ. — ԿԵՆԴԱՆԻՆԵՐՈՒ ՏԱՐԻՔԸ

Եզը, որ այնքան խոշոր ու մեծղի է, քսանէն երեսուն տարեկան շատ ծերացած կը համարուի: Մեր դալար երիտասարդութիւնը խոր ծերութիւն է անոր համար: Ձին, ինչպէս իր համեստ ընկերը՝ էջը, երեսունը հինգ տարեկանէն աւելի չ'ապրի: Միւս ընտանի կենդանիները աւելի պակաս կ'ապրին. խոզը քսան տարեկանին զառամեալ է. կատուն տասնըհինգէն ետքը ա՛լ մուկ չի բռներ. այծը, ոչխարը տասնէն տասնըհինգ տարեկան լմնցած են: Ճագարը ու թնէն տասը տարեկան կ'ապրի: Իսկ մարդը, եթէ կանոնաւոր կեանք մը վարէ, մինչեւ ութսուն, իննըսուն տարի կրնայ ապրիլ ընդհանրապէս:

Հ Ր Ա Շ Ա Ն Գ Ն Ե Ր

- 183. Օրինակել այս հատուածը եւ նշանակել բուսական ածականները:
- 184. Գտնել ջաւը անասունի անուն, եւ իրենց յարմար ածականներ դնել անոնց առջեւ:
- 185. Հետեւեալ խօսքերուն մէջ թուանշանով գրուած թուականները գիրերով գրել

Իրիգոր Լուսաւորիչ ծնած է Քրիստոսի 247 թուականին: Սահակ Պարթեւ մեռած է 439ին 86 տարեկան: Գաղկեղոսի Ժողովը գումարուած է Քրիստոսէ 451 տարի ետքը: Իրիգոր Նարեկացի մեռած է 951ին, և Մխիթար Գօշ՝ 1213ին: Մխիթար Աբբան 1676ին ծնաւ Սեբաստիոյ մէջ: Յակոբ Նալեան Պատրիարքը 1764ին մեռաւ Կոստանդնուպոլիս: Պետրոս Դուրեան բանաստեղծը ծնած է Իւսկիւտար 1851 Մայիս 20ին, և մեռած է 1872 Յունուար 21ին, Պետրոս Արամեան, հոլանդաւոր դերասանը, մեռած է 1891 Յունիս 2ին:

ԼՁ. ԴՍՍ.— ԹՈՒԱԿԱՆ ԱԾԱԿԱՆ

**209.** Թուական ածականներ. — Թուական ածական կ'ըսուին այն բառերը, որոնք անունի մը քանի հասկամ քանիքը, ինչպէս, մեկ, երկու, հիւնգերորդ, վեցական:

**210.** Բացարձակ կ'ըսուին այն թուական ածականները, որոնք անունի մը քանի հասկամը ցոյց կուտան, ինչպէս. մեկ, երկու:

**211.** Դասական կ'ըսուին անոնք որ անունի մը քանիքը ցոյց կուտան, ինչպէս. հիւնգերորդ, վեցերորդ:

**212.** Բաշխական կ'ըսուին անոնք, որ ամէն մէկուն քանիքը հատուած ըլլալը կը յայտնեն, ինչպէս. հիւնգական, վեցական:

**213.** Բացարձակ բուսական ածականներն են. գո, մեկ, երկու, երեք, չորս, հինգ, վեց, եօթը, ութը կամ ութ, ինը, տասը, տասըրեկ, տասերկու, տասերեք, տասըրորս, տասըհինգ, տասըվեց, տասըեօթը, տասըուրթը, տասըինը, քսան, երեսուն, քառասուն, յիսուն, վաքսուն, եօթսուն, ութսուն, ինըսուն, հարիւր, հարիւր:

**214.** Թէ՛ բացարձակ և թէ՛ դասական թուական ածականները երբ առանձին գործածուին, գոյական են, յօդ կ'առնեն, յօդակի ունին, և գոյականի հոլովման ընդհանուր օրէնքին կը հետեւին, ինչպէս.

- Ո. Հ. Հարիւր Հարիւրներ Առաջին Առաջիններ
- Ս. Տ. Հարիւրի Հարիւրներու Առաջինի Առաջիններու
- Բ. Հարիւրե Հարիւրներե Առաջինե Առաջիններե
- Գ. Հարիւրով Հարիւրներով Առաջինով Առաջիններով

**215.** Երկու, երբ գոյական է, կ'ըլլայ երկուք, և կը հոլովուի սապէս. երկուք, երկուքի, երկուքե, երկուքով:

**216.** Թուական ածականներէն ետքը գոյականը ընդհանրապէս եղակի կը մնայ. երկու մարդ, տասը գիրք:

**ԼԷ. ԸՆԹԵՐՑՈՒՄ. — ՈՍԿԵԴԱՐԸ**

Հայ գրաբար լեզուի ամէնէն ծաղկած ժամանակն է Ե. դարը, զոր Ոսկեդար կ'անուանէ պատմութիւնը: Այս դարուն մէջ է որ գտնուեցան հայ գիրերը Սահակայ և Մեսրոպայ ձեռքով, և շատ մը հեղինակութիւններ ու թարգմանութիւններ լոյս տեսան, որոնց զլիսաւորն է Աստուածաշունչը: Յաջորդ դարերուն մէջ աւելի փայլուն գրողներ ունեցած ենք արդարեւ, բայց ոչ ոք կրցած է գրել այն ընտիր գրաբարը, զոր գործածեցին առաջին թարգմանիչներէն Եղիշէ:

**Հ Ր Ա Յ Ա Ն Գ Ն Ե Ր .**

- 186. Օրինակի այս հատուածը, եւ ստորագծի ղասական բուսական անունները:
- 187. Բերանացի պատմել այս հատուածը, յետոյ գրել զայն դարանին մէջ:
- 188. Հետեւեալ խօսքերուն մէջ գրով գրուած թիւերը հայ այբուբենով նշանակել.

Թարգմանիչներուն առաջին աշակերտներէն է Կորիւն. երկրորդ աշակերտներէն են Դաւիթ Անյաղթ, Գիււ կաթողիկոս Յովհան Մանդակունի, Դազար Փարպեցի, և այլն: Տասնըեօթներորդ դարուն մէջ Ժողկեցաւ Յրանսոյի դասական գրականութիւնը: Բասնեբորդ դարը սկսաւ հազար ինը հարիւր մէկին:

- 189. Մէյմէկ բաշխական բուսական անական զնել հետեւեալ խօսքերուն մէջ.  
Ամէն մէկ կարգին մէջ . . . աշակերտ կայ . . . հոգի մթաթեղ կը թալէնի . . . հաա տեարակ բաժնեցի իրենց:

- 190. Հայ տառերով նշանակել հետեւեալ թիւերը.  
47, 98, 61, 104, 1002, 516, 87, 16, 52, 93, 39, 414, 828, 3631, 69, 70, 1248:

**ԼԷ. ԳԱՍ. — ԹՈՒԱԿԱՆ ԱԾԱԿԱՆ (Շարունակութիւն)**

**117.** Դասական բուսական անականները կը կազմուին բացարձակներուն վրայ երորդ մասնիկը աւելցնելով: Ինչպէս. հինգ հինգերորդ. ութ, ութերորդ: Բացառիկ են առաջին, երկրորդ, երրորդ. չորրորդ:

**118.** Բաշխական բուսականները կը կազմուին բացարձակներուն վրայ ական աւելցնելով. Ինչպէս. հինգական, քսանական: Բացառիկ է միջ մէկ: Կ'ըսուի նաև երկ երկու, երեք երեք, չորս չորս, հինգ հինգ, վեց վեց մինչև վեց թիւը:

**119.** Եօթը, ինը, տասը բառերուն ը գիրը երրորդ և ական մասնիկներուն առջև կը փոխուի Ե ի, Ինչպէս. եօթներորդ, իննական: Ուրբ կամ ութ կ'ըլլայ ութերորդ, ութնական:

**120.** Երեսուն, քսանսուն, յիսուն, վաքսուն, եօքսանսուն, ուքսուն և իննըսուն բառերը, հակառակ կորուսման օրէնքին. իրենց վերջին վանկին ու ն չեն կորսնցներ; երբ անանցուին երորդ և ական մասնիկներով, Ինչպէս. երեսուներորդ, քսանսունական, և ոչ երեսներորդ, քսանսանական:

**121.** Դասական բուսականները կրնան նշանակուիլ նաև հայ այբուբենով, Ինչպէս.

Ա առաջին, Բ երկրորդ, Գ երրորդ, Դ չորրորդ, Ե հինգերորդ, Զ վեցերորդ, Է եօթներորդ, Ը ութերորդ, Թ իններորդ, Ժ տասներորդ, ԻԱ տասնըակերորդ, ԻԲ տասնըակերորդ, Լայն: Ի քսաներորդ, ԻԱ քսանըակերորդ, Լայն: Լ երեսներորդ, Խ քսանսուներորդ, Մ յիսուներորդ, Կ վաքսուներորդ, Զ եօքսանսուներորդ, Զ ութսուներորդ, Ղ իննըսուներորդ, Ծ հարիւրերորդ, Ս երկուհարիւրերորդ, Լայն: Ռ հազարերորդ, Ս երկուհազարերորդ, Վ երեքհազարերորդ, Լայն:

**ԼԸ. ԸՆԹԵՐՑՈՒՄԸ. — ԱՂՔԱՏՆԵՐԸ ԵՒ ՀԻՒԱՆԴՆԵՐԸ**

Պէտք է արհամարհանքով նայիլ ոչ մէկ աղքատի և չզանիլ ոեւէ հիւանդէ մը : Աղքատութիւնը և հիւանդութիւնը այնպիսի վիճակներ են որ կրնան մեզի ալ պատահիլ : Ուստի պէտք է ընտելանանք անոնց, ինչպէս մեր բոլոր գործերուն և նիւթական ու բարոյական պարտքերուն : Երբ այդ ամէն դժբախտութիւնները սովորական բան մը նկատելու վարժուինք, և բարևարտութեամբ վարուինք զանոնք կրողներուն հետ, մեր տառապանքը պակաս կ'ըլլայ, այն պարագային որ մենք ալ ենթարկուինք նոյն չարիքներուն : Զրկեալները սիրելու զգացումը ամէնէն գերազանց զգացումն է մարդուս և զայն վեր կը բարձրացնէ հասարակ մարդոց մակարդակէն :

**Հ Ր Ա Շ Ա Ն Գ Ն Ե Ր**

191. Օրինակել այս հատուածը, եւ ստորագծել անորոշ ածականները :

192. Մէյմէկ խօսք շինել հետեւեալ բառերով.  
Արհամարհանք, աղքատութիւն, հիւանդ, վիճակ, պարտք, դժբախտութիւն բարեսրտութիւն, տառապանք պարագայ, զգացում :

193. Մէյմէկ խօսք շինել հետեւեալ անորոշ ածականներով.  
Միւս, բոլոր, ոեւէ, այդչափ. քանի՞ իւրաքանչիւր որչափ, միեւնոյն, այսպէս, այսինչ, էնչ, ո՞ր. քանի մը :

**Օրինակ.** — Ես միւս տանը աւելի հաւնեցայ. քան թէ ասոր :

194. Որոշել հետեւեալ խօսքերուն մէջ գտնուած ածականներն ու անունները :

Սնափառ մարդիկ իրենց կորուստին կը դիմեն : Ամէն արժանիք հասնու է. Ամէն բանի մէջ վախճանն է գովելի : Տխմար մարդիկ հպարտ կ'ըլլան : Առաջին մրցանակի արժանացողները աշխատասերներն են : Սրկու անգամ երկու չորս կ'ընէ : Արտաքեններեւոյթները ո՞րչափ կը խաբեն զմեզ : Իմ գգեստներս պարզ են : Այս խօսքերէն ապուշները կը խաբուին : Ազնիւ սիրտերը սուտ չունին :

195. Որոշել հետեւեալ ածականներուն տեսակները :

Զորրորդ դուռը, ցուրտ սենեակը, երկու աղանի, ամէն անգամ, ձեր դիտարկը, այդ գիրքերը, այն պարտքը, մէյ մէկ ձմերուկ, հինգական ընկոյզ, երկերկու դահեկան, ինչպէս հաւ, քանի՞ հաւկիթ, թարմ կարագ, առատ մտունդ, եօթներորդ աստիճան :

**ԼԸ. ԴՍ.Ս. — ԱՆՈՐՈՇ ԱՍԿԱՆ**

**222.** Անորոշ ածականներ. — Անորոշ ածականները տարտամ և անորոշ իմաստ մը կու տան գոյականին, ինչպէս. ուրիշ մարդ մը :

**223.** Անորոշ ածականները հետեւեալներն են .

- Ամեկ, բոլոր .
- Քակի մը, մեկ ֆակի, ինչ ինչ .
- Ամեկ մեկ, իւրաքանչիւր, անձնիւր,
- Նոյն, միեւնոյն .

Ուրիշ, միւս .

Ոչ մեկ .

Որ եւ և .

Այս ինչ, այն ինչ .

Այսպիսի, այսպիսի, ասանկ :

Այնպիսի, այնպիսի, անանկ .

Այսֆան, այսչափ .

Այդֆան, այդչափ .

Այնֆան, այնչափ .

Որֆան, որչափ .

Որ, ինչ, ֆակի ֆակի :

**224.** Ասոնցմէ ամէնքն ալ հարցական ձեւով ալ կրնան գործածուիլ, բայց մասնաւորապէս հետեւեալները հարցական կը կոչուին . ո՞րչափ, ո՞րֆան, ո՞ր, ի՞նչ, ֆակի, ի՞նչպիսի :

**ԼԹ. ԸՆԹԵՐՑՈՒԱԾ. — ՅՈՐԵՆԻ ԾՈՎԵՐ**

**Հովեր կ'անցնին,**

Ու ցորեններն յուշիկ յուշիկ կ'արթննան .

Իրենց խորքէն կը հոսի դող մ'անասաման :

Դալարազեղ կողերն ի վար բլլուրին

Ծովեր կ'անցնին :

**Հովեր կ'անցնին,**

Ու ցորենին պատմուճանները ծրփուն

Մերթ կը պատռին, մերթ կը կարուին փողփողուն,

Հատուերի մէջ, լոյսերու մէջ փրփրազին

Ծովեր կ'անցնին :

**Հովեր կ'անցնին,**

Զմրուխաներով կը ծրփայ դաշտը անհուն .

Ծիտը կ'երգէ թառած հասկի մ'օրօրուն՝

Մինչ իր տակէն ցորեններու մոլեգին

Ծովեր կ'անցնին . . .

Հովեր կ'անցնին . . . :

**ԴԱՆԻԷԼ ՎԱՐՈՒԺԱՆ**

**Հ Ր Ա Յ Ա Ն Գ Ն Ե Ր**

- 196. Օրինակել այս ոտանաւորը ստորագծել անունները, եւ նշանակել սծակամները :
- 197. Գոց սորվիլ եւ արտասանել այս ոտանաւորը :
- 198. Սորվիլ հետեւեալ բառերը եւ մէյ մէկ խօսք շինել անոնցմով՝  
Յուշիկ յուշիկ, հոսի, անասաման, դալարազեղ, բլլուր, պատմուճան, ծփուն, փողփողուն, փրփրազին, ծիտ, թառիկ, հասկ, մոլեգին .
- 199. Հուծել հետեւեալ բառերը.  
Այս շքեղ ծաղիկները. — Իմ նոր գրիչս. — Երկու բարի դրացիներ. — Հինգերորդ կարգը. — Բոլոր ոչխարները. — Իրենց պատիժը :

200. Հետեւեալ ածականներուն տեղ՝ յասկացուցիչներ դնել գոյականներուն քով.

Որդիական յարգանք, մայրական սէր, տղայական խաղ, ցաւագին աղաղակ, զատնային ծաղիկ, գիշերային պտոյտ, զածական տօն, ռամկական խօսքեր, դժոխային ոճիւր, երկնային կապոյտ, հեղշակային գեղեցկութիւն, մատրիկային սիրտ, աշխարհային բարիք, երկնաւոր արքայութիւն :

**Օրինակ.** — Ծառի շատ. ան. եղ. սեր. յատկացուցիչ ճիւղերուն :  
ճիւղեր շատ. ան. յոք. ուղ. յատկացեալ ծառին :

201. Հետեւեալ ածականներէն գոյականներ շինել.

Ծաղկաւէտ, երկար, գնդաձեւ, անգուլթ, վախկոտ, խորհրդաւոր, տափակ, քմայեկ, քաջ, ապուշ, զուարճալի, ծանր, դառն, ուշադիր, խիստ, դալկահար :

**ԼԹ. ԴԱՍ. — ԱԾԱՎԱՆԻՆ ԼՈՒԾՈՒՄԸ**

**225. Ածականին լուծումը.** — Ածականը լուծելու համար, պէտք է ըսել թէ որակական է, ցուցական է, ստացական է, թուական է կամ անորոշ, և թէ որ անունին կը վերաբերի, ինչպէս .

Այս | Ցուցական ածական խնձորին :  
խնձորը | Հս. ան. եզ. ուղ. :

Խ. ԸՆԹՄԵՐՑՈՒՄ.— ԲԱԳԱՒՈՐԻ ՄԸ ՁԵՐԲԱԿԱԼՈՒՄԸ

Սպանիոյ արդի թագաւորը, Ալֆոնսո, Մատրիտի շրջակաները ինքնաշարժով ծպտեալ պտըտած ատեն, երկու ոստիկաններ իր կառքը կը կեցնեն օրէնքին թոյլատրածէն աւելի արագ վազցնելուն համար: Ալֆոնսո կարեւորութիւն չի տար անոնց. ու անոնք կը ձերբակալեն զայն ոստիկանատուն տանելու համար: Այն ատեն Սպանիոյ ինքնակալը վախնալով որ իրենց սպառնալիքը կը գործադրեն, «Ես ձեր թագաւորն եմ» կ'ըսէ: Բայց ոստիկանները չեն հաւատար, և քաշքշկով կը տանին զայն մինչեւ որ ոստիկանապետը վրայ հասնելով, կը ճանչնայ թագաւորը և անոր րաքը ինչալով ներողութիւն կը խնդրէ անկէ:

Սակայն Ալֆոնսո գոհունակութիւն կը յայտնէ ոստիկաններուն իրենց պարտականութիւնը ճշդիւ կատարելուն համար, և աստիճանի բարձրացում կը շնորհէ անոնց:

Հ Ր Ա Շ Ա Ն Գ Ն Ե Ր

- 202. Օրինակել այս հատուածը, եւ ստորագծել ղերանուկները:
- 203. Բացատրել հետեւեալ բառերուն նշանակութիւնը.  
Եկփանկ, երկեր, թռչուն, կոնաձեւ, շարժել, հանդարտ:  
Օրինակ. - Եկփանկը տեսակ մը փոքրեկ թռչուն է:
- 204. Մէյմէկ խօսք շինել հետեւեալ անձնական դերանուններով.  
Դուք, եմք, իրմէ, անոյ, քեզի, ես, ինք, ան:  
Օրինակ. — Դոյ մեր բարեկամն էք:  
Կ'ուզէ՞ք դաս առլ ինծի:

Դ Ե Ր Ա Ն ՈՒ Ն

Խ. ԴՍԱ.— ԴԵՐԱՆՈՒՆԻՆ ԴԵՐԸ.— ԱՆՁՆԱԿԱՆ ԴԵՐԱՆՈՒՆ

226. Դերանուն.— Դերանունը բառ մըն է, որ անունի մը տեղ կը դրուի, ինչպէս. ես, դու, այս, ինչ, որ, անկեմ:

227. Դերանունը կը ծառայէ խօսքի մէջ գոյականը չկրկնելու, ինչպէս:

|  |  |
|--|--|
| Անունով  | Դերանունով   |
| Ծոյղ տղան դասերուն մէջ չի յաջողիր. ծոյղ տղան չ'ըբողիր դասերով, որովհետեւ դասերը դժուար կու գան ծոյղ տղուն: | Ծոյղ տղան դասերուն մէջ չի յաջողիր. ինչ չ'ըբողիր անոնցմով, որովհետեւ անոնք դժուար կու գան իրեն: |

228. Դերանունը անունին պէս կրնայ ըլլալ ենթակայ, խնդիր, և այլն, ինչպէս. Ես կը խօսիմ, զեզ կը յարգեմ:

229. Դերանունը ունի քիւ, հոյով, և դեմ:

230. Դեմը երեք է. առացիւ, երկրորդ, երրորդ:  
Ա. դէմքը խօսողը ցոյց կուտայ.  
Բ. դէմքը զայն, որուն կը խօսուի.  
Գ. դէմքը զայն, որուն վրայ կը խօսուի:

231. Դերանունները հինգ տեսակ են. Անձնական, Ցուցական, Ստացական, Յարաբերական, Անորոշ, ինչպէս. ես, այս, ինչ, որ, բոլորը:

232. Անձնական դերանուն.— Անձնական դերանունները՝ անձերը ու դէմքերը կը ներկայացնեն, և հետեւեալներն են. ես, դու, ինչ, ան կամ անիկա, անկ, դուք, իրենք, անոնք:

233. Անձնական են նաև գիրար, մեկզմեկ փոխադարձ դերանունները: Ինչ դերանունը կրկնակ ձև մըն ալ ունի, որ է ինչգիմես, ինչգիմեք, ինչգիմեք, և ըն.:

ԱՆՁՆԱԿԱՆ ԴԵՐԱՆՈՒՆՆԵՐՈՒ ՀՈՂՈՎՈՒՄԸ

| Ա. ԴԵՄԲ                   |             | Բ. ԴԵՄԲ     |        |
|---------------------------|-------------|-------------|--------|
| ԵԶ.                       | ՅՈՔ.        | ԵԶ.         | ՅՈՔ.   |
| Ո. Ես                     | Մենք        | Դուք        | Դուք   |
| Հ. Զիս                    | Զմեզ        | Զքեզ        | Զձեզ   |
| Ս. Իմ, Իմին Մեր, Մերին    | Բու, Բուկին | Ձեր, Ձերին  |        |
| Տ. Ինձ, Ինձի Մեզ, Մեզի    | Բեզ, Բեզի   | Ձեզ, Ձեզի   |        |
| Բ. Ինձմէ, Ինէ Մեզմէ, Մենէ | Բեզմէ, Բենէ | Ձեզմէ, Ձենէ |        |
| Գ. Ինձմով                 | Մեզմով      | Բեզմով      | Ձեզմով |

| Գ. ԴԵՄԲ  |          |              |          |
|----------|----------|--------------|----------|
| ԵԶ.      | ՅՈՔ.     | ԵԶ.          | ՅՈՔ.     |
| Ո. Ինք   | Իրենք    | Ան, Անիկա    | Անոնք    |
| Հ. Զինք  | Զիրենք   | Չայն, Չանիկա | Չանոնք   |
| Ս. Իր    | Իրենց    | Անոր         | Անոնց    |
| Տ. Իրեն  | Իրենց    | Անոր         | Անոնց    |
| Բ. Իրմէ  | Իրենցմէ  | Անկէ         | Անոնցմէ  |
| Գ. Իրմով | Իրենցմով | Անով         | Անոնցմով |

ՓՈՒԱԴԱՐՁ ԴԵՐԱՆՈՒՆՆԵՐ

|    |           |             |
|----|-----------|-------------|
| Ո. | —         | —           |
| Հ. | Մէկզմէկ   | Իրար, Զիրար |
| Ս. | Մէկզմէկու | Իրարու      |
| Տ. | Մէկզմէկու | Իրարու      |
| Բ. | Մէժզմէկէ  | Իրարմէ      |
| Գ. | Մէկզմէկով | Իրարմով     |

ՊԵՔ ԴԵՐԱՆՈՒՆՆԵՐ ԿՐԿՆԱԿ ՀՈՂՈՎՈՒՄԸ

| Ա. ԴԵՄԲ |            |
|---------|------------|
| ԵԶ.     | ՅՈՔ.       |
| Ո.      | —          |
| Հ.      | Ինքզինքս   |
| Ս.      | Ինքզինքիս  |
| Տ.      | Ինքզինքիս  |
| Բ.      | Ինքզինքէս  |
| Գ.      | Ինքզինքովս |

| Բ. ԴԵՄԲ |            |
|---------|------------|
| ԵԶ.     | ՅՈՔ.       |
| Ո.      | —          |
| Հ.      | Ինքզինքդ   |
| Ս.      | Ինքզինքիդ  |
| Տ.      | Ինքզինքիդ  |
| Բ.      | Ինքզինքէդ  |
| Գ.      | Ինքզինքովդ |

| Գ. ԴԵՄԲ |           |
|---------|-----------|
| ԵԶ.     | ՅՈՔ.      |
| Ո.      | —         |
| Հ.      | Ինքզինքը  |
| Ս.      | Ինքզինքին |
| Տ.      | Ինքզինքին |
| Բ.      | Ինքզինքէն |
| Գ.      | Ինքզինքով |

Փոխադարձ դերանունները, և ինկզինկս, ինկզինկդ, ինկզինկը, ինչպէս իրենց յոքնակինները ուղղական չու-  
նին, որովհետև ենթակայ չեն ըլլար:

ԽԱ. ԸՆԹՅՐՑՈՒՄ. — ՁԻՔԵՆԻՆ

Ձիթենին միշտ յարգուած ծառ մըն է: Իմաստութեան և խաղաղութեան խորհրդանշանն է ան: Հին Յոյները անով կը պսակէին ոյխալիական խաղերու մէջ յաղթականները: Պոսիդոն և Աթենաս, երկուքն ալ փափաքելով իրենց անունով կոչել Յունաստանը նոր շինուած ատեն, Արամազդ, չաստուածներուն պետը, որոշեց քաղաքին տալ անունը անոր որ ամէնէն թանկագին նուէրը բերէր: Պոսիդոն երկիրը ճեղքեց, և գետնէն հանեց ձի մը որ պատերազմի խորհրդանշանն է: Աթենաս ձիթենի մը հանեց, և քաղաքը Աթենք կոչուեցաւ դիցուհւոյն անունովը: Գրիստոնեաներուն համար ալ նուիրական է ան: Նոյի տապանին աղաւնին անով վերադարձաւ ջրհեղեղին ցամքիլը աւետելու համար, և անոր ոստերովը Գրիստոս փառաբանուեցաւ Երուսաղէմի մանուկներէն:

Շ Ր Ա Շ Ա Ն Գ Ն Ե Ր

- 205. Օրինակել այս հատուածը, եւ ստորագծել անձնական դերանունները:
- 206. Բացատրել հետեւեալ բառերը.  
Ձիթենի, Իմաստութիւն, պսակել, կոչել, Թանկագին, ճեղքել:
- 207. Մէյմէք խօսք շինել հետեւեալ ցուցական դերանուններով.  
Ատնք, այդ, ան, անոնք, տառնք, առ, առիկա:
- 208. Մէյմէկ խօսք շինել հետեւեալ սացական դերանուններով.  
Մերեւը, երեսցը, Իմա, Ճերիները, քուկդ, երեսը:
- 209. Օրինակել կրկին վերի հատուածը, եւ հարկ եղած անունը ղնել անձնական դերանուններուն տեղ:
- 210. Յոյց տալ հետեւեալ դերանուններուն ղէմքերը.  
Այդ, իրը, Իմա, առիկա, Ճերը, մերիները, ան, սա, քուկդ:

ԽԱ. ԳՍԱ. — ՅՈՒՑԱԿԱՆ ԴԵՐԱՆՈՒՆ

**234.** Յուցական դերանուն. — Յուցական դերանունը կը ծառայէ ցոյց տալու այն անձերը և իրերը, որոնց անորը դրուած է:

**235.** Յուցական դերանուններն են.

|    |                         |       |
|----|-------------------------|-------|
|    | ԵՂ.                     | ՅՈՒՑ. |
| Ա. | դեմք Այս, սա, առիկա, սա | Ասոնք |
| Բ. | » Այդ, սա, առիկա        | Ասոնք |
| Գ. | » Այն, ան, անիկա        | Անոնք |

**236.** Յուցական դերանուններուն մէկ մասը ցուցական ածականներ են, որոնք առանց անունի, առանձին կը գործածուին, ինչպէս. սա իմ գիրքս է. սա ինչ է:

**237.** Այս յիշուած առարկայի մը կամ գաղափարի մը համար կը գործածուի, ինչպէս. պէտք է պզտիկները մեծերուն հնազանդիլն, այս է իմ կարծիքս: Սա յիշուելիք առարկայի մը համար, ինչպէս. իմ կարծիքս սա է որ պզտիկները պէտք է մեծերուն հնազանդիլն:

**238.** Սացական դերանուն. — Սացական դերանունները սացական ածականներէ կը շինուին անոնց վրայ աւելցնելով ս, դ, և կամ ը դիմորոշ յօդերը, բանի մը որուն ըլլալը կը ցուցնեն, և առանձին կը գործածուին, ինչպէս.

|    |                 |              |            |           |
|----|-----------------|--------------|------------|-----------|
|    | ԵՂ.             | ՅՈՒՑ.        | ԵՂ.        | ՅՈՒՑ.     |
| Ա. | Դեմք Իմա, իմինս | Մերը, մերինը | Իմիկներս   | Մերիկները |
| Բ. | » Բուկդ         | Ձերը, ձերինը | Բուկիկներդ | Ձերիկները |
|    |                 | Բուկիկներդ   |            |           |
| Գ. | » Իրը, իրենը    | Իրենը        | Իրենները   | Իրենցները |

ՅՈՒՑԱԿԱՆ ԴԵՐԱՆՈՒՆՆԵՐՈՒ ՀՈՂՈՎՈՒՄԸ

| Այս   |                    |          |
|-------|--------------------|----------|
|       | ԵԶ.                | ՅՈՔ.     |
| Ո. Հ. | Այս, աս, սա, ասիկա | Ասոնք    |
| Ս. Տ. | Ասոր               | Ասոնց    |
| Բ.    | Ասկէ               | Ասոնցմէ  |
| Գ.    | Ասով               | Ասոնցմով |

| Այդ   |                |          |
|-------|----------------|----------|
|       |                |          |
| Ո. Հ. | Այդ, ատ, ատիկա | Ատոնք    |
| Ս. Տ. | Ատոր           | Ատոնց    |
| Բ.    | Ատկէ           | Ատոնցմէ  |
| Գ.    | Ատով           | Ատոնցմով |

| Այն   |                |          |
|-------|----------------|----------|
|       |                |          |
| Ո. Հ. | Այն, ան, անիկա | Անոնք    |
| Ս. Տ. | Անոր           | Անոնց    |
| Բ.    | Անկէ           | Անոնցմէ  |
| Գ.    | Անով           | Անոնցմով |

ՍՏԱՑԱԿԱՆ ԴԵՐԱՆՈՒՆՆԵՐՈՒ ՀՈՂՈՎՈՒՄԸ

| Ա. ԳԷՄԲ |            |            |
|---------|------------|------------|
|         | ԵԶ.        | ՅՈՔ.       |
| Ո. Հ.   | Իմս, Իմինս | Իմիններս   |
| Ս. Տ.   | Իմինիս     | Իմիններուս |
| Բ.      | Իմինէս     | Իմիններէս  |
| Գ.      | Իմինովս    | Իմիններովս |

|       | ԵԶ.          | ՅՈՔ.        |
|-------|--------------|-------------|
| Ո. Հ. | Մերը, Մերինը | Մերինները   |
| Ս. Տ. | Մերինին      | Մերիններուն |
| Բ.    | Մերինէն      | Մերիններէն  |
| Գ.    | Մերինով      | Մերիններով  |

| Բ. ԳԷՄԲ |                |              |
|---------|----------------|--------------|
|         |                |              |
| Ո. Հ.   | Բուկը, Բուկինդ | Բուկիններդ   |
| Ս. Տ.   | Բուկինիդ       | Բուկիններուդ |
| Բ.      | Բուկինէդ       | Բուկիններէդ  |
| Գ.      | Բուկինովդ      | Բուկիններովդ |

|       |              |             |
|-------|--------------|-------------|
| Ո. Հ. | Չերը, Չերինը | Չերինները   |
| Ս. Տ. | Չերինին      | Չերիններուն |
| Բ.    | Չերինէն      | Չերիններէն  |
| Գ.    | Չերինով      | Չերիններով  |

| Գ. ԳԷՄԲ |            |            |
|---------|------------|------------|
|         |            |            |
| Ո. Հ.   | Իրը, Իրենը | Իրենները   |
| Ս. Տ.   | Իրենին     | Իրեններուն |
| Բ.      | Իրենէն     | Իրեններէն  |
| Գ.      | Իրենով     | Իրեններով  |

|       |                  |               |
|-------|------------------|---------------|
| Ո. Հ. | Իրենցը, Իրենցինը | Իրենցինները   |
| Ս. Տ. | Իրենցինին        | Իրենցիններուն |
| Բ.    | Իրենցինէն        | Իրենցիններէն  |
| Գ.    | Իրենցինով        | Իրենցիններով  |

ԽՌ. ԸՆԹԵՐՅՈՒԱԾ. — ԶԻՆ ԵՒ ՅՈՒԼԸ

Առոյդ ձի մը մանուկ մ'առած իր վըրան,  
 Դաշտերուն մէջ, ասդին անդին կուզար ման.  
 Մերթ կը վազէր, կը վազվըզէր ուտոտուն,  
 Եւ մերթ հազիւ կը դպչէր թարմ խոտերուն:  
 «Ի՛նչ, մըռնչեց ցուն անդիէն զայրացած,  
 Ըզքեզ վարել՝ պղտիկ տըղճն այդ մնաց:  
 Շուտ պատժէ՛ զայն, և վըրայէդ նեաէ՛ վար,  
 Երթայ սորվի թէ ձիուն հետ չեն խաղար:»  
 — «Ի՛նչ յաղթանակ, ի՛նչ փառք և ի՛նչ մեծ պատիւ,  
 Ըսաւ անոր ծիծաղելով ձին աղնիւ.  
 Ամօթ չէ՞ ինձ, և չե՞ն խընդար իմ վըրաս,  
 Երբ վար նետեմ սա խեղճ մանուկն անվընաս:»

Հ Ր Ա Շ Ա Ն Գ Ն Ե Ր

211. Արծակի վերածել այս ոտսնաւորը:  
 212. Մէյմէկ յարմար յարաբերական դերանուն դնել հետեւեալ խօսքերուն մէջ գտնուած կէտերուն տեղ:

Այն մարդիկը . . . վոյ խօսեցայ, եկեր են: Այն աշակերտը . . . մրցանակ արուեցաւ, հիւանդացեր է: Այն գնդակները . . . կը խաղայինք, կորուեր են: Այն օգնութիւնը . . . կը յուսայի, պիտի մատուցանէք ինձի: Հայրս . . . ամէն բան կը սպասէի, մերժեց զիս: Քոյրս . . . հեռ կը բնակէի, մեկնեցաւ քաղաքէն:

213. Մէյմէկ խօսք շինել հետեւեալ յարաբերական դերանուններով.

Որոնց, որմէ, որ, զորս, որոնք, որոնցմէ, որով, զոր, որուն:

ԽՌ. ԳՍՍ. — ՅԱՐԱԲԵՐԱԿԱՆ ԴԵՐԱՆՈՒՆ

**239.** Յարաբերական դերանուն. — Յարաբերական դերանունը որ բառն է, և իրմէ առաջ յիշուած անուն մը կամ դերանուն մը կը ցուցնէ. այդ անունը կամ դերանունը կ'ըսուի յարաբերեալ, ինչպէս. այն աղջիկը որ ֆեզի հետ էր. դուն որ այնքան քարի ես:

**240.** Յարաբերական դերանունը ունի թիւ, հոլով և երեք դէմքի համար ալ կրնայ գործածուիլ, ինչպէս. ես որ գիտեմ, դուն որ գիտես, ան որ գիտէ:

**241.** Յարաբերական դերանունը սապէս կը հոլովուի.

|    |       |         |
|----|-------|---------|
|    | ԵՁ.   | ՅՈՔ.    |
| Ո. | Որ    | Որոնք   |
| Հ. | Չոր   | Չորս    |
| Ս. | Որուն | Որոնց   |
| Տ. | Որու  | Որոնց   |
| Բ. | Որմէ  | Որոնցմէ |
| Գ. | Որով  | Որոնցով |

**242.** Յարաբերական դերանունին. եղակին շատ անգամ յօքնակիտ տեղ ալ կրնայ գործածուիլ ուղղական և հայցական հոլովներու մէջ, երբ յարաբերական կից ըլլայ, ինչպէս. Անոնք որ խօսիլ չեն գիտեր, պիտի չտեսնեն. վարդերը զոր այնքան կը խնամեիք. քոռակցան. փոխանակ բռնու. Անոնք որոնք խօսիլ չեն գիտեր, վարդերը զորս այնքան կը խնամեիք, և այլն:

ԽԳ. ԸՆԹԵՐՑՈՒՄԸ.— ԵՂՐԵՒԱՆԻ ԿԱՄ ԼԵԼԱԿ

Պարսկաստանէն եկած տունկ մըն է լելակը, եւ մշակութեամբ ու պատուաստով այնքան ճոխացած ու նրբացած է, որ բազմաթիւ տեսակներ արտադրած է: Անոր նուրբ օգային գոյնը որ բաց կապոյտի և մանիշակի խառնուրդ մըն է, և տեսակին համեմատ կը փոխուի, զգլխիչ բուրուժը որ ամբողջ պարածդ մը կը խընկաւետէ, շատ լաւ կը բացատրեն այն նշանակութիւնը զոր տուած են իրեն Նւրոպացիք, խորհրդանշան անուանելով զայն յուզման և ակարութեան: Լիննէ երեւելի բնագէտը սիրահեղա անուանած է զանիկա, ինչ որ լատիներէն սրինգ կը նշանակէ, և կ'ուզէ ցոյց տալ թէ անոր ճիւղերովը սրինգ կը շինեն: Տաճկաստանի մէջ ալ ծխափողեր կը շինեն անկէ:

Հ Ր Ա Հ Ա Ն Գ Ն Ե Ր

- 214. Օրինակել այս հատուածը, եւ սկզբնատուերով նշանակել անձնական եւ յարաբերական դերանունները:
- 215. Նշանակել հետեւեալ խօսքերուն մէջ շեղագիր գրուած դերանուններուն տեսակները:

Ոչինչ կրնայ զիմի՞ն սփոփել — Շատ աշխատեցանք որ յաջողի ան — Ասոնք ըսողը եւ չեմ, ուրիշ մըն է — Ի՞նչ բան կ'արգելէ զքեզ ճշմարիտը խօսելէ — Այսչափը բաւական է այսօրուան համար — Ամեն մեկուն իրեն յարմար նուէր մը տրուեցաւ — Ո՞վ որ կ'ուզէ տգէտ մնալ, թո՞ղ չաշխատի — Շատք կ'աշխատին, բայց ի՞նչ կը յաջողին — Ո՞վ կրնայ զիմի՞ն համոզել — Ո՞չ ո՞վ կը համարձակի դիտողութիւն ընել:

ԽԳ. ԳՍԱ. — ԱՆՈՐՈՇ ԴԵՐԱՆՈՒՆ

213. Անորոշ դերանուններ. — Անորոշ դերանունները տարտամ և անորոշ անձեր և իրեր կը ներկայացընեն:

214. Անորոշ դերանուններուն մեծ մասը անորոշ ածականներէն կը կազմուին, յօդ մը աւելցնելով անոնց վրայ, և հետեւեալներն են.

Ասկեր, ասկեր, բոյոր — մեկը, ասկե ոք, ասկե մարդ, մարդ, ուսնիք, շատք, ինչք — մեկը եւ միւսը, ասկե մեկը, իւրաքանչիւրը, իւրաքանչիւր ոք, անձնիւրք, ոչ ոք, ոչ մեկը, ոչինչ — ուրիշը, միւսը, ուրիշ մը — նոյնը, միեւնոյնը, նոյնիմեք — բան մը, ասկե բան, այսինչը, այնինչը — այսչափը, այդչափը, այնչափը, այսքանը, այդքանը, այնքանը — այսպիսին, այդպիսին, այնպիսին, ասանկը, ասանկը, անանկը — ինչ որ, ով որ — ո՞վ, ի՞նչ, ի՞նչ բան, քանի՞, ո՞ր չափը, ո՞րքանը, ո՞րք, ի՞նչը, ո՞րպիսին — մեկ քանիք, քանիք, ևայլն:

215. Անորոշ դերանուններուն ամենամեծ մասը կը հղովուին գոյականներուն հղովման ընդհանուր օրէնքին համաձայն, և մեծ մասը յօքնակի ալ ունին, ինչպէս. ասանկը. ասանկին, ասանկի, ասանկով, ասանկները, ասանկներուն, ասանկներէն ասանկներով:

216. Բացառիկ են հետեւեալ հղովումները.

|         |           |          |          |
|---------|-----------|----------|----------|
| Ո . Հ . | Ամէնը     | Ոմանք    | Որո՞նք   |
| Ս . Տ . | Ամէնուն   | Ոմանց    | Որո՞նց   |
| Բ .     | Ամէնէն    | Ոմանցմէ  | Որոնցմէ՞ |
| Գ .     | Ամէնով    | Ոմանցմով | Որոնցմով |
| Ո . Հ . | Ո՞վ, Զո՞վ | Ո՞րը     | Մէկը     |
| Ս . Տ . | Որո՞ւ     | Որո՞ւն   | Մէկուն   |
| Բ .     | Որմէ՞     | Որմէ՞    | Մէկէն    |
| Գ .     | Որո՞ով    | Որո՞ով   | Մէկով    |

ԽԳ. ԸՆԹԵՐՅՈՒԱԾ. — ԿԱՐՄԱԼԱՆՁԸ

Կարմրալանջը շատ կատաղի և միանգամայն շատ ընտանի կենդանի մըն է: Իրեն վնաս հասցնողին հետ շատ կատաղի է, և շատ ընտանի՝ անոր հետ որ չար դիտաւորութիւն չունի: Եթէ փորձես զայն բռնել, կը փախչի կտուցի հարուած մը տայով քեզի. իսկ եթէ չդպչիս իրեն, գլխուդ բոլորտիքը կը պտուտկի: Սոխակը և ծիծեռնակը կը մեկնին, ան կը կենայ, տանիքի թռչուններուն պէս, իր փոքրիկ տոտիկներովը կէտկիտելով գետնի աւազը, կոռելով շատակեր հաւերուն հետ, տակն ու վրայ բնելով ախոսին յարդը և նիրհելով մսուրին մէջ: Եթէ ձմեռը շատ ցուրտ ըլլայ, տուներէն ներս կը մտնէ, կարասիներուն վրայ կը թառի, և գլուխը ծռելով կը դիտէ ինքզինքը հայլինքուն մէջ: Սրուակի մը բերանը թառած կը քնանայ, մերթ ընդ մերթ փոքրիկ հծծիւնով մը պատասխանելով վառարանին ճարճատման որմէ հաճոյք կ'ըզայ:

Հ Ր Ա Ղ Ա Ն Գ Ն Ե Ր

216. Օրինակել այս հատուածը. եւ ստորագծել բոլոր դերանունները:

217. Օրինակել եւ բերանացի սորվիլ այս հատուածին հետեւեալ դերանուններուն լուծումը.

|          |  |
|----------|--|
| Որ       | Յր. դր. եզ. ուղ. ենթ. յունի բային:           |
| Զայն     | Անձ. դր. եզ. չյց. սեռի խնդիր թունել բային.   |
| Քեզի     | Անձ. դր. եզ. տրկ. բնութ. խնդիր ծարլի բային.  |
| Ան       | Անձ. դր. եզ. ուղ. ենթ. կը կենայ բային:       |
| Ինքզինքը | Անձ. դր. եզ. հայց. սեռի խնդիր կը դիտէ բային. |

218. Սկզբնատաւերով ցոյց տալ հետեւեալ խօսքերուն մէջի դերանուններուն տեսակները.

Մի՛ ընէր ուրիշն, ինչ որ չես ուզեր որ քեզի ընեն—Մարդ դիւրաւ կը հաւատայ իր փափաքած բաներուն: — Պէտք չէ կերպարանքէն դատել մէկը: — Ինքզինքդ մի՛ գովեր: — Դուն քեզ օգնէ՛, Աստուած ալ պիտի օգնէ քեզի:—Բան մը գաղանի մի՛ պահեր քու մօրմէդ: — Արհամարհէ՛ բոլոր վատ մարդիկը: — Ով որ կը խաբէ, ինք ալ պիտի խաբուի: — Ոմանց համար, կամենալը կարենալ է: — Ներողամիտ եղի՛ր ուրիշներուն: — Ով որ կը շողորթէ, կը խաբէ զքեզ:

219. Մէյմէկ խօսք շինել հետեւեալ բաւերով.

Աղկեր, առդէկ, մրջիւն, թիթեռ, հրէնկ, կարմրախայտ, բզէզ, իշամեղու, ճայ, փոփոռկ, շերտփաքի:

Օրինակ — Աղկերը լուղաթեւեր ունի, որովհետեւ ճուկ է: Շերտփաքին վեց ոտք ունի, որովհետեւ միջատ է:

220. Նշանակել ձեր շինած խօսքերուն մէջ անունները, յօդերը, ածականները, դերանունները եւ քայերը սկզբնատաւերով:

ԽԳ. ԴԱՍ. — ԴԵՐԱՆՈՒՆՆԵՐՈՒ ԼՈՒԾՈՒՄԸ

243. Դերանունները լուծելու համար պէտք է ցոյց տալ անոնց տեսակը, թիւը, հոլովը, դէմքը, եւ նախադասութեան մէջ ինչ պաշտօն կատարելը, ինչպէս.

Եւ խօսեցայ { Անձնական դերանուն եղակի ուղղական հնթակայ՝ խօսեցայ բային: Այս լուծումը հետեւեալ ձեւով պէտք է կրճատել. Անձ. դր. եզ. ուղ. ենթ. խօսեցային:

ԽԵՆ. ԸՆԹԵՐՑՈՒԱԾ. — ԱՂԲԻՐՆ ՈՒ ՇՈՎԸ

Անհուն ծովուն մէջ շիթ առ շիթ  
 Կը կաթէր ջուր մ'ականակիտ,  
 Երբ շառաչեց ծովն ալեսաստ  
 Ահեղագոչ. «Ի՞նչ կ'ընես աստ.  
 Ես ամպրոպն եմ, շանթն ու մըրրիկ.  
 Անսահման եմ, ինչպէս երկինք.  
 Պէտք ունիմ քեզ, խնդճ աղբերակ,  
 Մինչ փոքր ես դուն, ես՝ անյատակ»  
 Եւ աղբիւրն ալ ըսաւ ծովուն.  
 «Ես անշուք եմ, դուն ամեհի՛  
 Բայց կը բերեմ քեզ, ծով անհուն,  
 Կաթիլ մը ջուր որ կը խըմուի»

Հ Ր Ա Շ Ա Ն Գ Ն Ե Ր

221. Օրինակել այս ոտանաւորը եւ ստորագծել դիմաւոր բայերը:
222. Սորվիլ հետեւեալ բառերը.  
 Անհուն, շիթ առ շիթ, ականակիտ, շառաչել, ալեսաստ, ահեղագոչ, ամպրոպ, շանթ, անյատակ, ամեհի:
223. Արձակի վերածել այս ոտանաւորը:
224. Գտնել այս ոտանաւորին մէջ գտնուած անունները, յօդերը, ածականները. դերանունները:

225. Մէյմէկ յարմար դերանուն դնել հետեւեալ կէտերուն տեղ.  
 . . . չի կրնար երկու տէրոջ ծառայել—Դուն . . . այնքան բարի ես, ինչո՞ւ չես ուզեր օգնել այդ խեղճին— . . . կը գողեն զքեզ— շեռացէք այն հաճոյքէն . . . անպատուութիւնը կրնայ եղծել— Լսէ թէ . . . հետ կը տեսնուիս, ըսեմ . . . թէ . . . ես— Չկայ տխմար մը որ . . . աւելի տխմար մը չգտնէ:

226. Մէյմէկ խօսք շինել հետեւեալ դերանուն ներով.  
 Դուք, ոչինչ, միւսը, անոր, զքեզ, ինձի, որոնք, որմէ, զիս, ամէնքը, որո՞ւն, քեզի, իրենց, ամէն օր, այսչափը, զինքը, զերօր:

227. Լուծել հետեւեալ խօսքերը.  
 Կը ճանչնամ սա բարձրահասակ կինը— Ես մէկը չեմ անհոն— Ես որ բարեկամ էի իրեն, կը դատապարտեմ զինքը— Ճմառիտ բարեկամներու կը վայլէ անկեղծ ըլլալ— Բոլոր աղաքը իմ սիրելիներս են— Ձեր քոյրերը դպրոցէն վերադարձան— Այս թըռչունը կ'երգէ, ան չ'երգեր— Ասոնք մեզմէ կը փախչին— Իրենցմէ մէկը չեմ ճանչնար— Ով որ կ'ըսէ, կը լսէ— Այն աղջիկը, որուն ձայնը լսեցիր, մեկնեցաւ:

Բ Ա Յ

ԽԵՆ. ԴԱՍ — ՆԱԽԱԴԱՍՈՒՅԻՒՆ

248. Նախադասութիւն.— Նախադասութիւնը դատում մըն է, որով ընդհանրապէս առարկայի մը մէկ հանգամանքը կ'արտայայտենք, ինչպէս. տղան աշխատող է. հաւը երգիչ չէ. գրիչը կոտրած է:
249. Ամէն նախադասութիւն երեք մասէ կը բաղկանայ. ենթակայ, ստորոգելի և բայ:
250. Ամէն նախադասութեան մէջ պէտք է դիմաւոր բայ մը ըլլայ:



Ա. քեցաւ (Տե՛ս էջ 100)



Էլէն Քելլըր (Տե՛ս էջ 116)

ԽՁ. ԸՆԹԵՐՑՈՒՍ. ԳԵՏԱԶԻՆ

Գետաձին կենդանի մըն է, որ Նեղոս գետին և Ափրիկէի ուրիշ մեծ գետերուն մէջ միայն կը գտնուի: Շատ ամենի, ուժեղ և յաղթամարմին է: Կ'ապրի ջուրին մէջ, բայց երբեմն գետեղերքը կ'ելլէ սէզներ, ցորեններ, թարմ խոտեր և ծառի ճիւղեր ուտելու համար: Գետաձին տեսքը շատ տգեղ է ցամաքին վրայ, որովհետեւ զլուխը չափազանց կարճ է: Իր գոյնը թուխ է, ականջները՝ մանր և սուր, ակռաները ահաւոր են, և այնքան կարծր, որ պողպատին զարնուելով կրակ կը հանեն: Մորթը այնքան պինդ է որ մէջը ոչ սուր կը թափանցէ, ոչ սլաք:

Հ Ր Ա Չ Ա Ն Գ Ն Ե Ր

- 228. Օրինակել այս հատուածը, եւ գտնել բոլոր նախադասութիւնները:
- 229. Այս հատուածին մէջ գտնուած բոլոր պակաս նախադասութիւնները ամբողջացնել, բայ մը կամ եմբակայ մը աւելցընելով:
- 230. Բերանացի կրկնել այս հատուածը, յետոյ զրել զայն:
- 231. Մէյմէկ նախադասութիւն շինել հետեւեալ բառերով.  
Նեղոս, Ափրիկէ, ամենի, ուժեղ, սէզ, եզերք, ճիւղ, ցամաք, սրունք, թուխ, ականջ, սուր, ահաւոր, պողպատ, մորթ, կարծր, պինդ:
- 232. Մէյմէկ նախադասութիւն շինել հետեւեալ բառերով վարի օրինակին համեմատ.  
Ենթականեր.—Ասեղ, կարագ, տաղաւար, վարագոյր, պարտէզ:  
Ստորոգելներ.—Սուր, թարմ, խոշոր, նուրբ, շքեղ:  
Օրինակ.—Ասեղները (ենթակայ) սուր (ստորոգելի) են (բայ):

233. Լուծել հետեւեալ բառերը:

Այս դեղին կօշիկը. — Մեր տան պարտէզը. — Երկու հաւկիթ. — Բոլոր ձմեռը. — Առտուան զանգակը. — Ձեր գոնիւ և իմ. — Անոնց գլխարկը և քուկը:

|             |        |       |       |        |
|-------------|--------|-------|-------|--------|
| Օրինակ.—Այս | Յուս   | ած.   | կօշիկ | բառին: |
|             | դեղին  | Որակ. | ած.   | կօշիկ  |
|             | կօշիկը | Հաս.  | ան.   | եզ.    |
|             |        | ուղ.  | կամ   | հայց.  |
|             |        |       | ը     | որոշիչ |
|             |        |       | յօդ:  |        |

ԽՁ. ԳՍՍ. — ՆԱԽԱԴՄԱՍՈՒԹԻՒՆ (Շարունակութիւն)

251. Նախադասութեանց մէջ, ենթական ցոյց կու տայ անձ մը, անասուն մը կամ իր մը որուն հանգամանք մը կը վերագրենք, ինչպէս. տղան, հաւը, գրիչը: Ստորագրելին ցոյց կու տայ ենթակային մէկ հանգամանքը, ինչպէս. աշխատող, երգիչ, կոտրած: Բայը կը հաստատէ կամ կը ժխտէ ստորոգելիին ցոյց տուած հանգամանքին ենթակային պատշաճիլը, ինչպէս. ե կամ չե:

252. Ըլլալ բայը վիճակ մը կը ցուցնէ և եսկան բայ կը կոչուի:

253. Նախադասութիւնը կ'ըլլայ հաստատական, երբ բայը ենթակային վերագրուած հանգամանքը կը հաստատէ, ինչպէս. գրիչը կոտրած է:

254. Նախադասութիւնը կ'ըլլայ բացասական, երբ բայը ենթակային վերագրուած հանգամանքը կը ժխտէ, ինչպէս. սագը երգիչ չէ:

**ԽԷ. ԸՆԹԵՐՑՈՒԱԾ. — ԷԼԷՆ ՔԷԼԼԵՐ**

Էլէն Քէլլըր խուլ համր և կոյր աղջիկ մըն է, ծնած Ամերիկայի մէջ, այնտեղ դաստիարակուած է Տօքթոր Հօուի հաստատութեան մէջ, և ուսած է իր մայրենի լեզուէն դատ, լատիներէն, հին յունարէն, ֆրանսերէն և գերմաներէն: Իր սերելի զբաղումներէն մէկն է երկրաչափութիւնը: Ինքը պայծառ իմացականութեան տէր ըլլալով, կրցած է հետեւիլ համալսարանական դասընթացքներու և ստացած է փիլիսոփայութեան, գրագիտութեան և գիտութեան վկայականներ: Միս Քէլլըր հիմայ 36 տարեկան է, և հեղինակած է երկու ուշադրաւ հատորներ, իմ կեանքիս պատմութիւնը և Աշխարհը որուն մէջ կ'ապրիմ: Ինքը աշխատակիցն է ամերիկեան հանդէսներու, վերակացուն է Միացեալ-Նահանգներու խուլ-համր և կոյրերու հաստատութեանց որոնց մեծապէս օգտակար կ'ըլլայ իր անձնական փորձառութեամբ և հմտութեամբ:

**Հ Ր Ա Ն Ա Ն Գ Ն Ե Ր**

- 234. Օրինակել այս հանուածը, եւ ստորագծել ստորագիշները:
- 235. Մէյմէկ նախադասութիւն շինել հետեւեալ ստորագիշները վարի ենթականերուն յարմարցնելով.

*Ստորագիշներ. — ձերեակ, սե, կարմիր, գեղին, մանիշակագոյն, կապոյտ, կանանչ, գորշ, կաթնագոյն, վարդագոյն:*

*Ենթականեր. — Յարդ, խոտ, արիւն, մսիք, կուսածողիկ, կակաչ, ոսկի, աղ, կրակ, երկինք, մանիշակ, ագռաւ, աղաւնի, տերեւ, կաւիճ, մուկ, նարինջ, վարունգ, զմրուխտ, փերեղակ:*

- 236. Մէյմէկ նախադասութիւն շինել հետեւեալ ստորագիշներուն յարմար ենթականեր գտնելով եւ յորնակի ընելով զանոնք: *Հեղուկ, կազոյն, ծանր, թեթեւ, քաղցր, դառն, անթափանց, թթու, անհամ, դիւրաթեք, լուսաւոր, թափանցիկ, առաձիգ:*
- 237. Մէյմէկ նախադասութիւն շինել հետեւեալ ստորագիշներուն յարմար երկերկու ենթակայ գտնելով. *Խորամանկ, քաղցրաբարոյ, հաւատարիմ, ապուշ, երկչոտ, յամառ, հլու, ուշադիր, անողոք, քմահաճ, գաղտնապահ, խնամատ:*
- 238. Մէյմէկ նախադասութիւն շինել հետեւեալ յորնակի ստորագիշները զործածելով. *Բարերարներ, չարաբազեաներ, գիրքեր, ծաղիկներ, բանաստեղծներ, նուագարաններ, ծովեր, լեռներ, քաղաքներ, հերոսներ:*

**Օրինակ. —** Մասին ու Արագածը լեռներ են:

**ԽԷ. ԳՍՍ. — ՍՏՈՐՈԳԵԼԻ**

**255. Ստորագիշի. —** Ստորագիշին ընդհանրապէս ամական մը կամ ամականի իմաստով գործածուած գոյական մըն է, որ սովորաբար էական բային կ'ընկերանայ:

**256. Ստորագիշին միշտ ուղղական կ'ըլլայ այս պարագային մէջ:**

**257. Ստորագիշին անփոփոխ կերպով եզակի կը մնայ նոյն իսկ յօքնակի ենթականերու հետ, ինչպէս. տղայր աւիասող են. հաւերը երգիչ չեն. գրիչները. կոսրած են:**

**258. Միայն այն պարագային մէջ ստորագիշին յօքնակի կը դուրի, երբ իրմէ առաջ ամական մը կամ յատկացուցիչ մը կայ, ինչպէս. աստեղ 'խաչ մարդիկ են. դոյր մեր դրացիներն հփ. մեկ Մարիամին բոռներն ենի:**

ԽԸ. ԸՆԹԵՐՅՈՒՒՄ. — ՏՂՈՒ ՀԱՐՑՈՒՄ

— Հայրի՛կ, ո՞վ կ'անցնի ամէնէն արագ .  
 Հովե՞րը արդեօք, գե՞տը սրընթաց,  
 Արդեօք ասո՞ւպն որ կ'իյնայ վայրահակ  
 Առկայծ ակօսով բոցի պէս վառուած :  
 Արդեօք ամպե՞րը, ծուխն եթերային,  
 Եւ կամ օդապար ծիծե՞ռն ուղեւոր .  
 Բոցածաւալ փո՞ւնջն արդեօք հըրթիւին,  
 Երկինքին շանթը թէ փայլակն անոր :  
 Աւա՞զը խըլուած եղերքէն ծովուն,  
 Ճերմակ օճառին պրղպըջա՞կն ոսին,  
 Օդապարիկը, տերե՞ւն ազազուն,  
 Երա՞զը, արգեօք ոստա՞յնը սարդին :  
 — Իցի՛ւ թէ անգէտ մընաս միշտ, որդեհա՛կ,  
 Անուշ և տըխուր սա փորձառութեան,  
 Թէ ի՛նչ որ կ'անցնի ամէնէն արագ,  
 Մեր երջանկութեան օրելն են միայն :

Հ Ր Ա Հ Ա Ն Գ Ն Ե Ր

239. Օրինակել այս ոտանաւորը, արծակի վերածել, ամբողջացնելով նախադասութիւնները իրենց յարմար բայ մը ղնելով ամէն մէկուն քով.

**Օրինակ.** — Հովե՞րը արդեօք ամէնէն շուտ կը սահին, թէ գետերը ամէնէն շուտ կը հոսին :

240. Մէյմէկ նախադասութիւն շինել հետեւեալ ենթականերով.

Ասուպ, ազօս, ծուխն ու շոգին, ծիծեռ, հրթիռ, շանթ, պղպշակ, օդապարիկ, փորձառութիւն, ես և դուն, դուք և քուքերնիդ, մենք և անոնք :

ԽԸ. ԳԱՍ. — ԲԱՅ ԵՒ ԵՆԹԱԿԱՅ

**259.** Բայ. — Բայը բանձը ընել կամ ըլլալ կը ցուցնէ, այսինքն գործողութիւն մը կամ վիճակ մը, ինչպէս. ծեծել՝ ծեծի գործողութիւնը կը ցուցնէ, հիւանդանայ՝ հիւանդութեան վիճակը :

**260.** Էական բայէն զատ, միւս բոլոր բայերը իրենց մէջ կը միացնեն ասորոգելիին գաղափարը ըլլալու գաղափարին հետ, ինչպէս. ծեծել՝ կը նշանակէ ծեծող ըլլալ, հիւանդանայ՝ հիւանդ ըլլալ :

**261.** Ենթակայ. — Ենթակալ կը ներկայացնէ այն անձը, անասունը կամ իրը, որ գործողութիւնը կ'ընէ կամ բային արտայայտած վիճակը կը կրէ, ինչպէս. հայրս կը ծեծե. ես հիւանդացայ :

**262.** Ենթական ընդհանրապէս անուն մը կամ դերանուն մըն է, ինչպէս. հայրս, ես :

**263.** Ենթական միշտ ուղղական կ'ըլլայ և ընդհանրապէս բայէն առաջ կը դրուի :

**264.** Բայը թուով կամ դէմքով կը նամաձայնի ենթակային հետ, ինչպէս. ես հիւանդացայ, դուք հիւանդացաք :

**265.** Բայ մը որուն ենթակաները մէկէ աւելի եղակի անուններ են, յոքնակի Գ. դէմք կը դրուի, ինչպէս. Մարիամը, ֆոյրս, եւ իր զաւակը մեկնեցան :

**266.** Երբ բայը տարբեր դէմքով ենթականեր ունի, միշտ նախապահալ դէմքին հետ կը նամաձայնի և յոքնակի կը դրուի : Առաջին դէմքը երկրորդին նկատմամբ նախապատիւ է, և երկրորդը՝ երկրորդին, ինչպէս. ես եւ դուն մեկնեցանք. դուք եւ անոնք հոս պիտի մնաք. մեկնք եւ ֆոյրդ շտեղծիք :

**267.** Անուն ենթակաները միշտ Գ. դէմք կը նկատուին :

**ԽԹ. ԸՆԹՆՐՅՈՒՄ. — ԱՌԻԻԾԻ ՄԸ ՎԵՉԱՆՁՆՈՒԹԻՒՆԸ**

Գիւղի մը մէջ հանրային հանդէս մը կը կատարէին, երբ յանկարծ անտառին մէջէն առիւծ մը երեւան ելաւ: Ամենքը ձգեցին փախան: Այս ընդհանուր շփոթութեան մէջ, կին մը սարսափէն շմորած, երբ մանկիկը գրկած կը վազէր, թևերը, ծունկերը կ'ընկնէին, և տղան վար ինկաւ գրկէն: Վայրկեան մը ետքը առիւծին բերանն էր խեղճ երախան: Դժբախտ մայրը այս տեսարանէն սթափեցաւ, սիրտ առաւ, ողբերուեցաւ և առիւծին առջև ծունկի գալով. «Չաւակս, դաւակս տո՛ր» աղաղակեց պաղատազին: Առիւծը, անոր ձայնէն յուզուած, կանգ առաւ, կարծես հասկըցաւ մօր մը անհուն ցաւը. և մանկիկը կամաց մը գետինը զնկելով, անտառին մէջ աներևոյթ եղաւ:

**Շ Ր Ա Չ Ա Ն Գ Ն Ե Ր**

- 241. Օրինակել այս հատուածը, ստորագրել եմբակաները, խաչանիշ դնել սեռի խնդրներուն վրայ:
- 242. Բերանացի պատմել այս հատուածը, յետոյ գրել զայն:
- 243. Հետեւեալ նախադասութեանց բայերը հակառակ թափ վերածել, եւ մէջերնին գտնուած ասորոցիկները դնելով նոր նախադասութիւններ շինել:
 

Ամանը ջուրով լեցուեցաւ: Այս աղջիկները կը արտմին: Շունները կը հաջնն: Ծառերը պտուղ կուտան: Այս մարդը կը նուագէ: Շոգին կը ցնդի: Թանաքը կ'աղտոտէ: Ժամացոյցը կը հնչէ: Կառքը կը թաւափի: Աղբիւրը կը հոսի:

**Օրինակ.**—Ամանը ջուրով լեցուն է: Այս աղջիկները արտաւորում են:

244. Մէյմէկ սեռի խնդիր դնել հետեւեալ խօսքերուն մէջ.

Վառարանի խողովակներ պիտի շինեմ, բայց . . . չունեմ: Գողպածէ գեղեցիկ զմեծի մը ունէի . . . կորսնցուցի: Չուլածոյ երկաթէ . . . կը շինեն: Չինկով պատեցինք մեր . . . որպէս զի անձրեւը ներս չթափանցէ: Չոյց մը արոյրէ . . . նուերեցի իրեն: Չմեռուան համար աւելի կ'ընտրեմ թաղիէ՝ քան թաւիշէ . . . մը, իսկ ամառուան համար յարդէ . . . կը սիրեմ: Այնքան հաւնեցայ այս մատնիին որ գնել ուզեցի . . . :

245. Լուծել հետեւեալ խօսքերը.

Յից է այն ճամբան որուն դառիվերը զգալի է: Զրայիև կենդանիները ջուրը կը սիրեն: Ապարդիւն է գործ մը որտէ օգուտ մը չենք քաղեր: Անպատշաճ է այն խօսքը որ հակառակ է քաղաքավարութեան:

**ԽԹ. ԳՍՍ. — ԲԱՅԻՆ ԽՆԴԻՐԸ**

**268.** Խնդիր. — Բայի մը խնդիրը անոր արտայայտած իմաստը կը լրացնէ, և այդ պատճառաւ շրայուցիչ ալ կ'ըսուի:

**269.** Երկու տեսակ խնդիր կայ. սեռի խնդիր և բնութեան խնդիր:

**270.** Սեռի խնդիր. — Սեռի խնդիրը ցոյց կու տայ այն առարկան, որուն վրայ ենթական գործողութիւն մը կը կատարէ, ինչպէս. հայրս ծեծեց իր ծառան. ես կոսրեցի գրիչը. դուն ազատեցիր զայն:

**271.** Սեռի խնդիրը ընդհանրապէս անուն մը կամ դերանուն մըն է, և հայցական հոլով կ'ըլլայ:

**272.** Սեռի խնդիրը կը գտնուի զո՞վ կամ ի՞նչ բանը հարցումով, ինչպէս. զո՞վ ծեծեց. — ծառան. ի՞նչ բանը կոսրեցիր. — գրիչը:

**273.** Սեռի խնդիրը ներգործական բայերուն հետ միայն կը դրուի:

Ծ. ԸՆԹԵՐՅՈՒԱԾ. — ԱՐԾԻԸ

Արծիւը թռչուններուն իշխանը նկատուած է: Ժայռերուն ծայրերը կը բնակի, ամայի աշտարակներու, մենաւոր փլատակներու վրայ: Իր բոյնը տափակ ձեւ մը ունի, ընդելուզեալ ճիւղերէ կազմուած, և կնիւններով ու ցախերով ծածկուած է: Կ'ըսեն թէ բոլոր կեանքին մէջ, միեւնոյն բոյնին վրայ կը թխտէ ան: Այնքան ուժեղ է, որ ոչխարներ, այծեր կը յափշտակէ կը տանի: Արծիւը կրնայ երկար ատեն անօթի կենալ. մինչեւ երեք շաբաթ կը դիմանայ: Եթէ պղտիկուց բռնուի, կրնայ թռչնարանի մը մէջ պահուիլ, բայց չի փոխեր իր վայրենի բնաւորութիւնը, և եթէ քիչ մը զայրանայ, կատաղութեամբ նոյն իսկ իր տէրօջը վրայ կը յարձակի ու իր մագիլներովը կ'սպաննէ զայն:

Հ Ր Ա Ն Ա Ն Գ Ն Ե Ր

- 246. Օրինակել այս հատուածը, ցոյց տալ սեռի խնդիրները եւ բնութեան խնդիրները սկզբնատառերով:
- 247. Մէլմէկ խօսք շինել հայցական սեռի խնդիր ընելով հետեւեալ բառերը.  
Ծառ, Դաշտ, անտառ. մատ, սեղան, աշխատութիւն:  
**Օրինակ.** — Գէորգ ծառ մը տնկեց մեր պարտէզին մէջ:
- 248. Միեւնոյն բառերը գործածել նախադասութեան մէջ իրրել Բացառական հոլով.  
**Օրինակ.** — Դաշտէն անցած ատէնս արդէն մութը կոխած էր:  
249. Միեւնոյն բառերը գործածել իրրել ստորոգելի.  
**Օրինակ.** — Ասեկա քրոջս աշխատութեան սեղանն է:  
250. Միեւնոյն բառերը գործածել իրրել յակացուցիչ.  
**Օրինակ.** — Անտառին տերեւները թափեցան:  
251. Միեւնոյն բառերը գործածել իրրել ենթակայ.  
**Օրինակ.** — Մասս արիւնեցաւ:  
252. Միեւնոյն բառերը գործածել իրր գործիական հոլով.  
**Օրինակ.** — Աշխատութեամբ կարելի է յաջողիլ ամէն գործի մէջ:

Ծ. ԳՍԱ. — ԲՆՈՒԹԵԱՆ ԽՆԴԻՐ

- 274. Բնութեան խնդիր. — Բնութեան խնդիրը բային արտայայտած իմաստը կը լրացնէ:
- 275. Բնութեան խնդիրը կ'ըլլայ հայցական, սրբական, բացառական, գործիական:
- 276. Բնութեան խնդիրը ամէն բայի հետ կրնայ դրուիլ:
- 277. Հայցական բնութեան խնդիրը կը պատասխանէ ո՛ր կամ ե՞րբ հարցման, ինչպէս. ես առտուն կու գամ. այսօր եկեղեցին պատարագ կայ. գիտարկը գլուխը դրաւ:
- 278. Տրական բնութեան խնդիրը կը պատասխանէ որո՞ւ, ե՞րբ, ի՞նչ բանի հարցումներուն, ինչպէս. Բեզի կը վստահիմ. Լոյն միջոցին զանգակը զարնուեցաւ. Բու խօսքիդ չեմ հաւսար:
- 279. Բացառական բնութեան խնդիրը կը պատասխանէ որմե՞, ո՛րեկե, ինչե՞ն հարցումներուն, ինչպէս. ես Բեզմե չեմ բաժնուիր. պատուհանէն վար ինկաւ. իր անխելութեանէն այդ վիճակին հասար:
- 280. Գործիական բնութեան խնդիրը կը պատասխանէ ինչո՞ւ կամ ի՞նչ բանով հարցումներուն, ինչպէս. այս կօտիկներով չեմ կրնար փայտ. այդ գրիչով չի գրուիր:

**ԾԱ. ԸՆԹԵՐՑՈՒԱԾ. — ՀԱՅՐԵՆԻ ՏՈՒՆ**

Թէ տան ինծի պայտաներ ճոխ ու մեծափառ,  
Ոսկի, արծաթ քանդակներով շինուած համակ,  
Կը նախընտրեմ ես իմ արնակա հէք ու խոնարհ  
Պատերն անղարդ ծեփուած միայն կիրով ձերմակ:  
Ո՛վ տուն, քաղցրիկ տո՛ւն,  
Չըկայ տեղ մը քեզ հանգոյն:

Ոչ կառք կ'ուզեմ, ոչ պարտէզներ իշխանական.  
Տուէ՛ք ինծի խեղճուկ արօտս իմ հայրենի.  
Իմ պուրակներս, հովանիներս իմ մանկութեան,  
Գեղջուկ կեանքիս խաղաղութիւնն իմ սիրելի:  
Ո՛վ տուն, քաղցրիկ տո՛ւն,  
Չըկայ տեղ մը քեզ հանգոյն:

**Հ Ր Ա Շ Ա Ն Գ Ն Ե Ր**

- 253. Արծակի վերածել այս ոտանուորը, յորճակիի դարձնելով եկրակները, բայերը, խնդիրները:
- 254. Որոշել հետեւեալ խօսքերուն մէջ ներկայ, անցեալ եւ ապառ- թի ժամանակները:

Մուլութիւնը մարդուս միտքը կ'սպառէ, աշխատութիւնը մարմինը, Սաախօսութիւնը ամենէն զգուելի մ.լութիւն է: Մարդուս ամենէն գլխաւոր թշնամին իր կիրքերն են: Մարդ աւելի էր բարեկամէն կը վախճայ քան թշնամիէն: Եթէ կ'ուզես հրամայել, նախ հնազանդել պետի սորվիս: Գրիտոս չարչարուեցաւ, խաչուեցաւ և մեռաւ խաչին վրայ: Պետրոս Դուրեան և Միսաք Միծարենց բանաստեղծները շատ երիտասարդ մեռան: Նիբլանդատէ նշա- նաւոր թատերագիր մըն է: Գրիգոր Արծրունի ուռսասայ շշանա-ւոր հրապարակագիր մըն էր:

255. Գտնել հինգ վերացական անուն, հինգ նիւթական անուն եւ հինգ յասուկ անուն, եւ մէյմէկ խօսք շինել անոնցմով ներկայ, անցեալ եւ ապառթի բայեր զործածելով:

**Օրինակ.** — Վրէժխնդրութիւնը անուշ է, բայց հեռեւան- քը դառն: Պետրոս երէկ ձեզի պետի գար: Մեր քովի տունը բռնկեցաւ:

**ԾԱ. ԴԱՍ.— ԲԱՅԻՆ ՓՈՓՈԽՈՒԹԻՒՆՆԵՐԸ**

**281.** Բային փոփոխութիւնները. — Բայը չորս տեսակ փոփոխութիւն ունի. թիւ, դիմք, ժամանակ եւ եղանակ:

**282.** Թիւ.— Բայը կրնայ բլլալ եզակի կամ յոք- նակի, ինչպէս. կը խօսիմ, կը խօսինք:

**283.** Դիմք.— Բայն ալ դերանունին պէս երեք դէմք ունի, Ա. Բ. Գ. ինչպէս. կը խօսիմ, կը խօսիս, կը խօսի:

**284.** Ժամանակ.— Բային ժամանակը գործողութեան կրք կատարուիլը կը ցուցնէ:

**285.** Ժամանակը երեք է. ներկայ, անցեալ եւ ապառնի:

**286.** Ներկայ.— Ներկան կը ցուցնէ այն ժամա- նակը, ուր գործողութիւնը կը կատարուի, ինչպէս. կը խօսիմ, կը կարեմ:

**287.** Անցեալ.— Անցեալը կատարուած, անցած գործ մը կը յայտնէ, ինչպէս. խօսեցայ, կը կարեի:

**288.** Ապառնի.— Ապառնին կատարուելիք գործ մը կը ցուցնէ, ինչպէս. պիտի խօսիմ, պիտի կարեմ:

**289.** Ներկան մէկ ձեւ միայն ունի. կը կարեմ:

**290.** Անցեալը երկու ձեւ ունի. 1. անցեալ ան- կատար, կը կարեի. 2. անցեալ կատարեալ, խօսեցայ:

**291.** Ապառնին երկու ձեւ ունի. 1. բացարձակ ապառնի, պիտի խօսիմ. 2. անկատար ապառնի, պիտի կարեի:

**ԾԲ. ԸՆԹԵՐՑՈՒԱԾ.— ԾԱՐԱՅ ԵՒ ՇԻՐԱԿ**

Շարակ Հայաստանի հին գաւառներէն մէկն էր եւ նշանաւոր դարձած՝ իր արգաւանդ արտերով ու բարեբեր այգիներով: Խորենացի, ծանօթ պատմիչը կ'ըսէ թէ Շիրակ անունը պէտք է ծագած ըլլայ Շարայէն որ Հայ նահապետի մը զաւակն է: Շարայ այնքան շատակէր էր որ իր այս մոլութիւնը առակի կարգ անցաւ: Իր երկրին բերքերուն առատութիւնը թերեւս պատճառ եղած ըլլայ իր որկրամոլութեան: Տարիներ ետքը, Խորենացին կը յայտնէ թէ իրեն ժամանակակից գիւղացիք երբ շատակեր մարդու մը հանդիպէին, կ'ըսէին: «Թէ քոյ Շարայի որկորն է, մեր Շիրակայ ամբարքն չեն»:»

**Հ Ր Ա Շ Ա Ն Գ Ն Ե Ր**

256. Օրինակել այս հատուածը, ստորագծել այն բայերը որոնք ստոյգ բան մը կը յայտնեն, խաչանիշ դնել անոնց ներքեւ որոնք պայմանաւոր կամ տարկուսական իմաստ մը ցոյց կուտան:

257. Գրել հետեւեալ բայերուն ներքեւ իրենց եղանակները.

Ջանացէ՛ք բարիք ընել մտէն անգամ որ առիթը պատահի: Ի՞նչ պիտի ընէինք մեր դժբախտութեան մէջ, եթէ հաւատք չունենայինք: Աւելի քաղցր է բարիք ընելը քան թէ ընդունիլը:

258. Մէյմէկ խօսք շինել հետեւեալ սահմանականներէն մէկը գործածելով.

կը հարցնէի, ջանացի, կ'աշխատիմ, գրեցի, կը յուսայի:

259. Մէյմէկ խօսք շինել հետեւեալ հրամայականները գործածելով.

Գացէ՛ք, սորվէ՛, հաւատա՛նք, գրեցէ՛ք, մի՛ վստահիք:

260. Մէյմէկ խօսք շինել հետեւեալ ապառնիները գործածելով.

Պիտի գրէի, պիտի երգէ, պիտի ըսէք, պիտի կարեմ:

261. Մէյմէկ խօսք շինել հետեւեալ անորոշ եղանակները գործածելով

Գրելու, գացած, տեսեր, մոռնալու, երթալ, գտած, խօսելիք:

**ԾԲ. ԴԱՍ.— ԲԱՅԵՐՈՒՆ ԵՂԱՆԱԿՆԵՐԸ**

**292.** Սղանակ. — Բային եղանակը գործողութեան կերպը կը ցուցնէ:

**293.** Եղանակը չորս է. Սահմանական, Հրամայական, Ստորադասական եւ Անորոշ:

**294.** Սահմանական. — Սահմանականը գործողութիւնը որոշ և իրական կերպով կը ներկայացնէ, ինչպէս. կը խօսիմ, կը գործեմ:

**295.** Հրամայական. — Հրամայականը գործողութիւնը կը հրամայէ, ինչպէս. խօսի՛, խորհի՛:

**296.** Ստորադասական. — Ստորադասականը գործողութիւնը կասկածով ու թէական կերպով կը ցուցնէ, շատ անգամ ուրիշ բայէ մը կախում յայտնելով, ինչպէս. կ'ուզե՞մ որ խօսիմ, երբ խորհիք:

**297.** Անորոշ. — Անորոշը գործողութիւնը ընդհանուր կերպով կը ներկայացնէ, ինչպէս. խօսիչ, խորհած:

**ԾԳ. ԸՆԹԵՐՑՈՒՄ.Վ.— ՇՐՄՈՒԽԸ**

Հրարուիսը անազին թնդանօթ մըն է, որուն ճեղքուածքին մէկ ծայրէն միւսը շատ անգամ փարսախ մը կը տեսէ: Այդ լերան բերնէն կը ժայթքին ծուխի եւ բոցի հեղեղներ, կուպրի, հալած մետաղի, եւ անոնք ջուրի, մոխրի չեչաքարի ամպեր: Երբեմն քանի մը փարսախ հեռուն կը նետէ անազին ժայռի կտորուանք, ծըծրմբական ցիւխեր, սարսափելի պայթումներով: Այդ քարերը օդին մէջ կը փչրուին և ամէն կողմ կը ցրուին աւերում և մահ պատճառելով: Եւրոպայի մէջ երեք նշանաւոր հրարուխ կայ. Ետնա լեռը՝ Սիկիլիոյ մէջ, Հէքլա լեռը՝ Իսլանտայի մէջ և Վեսուվ լեռը՝ Նարոլիի մօտ, որուն հրարուխին պայթումէն կործանած են Հերկիւլանում և Պօմպէի Հռոմէական նշանաւոր քաղաքները:

**Շ Ր Ա Շ Ա Ն Գ Ն Ե Ր**

- 262. Օրինակել այս հատուածը, եւ ստորագծել բայերը:
  - 263. Զատել հետեւեալ բայերուն արմատները վերջաւորութիւններէն.  
Տեւել, ժայթքել, նետել, փշրուիլ, ցրուիլ, պատճառել:
  - 264. Մէյմէկ բայ շինել հետեւեալ արմատներուն ծայրը ել, իլ, աշ վերջաւորութիւնները ղնելով.  
Երգ, ծաղր. պար, ծիծաղ, անձրեւ, ներկ, յոյս, սէր, աէր, բեր, եռ, տաք, դէր, խօսք, գիծ:
  - 265. Մէյմէկ բայ գտնել հետեւեալ անուններուն համապատասխանող.  
Բրէջ, պատասխան, յուզմունք, արտմութիւն, վաճառք, ընթրիք, խաւար, յապաղում, կարգ, ծաղկ, ցօղ, կոչում:
- Օրինակ.**— Բրիլ, բոն:

266. Գտնել հետեւեալ բայերուն համապատասխանող անուններ.  
Բարթել, թռչիլ, սուլել, ճշել, խոյանալ, պարծիլ, տքնիլ, քրտնիլ, հեւալ, նաւարկել, սողալ, թրթռալ:

**Օրինակ.**— Բարդել, բարդութիւն:

267. Մէյմէկ խօսք շինել հետեւեալ բայերով.  
Տեւել, արդարանալ, ներել, հեանալ, դիմանալ, դատել, ժպտիլ, շինել, փլուիլ, խզուիլ, դադրել:

**Օրինակ.**— Երջանկութիւնը երկար չի տես:

268.— Գտնել հետեւեալ ածականներուն համապատասխանող բայեր.  
Զարդարուն ուսեալ, կասկածոտ, նկարէջ, յաղթական, բարձրաբերձ, խորունկ, ծածուկ փափուկ, թրթռուն:

**Օրինակ.**— Զարդարուն, զարդարել:

**ԾԳ. ԴԱՍ. — ԲԱՅԵՐՈՒՆ ԿԱԶՄՈՒԹԻՒՆԸ**

**298.** Բայերուն կազմութիւնը. — Էականէն զատ ամէն բայ երկու մասէ կը բաղկանայ. արմատ և վերջաւորութիւն:

**299.** Արմատ. — Արմատը բային առաջին մասն է որ չի փոխուիր, և բային գլխաւոր իմաստը կը յայտնէ, ինչպէս. խօսիլ, արմատն է խօս. կարել, արմատն է կար. խաղալ, արմատն է խալ:

**300.** Վերջաւորութիւն. — Վերջաւորութիւնը բային երկրորդ մասն է որ կը փոխուի եղանակին ու ժամանակին, թիւին ու դէմքին համեմատ, ինչպէս. խօսեցայ, խօս իմ, խօս-իք, կար-եցիմք, կար-եք:

**301.** Խոնարհում. — Բայի մը բոլոր ժամանակներն ու եղանակները իրենց թիւերովն ու դէմքերովը բերանացի ըսել կամ գրելուն խոնարհում կ'ըսուի:

Է Ա Վ Ա Ն Բ Ա Յ

*to be = ԵՆԱԼ*

Սահմանական եղանակ  
Ներկայ

|                        |      |                      |         |
|------------------------|------|----------------------|---------|
| <i>Indic pres.</i> Չեւ |      | <i>become</i> Բ. Չեւ |         |
| եգ.                    | Յոք. | եգ.                  | Յոք.    |
| եմ                     | եմք  | Կ'ըլամ               | Կ'ըլանք |
| ես                     | եք   | Կ'ըլաս               | Կ'ըլաք  |
| է                      | են   | Կ'ըլայ               | Կ'ըլան  |

|                  |      |                |           |
|------------------|------|----------------|-----------|
| <i>Imperfect</i> |      | Անցեալ անկասար |           |
| եի               | եինք | Կ'ըլայի        | Կ'ըլայինք |
| եիր              | եիք  | Կ'ըլայիր       | Կ'ըլայիք  |
| եր               | երն  | Կ'ըլար         | Կ'ըլային  |

|                  |      |                 |      |
|------------------|------|-----------------|------|
| <i>Preterite</i> |      | Անցեալ կասարեալ |      |
| եգ.              | Յոք. | եգ.             | Յոք. |
| եղայ             |      | եղանք           |      |
| եղար             |      | եղաք            |      |
| եղաւ             |      | եղան            |      |

|               |  |                 |  |
|---------------|--|-----------------|--|
| <i>Future</i> |  | Բացարձակ ապառնի |  |
| Պիտի ըլամ     |  | Պիտի ըլանք      |  |
| Պիտի ըլաս     |  | Պիտի ըլաք       |  |
| Պիտի ըլայ     |  | Պիտի ըլան       |  |

|                     |  |                |  |
|---------------------|--|----------------|--|
| <i>Sub. Condit.</i> |  | Անկասար ապառնի |  |
| Պիտի ըլայի          |  | Պիտի ըլլայինք  |  |
| Պիտի ըլլայիր        |  | Պիտի ըլլայիք   |  |
| Պիտի ըլար           |  | Պիտի ըլլային   |  |

Հրամայական եղանակ

|         |         |
|---------|---------|
| եգ.     | Յոք.    |
| Ելլա՛նք | Ելլա՛նք |
| Եղէ՛ք   | Եղէ՛ք   |

Ստորադասական եղանակ  
Ներկայ

|         |          |
|---------|----------|
| Ըլլամ   | Ըլլանք   |
| Ըլլաս   | Ըլլաք    |
| Ըլլայ   | Ըլլան    |
| Անկասար |          |
| Ըլլայի  | Ըլլայինք |
| Ըլլայիր | Ըլլայիք  |
| Ըլլար   | Ըլլային  |

Անորոշ եղանակ

|                       |  |
|-----------------------|--|
| Աներեւոյթ             |  |
| Ըլլալ                 |  |
| Ներկայ ընդունելութիւն |  |
| Եղող                  |  |
| Անցեալ ընդունելութիւն |  |
| Եղած, եղեր            |  |
| Ապառնի ընդունելութիւն |  |
| Ըլլալու, ըլլալիք      |  |

Ծանօթութիւն.— Էական բայը սահմանական անկայի եւ անկասարի համար երկու ձեւ ունի. եմ եւ կ'ըլլայի որոնք իմաստով ալ զիջ լը կը ապրբերին իրարմէ:

**ԾԳ. ԸՆԹԵՐՑՈՒԱԾ. — ԵԿՔԱՆԻԿ**

Թռչուն մ'է եկեր պատուհանիս քով,  
 Եկքանիկիս հետ կը խօսի, կ'երգէ հազար գրգանքով:  
 Երբ կը մօտենամ, ձայնէս անարեկ՝  
 Կը թըռի, կ'երթայ իր վանդակին մէջ թողլով թռչունս հէք,  
 Որ կը հետեւի անոր սրլացքին  
 Ցաւոտ ճիչերով, խարուած իղձերով, արցունքը աչքին,  
 Մինչև ամպերուն աշխարհքը հեռուն:  
 Յանկարծ կը յուզուի, և կը յարձակի երկաթ ձողերուն,  
 Հոս հոն նետուելով ճիգով անհամար,  
 Եւ ոգորելով իր վանդակին մէջ տենդով մը յիմար:  
 Ո՛հ, իր ցաւերուն հաղորդ է հոգիս,  
 Արդե՛օք, կը խորհիմ, ըանա՛մ իր առջև դուռը վանդակիս  
 Որ երթայ թըռչի լոյսին մէջ ազատ,  
 Որ երգէ ապրի լայն երկինքին մէջ իր կեանքն հարազատ:  
 Սակայն կը պահեմ. զո՛հել չեմ ուզեր  
 Իր երջանկութեան, զինքը տեսնելու հաճոյքս անձնասէր:

**Հ Ր Ա Շ Ա Ն Գ Ն Ե Ր**

- 269. Օրինակել այս ոտանաւորը եւ սկզբնատաւերով ցոյց տալ ներգործական, չեզոք, կրաւորական բայերը:
- 270. Գոց սորվիլ եւ արտասանել այս ոտանաւորը:
- 271. Ձատել այս հատուածին սեռի խնդիրները, եւ մէյմէկ խօսք շինել անոնցմով.
- 272. Արծակի վերածել այս ոտանաւորը:
- 273. Ձատել այս հատուածին մէջէն բնութեան խնդիրները, եւ որոշել անոնց հոլովները.

**Օրինակ.**— Ոսնածայմիս, բցուկ. հլվ. բնութ. խնդիր:

- 274. Մէյմէկ ներգործական բայ դնել կէտերուն տեղ.  
 Զկնորսը իր ուռկանը . . . : Զուկը խայծը . . . : Սարդը եթ  
 ստասյնը . . . պատերուն տնկիւնը: Կառապանները կառքը . . . :

**ԾԳ. ԴԱՍ. — ԲԱՅԵՐՈՒՆ ՏԵՍԱԿՆԵՐԸ**

**302.** Էական բայէն զատ, չորս տեսակ բայ կայ. ներգործական, չեզոք, կրաւորական և անցողական:

**303.** Ներգործական կ'ըսուին այն բայերը, որոնց ենթական գործողութիւնը ուրիշի մը (սեռի խնդրին) վրայ կը կատարէ, ինչպէս. ես կը կարդամ այս գիրքը. կարդայր գործողութիւնը գրիկն վրայ կը կատարեմ: Կը բանաւ դուռը. բանայր գործողութիւնը դրանը վրայ կը կատարեմ:

**304.** Միայն և միշտ ներգործական բայերը սեռի խնդիր կ'առնեն:

**305.** Չեզոք կ'ըսուին այն բայերը, որոնց ենթական գործողութիւնը ինք իր վրայ կը կատարէ, ինչպէս. կը փայլել, կ'արտասուել:

**306.** Կրաւորական կ'ըսուին այն բայերը, որոնց ենթական ուրիշի մը կողմէ կատարուած գործողութիւնը իր վրայ կը կրէ, ինչպէս. ես կը խրատուիմ մօրս. դու կը բանաստիս թշուարիդ:

**307.** Անցողական կ'ըսուին այն բայերը, որոնց ենթական գործողութիւնը ուրիշի մը ընել կու տայ, ինչպէս. կը հագցնել, կարել կու տայ, կը կարդացնել:

ԾԵ. ԸՆԹԵՐՑՈՒԱԾ. — ՓԻՂԸ

Փիղը շատ տգեղ կենդանի մըն է: Եյնքան խոշոր գլուխ մը ունի, և աչքերը անագին դէմքին վրայ՝ այնքան սղտիկ են, որ գրեթէ չեն երեւար: Ականջները լայն են, կռնակը բարձր՝ ստքերը տձեւ՝ մորթն ալ ազտատ գորշ գոյն մը ունի, բայց հակառակ իր վիթխարի անշնորհք կերպարանքին՝ ինքը բարեբարոյ և հեզ է, ցորչափ չլնասն իրեն: Ընկերական և աշխատասէր բարեկամն է մարդուն, և իր ուժը, գործունէութիւնն ու ճարտարութիւնը անոր օգտին կը գործածէ, բայց անարկու թշնամի մը կը դառնայ, երբ անիրաւութիւն ընեն իրեն: Իր միակ գեղեցիկ բանն է՝ երկու խոշոր ակռաները, որոնք մինչև եօթը ութը ոտք կ'երկնան, և որոնցմէ կը շինուին այնքան սիրուն գողորներ: Փիղին կնճիթը ձեռքի տեղ է իրեն համար, որով ամէն գործողութիւն կրնայ կատարել:

Հ Ր Ա Շ Ա Ն Գ Ն Ե Ր

275. Օրինակել այս հատուածը, եւ ա, բ, գ գիրերով նշանակել բոլոր բայերուն վրայ իրենց լծորդութիւնները.

276. Գրել այս հատուածը դասարանին մէջ:

277. Ըսել թէ ո՞ր լծորդութեան կը վերաբերին հետեւեալ բայերը.

Պատրաստուեցայ, պիտի երգեմ, կը հետեւին, կը լողայե, խաղա՛, պարեցէ՛ք, խնդա՛նք, ծիծաղէ՛, պիտի քալես, վազեցիր, հեծեց:

278. Մէյմէկ չեզոք բայ դնել կէտէրուն տեղ.

Այս տղան պատուհանէն վար . . . : Սանդուխին աստիճանները այնքան ցեց են որ մարդ . . . : Այս տխուր անսարանէն . . . : Գիշերը չեմ կրնար . . . : Շատ կ'աշխատեմ սառուցին վրայ . . . :

ԾԵ. ԴԱՍ.— ԵՐԵՔ ԼԾՈՐԴՈՒԹԻՒՆՆԵՐԸ

308. Միեւնոյն վերջաւորութիւնը ունեցող բայեր շտորդութիւն մը կը կազմեն:

309. Երեք լծորդութիւն կայ, որոնք աներեւոյթին վերջաւորութեամբ իրարմէ կը զանազանուին:


|    |    |        |        |
|----|----|--------|--------|
| Ա. | ել | ինչպէս | սիրել  |
| Բ. | իլ | »      | խօսիլ  |
| Գ. | ալ | »      | կարդալ |

310. Այս երեք լծորդութիւնները իրարմէ տարբեր խոնարհումներ ունին, որոնք կանոնաւոր բայերը կը կազմեն:

311. Ուշ վերջացող քանի մը բայեր ալ կան որոնք անկանոն խոնարհումներ ունին:



**Պերոս Պարխուի**  
(ՏԻՄ Էջ 124)



**Միսոբ Միծարից**  
(ՏԻՄ Էջ 124)



**Գրիգոր Ածրուհի**  
(ՏԻՄ Էջ 124)



**Գրիգորյան**  
(ՏԻՄ Էջ 124)



**ԾԶ. ԸՆԹԵՐՑՈՒՄԾ. — ԲԱՐԻՔՈՎ ՋՈՒԱՐՃԱՆԱԼ**

Զարեհ հարուստ ընտանիքի մը զաւակն էր: Ամառօր մը իր դաստիարակին հետ դաշտերը պտըտած միջոցին, մացառի մը տակ զոյգ մը կօշիկ տեսաւ, զոր հոն մօտերը աշխատող աղքատ մշակ մը ձգեր էր: Տղան ուզեց այդ կօշիկները առնել պահել զործաւորին խաղ մը ընելու՝ և անոր յուզմունքը դիտելով զուարճանալու համար: Բայց դաստիարակը ըսաւ իրեն. «Աւելի ազնիւ միջոց մը ընտրէ՛ զուարճանալու:» Եւ խրատեց որ փոխանակ այդ կօշիկները վերցնելու՝ քանի մը զրուշ զնէ անոնց մէջ: Տղան հնազանդեցաւ: Քիչ մը ետքը գործաւորը եկաւ կօշիկները հագնելու, և մէջի դրամը տեսնելով՝ ուրախութենէն յուզուեցաւ, ծուկի վրայ եկաւ, ու շնորհակալ եղաւ Աստուծոյ այս անակնկալ օգնութեան համար: Զարեհ հեռուէն զայն դիտելով՝ անկէ շատ աւելի երջանիկ եղաւ, որովհետեւ ինք եղբր էր այդ երջանկութեան պատճառը:

**Հ Ր Ա Շ Ա Ն Գ Ն Ե Ր**

- 279. Օրինակել այս հատուածը, եւ ստորագծել բայերը:
- 280. Սահմանական ներկայի վերածել բոլոր բայերը.
- 281. Սահմանական անկասարի վերածել բոլոր բայերը:
- 282. Հրամայականի վերածել բոլոր բայերը:
- 283. Կասարեայ Ա. դէմքի վերածել բոլոր բայերը:
- 284. Աներեւոյրի, ներկայ, անցեայ, եւ ապառնի ընդունելութեան վերածել բոլոր բայերը:
- 285. Գրել այս հատուածը աւելի ընդարձակելով:

**ԾԶ. ԴՍՍ. — ԲԱՅԵՐՈՒՆ ՎԵՐՋԱՒՈՐՈՒԹԻՒՆՆԵՐԸ**

**312.** Բայերուն վերջաւորութիւնները ամէն մէկ լծորդութեան մէջ կը տարբերին իրարմէ:

**313.** Սահմանական եւ ստորագասական ներկային ու բացարձակ ապառնիին վերջաւորութիւններն են.

Ա. լծորդութեան մէջ. եւ, ես, է, եմ, էմ, էմ.

Բ. » » իմ, իս, ի, իմ, իմ, իմ.

Գ. » » աւ, աւ, այ, աւ, աւ, աւ:

**314.** Սահմանական, ստորագասական և ապառնի անկատարին վերջաւորութիւններն են.

Ա. լծորդութեան մէջ. հի, հիր, հր, հիմ, հիմ, հիմ.

Բ. » » հի, հիր, հր, հիմ, հիմ, հիմ.

Գ. » » այի, այիր, ար, այիմ, այիմ, այիմ:

**315.** Անցեայ կատարական վերջաւորութիւններն են.

Ա. լծորդութեան մէջ. եցի, եցիր, եց, եցիմ, եցիմ, եցիմ.

Բ. » » եցայ, եցար, եցաւ, եցամ, եցամ, եցամ.

Գ. » » ացի, ացիր, աց, ացիմ, ացիմ, ացիմ:

**316.** Հրամայականին վերջաւորութիւններն են.

Ա. լծորդութեան մէջ. հ', եցի', եմ'.

Բ. » » հ', եցի', իմ'.

Գ. » » ա', ացի', աւ'.

**317.** Ներկայ ընդունելութեան վերջաւորութիւններն են երեք լծորդութեանց մէջ՝ ող:

**318.** Անցեայ ընդունելութեան վերջաւորութիւններն են երեք լծորդութեանց մէջ՝ ամ, եր:

**319.** Ապառնի ընդունելութեան վերջաւորութիւններն են Ա. Բ. լծորդութեանց մէջ՝ եղու, եղիմ.

Գ. լծորդութեան մէջ՝ աղու, աղիմ:

*to like or to love*

Ա. ԼՍՈՐԴՈՒՅԻՒՆ. — ՍԻՐԵԼ

*ind. present*

Սահմանական եղանակ  
Ներկայ

|          |           |
|----------|-----------|
| եզ.      | Յոբ.      |
| Կը սիրեմ | Կը սիրենք |
| Կը սիրես | Կը սիրէք  |
| Կը սիրէ  | Կը սիրեն  |

*Imperf.*

Անցեալ անկասար

|           |            |
|-----------|------------|
| Կը սիրէի  | Կը սիրէինք |
| Կը սիրէիր | Կը սիրէիք  |
| Կը սիրէր  | Կը սիրէին  |

*pret.*

Անցեալ կասարեալ

|         |          |
|---------|----------|
| Սիրեցի  | Սիրեցինք |
| Սիրեցիր | Սիրեցիք  |
| Սիրեց   | Սիրեցին  |

*futur*

Բացարձակ ապառնի

|            |             |
|------------|-------------|
| Պիտի սիրեմ | Պիտի սիրենք |
| Պիտի սիրես | Պիտի սիրէք  |
| Պիտի սիրէ  | Պիտի սիրեն  |

*futur Imp.*

Անկասար ապառնի

|             |              |
|-------------|--------------|
| Պիտի սիրէի  | Պիտի սիրէինք |
| Պիտի սիրէիր | Պիտի սիրէիք  |
| Պիտի սիրէր  | Պիտի սիրէին  |

*Imperative*

Հրամայական եղանակ

|       |          |
|-------|----------|
| եզ.   | Յոբ.     |
| Սիրէ՛ | Սիրենք   |
|       | Սիրեցէ՛ք |

*Subjunct present*

Ստորադասական եղանակ  
Ներկայ

|       |        |
|-------|--------|
| Սիրեմ | Սիրենք |
| Սիրես | Սիրէք  |
| Սիրէ  | Սիրեն  |

*Imperfect Subjunct*

Անկասար

|        |         |
|--------|---------|
| Սիրէի  | Սիրէինք |
| Սիրէիր | Սիրէիք  |
| Սիրէր  | Սիրէին  |

Անորոշ եղանակ

Աներեսույթ

Սիրել

Ներկայ ընդունելութիւն

Սիրող

Անցեալ ընդունելութիւն

Սիրած, սիրեր

Ապառնի ընդունելութիւն

Սիրելու, սիրելիք

*present participle*

*past participle*

ԾԷ. ԸՆԹԵՐՑՈՒԱԾ. — ՍԻՐԷ՛

Սիրէ՛ հայրիկդ. ան քեզ սիրեց կաթողին,  
 Մինչ դուն մատաղ մանուկ էիր տակաւին.  
 Ան քու լեզուէդ ինկած նախկին սուրբ վանկեր  
 Հաւաքելով՝ անմեղ խաղիդ էր ընկեր:  
 Սիրէ՛ հայրիկդ. ան ծերացած է հիմայ,  
 Ալեծաղիկ մազերն իրեն քեզ վըկայ:  
 Երբեմն արի քայլերն հիմայ տկար են.  
 Սիրէ հայրիկդ որ ալ քեզ հիւր մ'է արդէն:  
 Սիրէ մայրիկդ, ո՛հ, չըլլալ որ ճակտին վըրայ  
 Աղէտարեր արտմութեան հետք մ'երեւայ:  
 Զանա՛ գըգուել ու փայփայել զայն սիրով:  
 Ան քեզ համար երբեմն համակ էր գորով:  
 Յիշէ՛ մայրիկդ որ իր բոլոր կեանքին մէջ  
 Կ'աղօթէ քեզ համար սիրով դեռ անչէջ  
 Սիրոյ շնչոտով ընկերացի՛ր մօրըդ հէք  
 Մինչև մըռալ մահուան հովիտն անցորեկ:

Հ Ր Ա Շ Ա Ն Գ Ն Ե Ր

286. Օրինակել այս ոտանաւորը, եւ ցոյց տալ բոլոր բայերուն յծորդութիւնները:
287. Մէյմէկ խօսք շինել հետեւեալ բայերով.  
 Սիրէ՛, հաւաքելով, ծերացած, երեւայ, ջանա՛, գգուել, փայփայել, յիշէ՛, կ'աղօթէ, ընկերացի:
288. Խոնարհել այս բայերուն կաթարեայն ու հրամայականը:  
 Սնուցանել, մատուցանել, դարմանել, սերմանել, վատնել, յանձնել, խառնել:
289. Խոնարհել ելլել եւ հեծնել բայերը զրաւ որ:
290. Խոնարհել ծանուցանել եւ զննել բայերը բերանացի:

ԾԷ. ԳՍԱ. — «ՆԵԼ» ԵՒ «ՈՒՅԱՆԵԼ» ՎԵՐՋԱՅՈՂ ԲԱՅԵՐԸ

**320.** Նեղ վերջացող բայերէն ոմանք Ա. լծորդութեան՝ սիրելին պէս կը խոնարհուին, ինչպէս. ֆննել, զննել, շինել, ժամանել, յանդիմանել, հիմնել, բռնել, օգնել, մասնել: Ասոնց ն գիրը արմատական է, որովհետեւ այս բայերուն արմատն է ֆնին, զնին, շին, ժաման, յանդիման, հիմն, բռուն, օգն, մասն:

**321.** Նեղ վերջացող ինը բայեր կան, որոնց ն գիրը արմատական չէ, և որոնք բացառիկ ձեւեր ունին կասարեային և հրամայականին մէջ:

**322.** Ասոնցմէ հինգը՝ գննել, մսնել, ելլել (եղնել), իջնել, հեծնել կատարելով մէջ կ'ըլլան՝ գայ, մայ, ելայ, իջայ, հեծայ և հրամայական եզակիի մէջ՝ գայի, մայի, ելի, իջի, հեծի: Իսկ չորսը՝ առնել, խածնել, թռչնել, պագնել բայերը կատարելով մէջ կ'ըլլան առի, խածի, թռչի, պագի. հրամայականի մէջ կ'ըլլան ա՛ռ, խա՛ծ, թո՛ւր, պա՛գ:

**323.** Ուզանել վերջացող բայերը, ինչպէս ծանուցանել, կատարելով մէջ կ'ըլլան ծանուցի, և հրամայականի մէջ ծանուցո՛ւր:

**324.** Այսպէս կը խոնարհուին մատուցանել, կանուցանել, սնուցանել, հատուցանել, և այլն:

Բ. ԼՇՈՐԴՈՒԹԻՒՆ. — Խ Օ Ս Ի Լ

Սահմանական եղանակ  
Ներկայ

| եզ.      | Յոր.      |
|----------|-----------|
| Կը խօսիմ | Կը խօսինք |
| Կը խօսիս | Կը խօսիք  |
| Կը խօսի  | Կը խօսին  |

Անցեալ անկասար

|           |            |
|-----------|------------|
| Կը խօսէի  | Կը խօսէինք |
| Կը խօսէիր | Կը խօսէիք  |
| Կը խօսէր  | Կը խօսէին  |

Անցեալ կասարեալ

|         |          |
|---------|----------|
| Խօսեցայ | Խօսեցանք |
| Խօսեցար | Խօսեցաք  |
| Խօսեցաւ | Խօսեցան  |

Բացարձակ ապառնի

|            |             |
|------------|-------------|
| Պիտի խօսիմ | Պիտի խօսինք |
| Պիտի խօսիս | Պիտի խօսիք  |
| Պիտի խօսի  | Պիտի խօսին  |

Անկասար ապառնի

|             |              |
|-------------|--------------|
| Պիտի խօսէի  | Պիտի խօսէինք |
| Պիտի խօսէիր | Պիտի խօսէիք  |
| Պիտի խօսէր  | Պիտի խօսէին  |

Հրամայական եղանակ

| եզ.   | Յոր.     |
|-------|----------|
| —     | Խօսի՛նք  |
| Խօսէ՛ | Խօսեցէ՛ք |

Ստորադասական եղանակ  
Ներկայ

|       |        |
|-------|--------|
| Խօսիմ | Խօսինք |
| Խօսիս | Խօսիք  |
| Խօսի  | Խօսին  |

Անկասար

|        |         |
|--------|---------|
| Խօսէի  | Խօսէինք |
| Խօսէիր | Խօսէիք  |
| Խօսէր  | Խօսէին  |

Անորոշ եղանակ

Աներեւոյր

Խօսիլ

Ներկայ ընդունելութիւն

Խօսող

Անցեալ թնդունելութիւն

Խօսած, Խօսեր

Ապառնի ընդունելութիւն

Խօսելու, խօսելիք

**ԾԸ. ԸՆԹՆԵՐՅՈՒՄԱԾ. — ԷՇՈՒՆ ՏՐԱՄԱԲԱՆՈՒԹԻՒՆԸ**

Օրին մէկը, էշ մը կռնակը աղ բեռցած կ'երթար: Առուակի մը հանդիպելով՝ հարկադրուեցաւ մէջէն անցնիլ, ու երբ դիմացի եղերքը հասաւ, տեսաւ որ բեռը բոլորովին թեթեւցեր, գրեթէ հատեր էր: Կը կարծուի թէ էշերը խելք չունին. հակառակ այս ճշմարտութեան, մեր գրաստը այս դէպքը չմոռցաւ, և ուրիշ անգամ մը, երբ բուրդի պարկերու ներքև ճնշուած կը քալէր, խորհեցաւ որ չըջակաները լիճ մը կար, և ճամբան քիչ մը երկնցնելով, կրնար անկէ անցնիլ. ու քրտնելով, յոգնելով վազեց, ոտքով գլխով ջուրին մէջ խորասուզուեցաւ: Միայն չէր խորհեր թէ աղն ու բուրդը միևնոյն բանը չէին. աղը ջուրէն կը հալի, բայց բուրդը ջուրը ծծելով աւելի կը ծանրանայ: Կ'ըսեն թէ խեղճը շատ զղջաց, բաղդին դէմ գանգատեցաւ, բայց ըրածէն չխայնեցաւ, որովհետև խելքը չհասաւ իր դժբախտութեան պատճառին:

**Շ Ր Ա Շ Ա Ն Գ Ն Ե Ր**

- 291. Օրինակել այս հատուածը, եւ նշանակել բոլոր բայերուն վրայ իրենց լծորդութիւնները:
- 292. Պատմել բերանացի այս հատուածը, յետոյ գրել դասարանին մէջ:
- 293. Գտնել այս հատուածին մէջ նի վերջացող բայերուն արմատները:
- 294. Խոնարհել այս հատուածին բոլոր բայերուն կառարեայներն ու հրամայականները:
- 295. Խոնարհել հաւնիչ, բռննիչ բայերը՝ գրաւոր:
- 296. Խոնարհել փշիչ, կպիչ բայերը՝ բերանացի:
- 297. Մէյ մէկ կրաւորական բայ դնել հետեւեայ կետերուն տեղ. Երէկ մեր ծառան հօրմէս...: Մեր տունը այս տարի... Ես ձեր խօսքերէն...: Մեր դրացին սխալ դեղ առնելով...: Մարդերը կ'աշխատի, պէտք է...: Զիբը պէտք է ամէն առտու աղէկ մը...:

**ԾԸ. ԳՍ.Ս. — 'ՆԻԼ,, ԵՒ 'ԶԻԼ,, ՎԵՐՋԱՅՈՂ ԲԱՅԵՐԸ**

**325.** Նիլ վերջացող բայերէն ոմանք Բ. լծորդութեան՝ խօսիլին պէս կը խոնարհուին, ինչպէս. յոգնիլ, ֆրսնիլ, խպնիլ, խոստովանիլ, կործանիլ, հաւնիլ, հաւանիլ, դաւանիլ:

**326.** Ասոնց և գիրը արմատական է, որովհետև այս բառերուն արմատներն են յոգն, ֆրսն, խոստովան, խոստովան, կործան, հաւան, դաւան:

**327.** Նիլ վերջացող այն բայերը, որոնց և գիրը արմատական չէ, բացառիկ ձեւեր ունին կատարեալին և հրամայական եղակիին մէջ, ինչպէս. հաւնիլ, հաւանիլ, հաւսիլ: Այսպէս են, ւննիլ, անցնիլ, բռննիլ, հազնիլ, հասնիլ:

**328.** Այս բայերէն ծնիլ և սնիլ՝ հրամայականի մէջ՝ ընդհանուր օրէնքին կը հետեւին, և կ'ըլլան ծնե՛, սնե՛:

**329.** Զիլ վերջացող բայերէն ոմանք կը հետեւին խօսիլին, ինչպէս՝ խաշիլ, քաշիլ, կաշիլ: Սակայն անոնցմէ փախշիլ, քոշիլ, փշիլ, կպշիլ, փակշիլ բացառիկ ձև ունին կատարեալին և հրամայականին մէջ, ինչպէս. փախաց, փախիլ, քոաց, քոիլ, փշաց, փշիլ, դպաց, դպիլ, կպաց, կպիլ, փակաց, փակիլ:

մարդայ վայր  
մարդայ վայր

Գ. ԼՍՈՐԳՈՒԹԻՒՆ — ԿԱՐԴԱԼ *to read*

Սահմանական եղանակ  
Ներկայ

Եզ.

Յոք.

Կը կարդամ  
Կը կարդաս  
Կը կարդայ

Կը կարդանք  
Կը կարդաք  
Կը կարդան

Անցեալ անկասար

Կը կարդայի  
Կը կարդայիր  
Կը կարդար

Կը կարդայինք  
Կը կարդայիք  
Կը կարդային

Անցեալ կասարեալ

Կարդացի  
Կարդացիր  
Կարդաց

Կարդացինք  
Կարդացիք  
Կարդացին

Բացարձակ ապառնի

Պիտի կարդամ  
Պիտի կարդաս  
Պիտի կարդայ

Պիտի կարդանք  
Պիտի կարդաք  
Պիտի կարդան

Անկասար ապառնի

Պիտի կարդայի  
Պիտի կարդայիր  
Պիտի կարդար

Պիտի կարդայինք  
Պիտի կարդայիք  
Պիտի կարդային

Հրամայական եղանակ

Եզ.

Յոք.

Կարդա՛

Կարդա՛նք  
Կարդացե՛ք

Սահմանական եղանակ  
Ներկայ

Կարդամ  
Կարդաս  
Կարդայ

Կարդանք  
Կարդաք  
Կարդան

Անկասար

Կարդայի  
Կարդայիր  
Կարդար

Կարդայինք  
Կարդայիք  
Կարդային

Անորոշ եղանակ

Անտեւոյք

Կարդալ

Ներկայ ընդունելութիւն

Կարդացող

Անցեալ ընդունելութիւն

Կարդացած, կարդացեր

Ապառնի ընդունելութիւն

Կարդալու, կարդալիք

ԾԹ. ԸՆԹԵՐՑՈՒՄ. — ԵՐԵՒԱԼՈՒ ՎՏԱՆԳԸ

Փիլիսոփայ մը կ'ըսէր իր աշակերտներուն. «Եթէ կ'ուզէք երջանիկ ըլլալ, աղքատ ապրեցէ՛ք. բնաւ մի՛ փափաքիք ունենալ բան մը որմէ՛ զուրկ ըլլան ուրիշները, եւ եթէ ունենաք, ծածկեցէ՛ք զայն: Եթէ կուզէք թշնամի չունենալ, ջանացէ՛ք բնաւ չերեւալ, ծածկեցէ՛ք ձեր տաղանդները, ձեր կարողութիւնները: Թո՛ղ ոչ ոք գիտնայ թէ ինչե՛ր սորված էք, և ինչե՛ր կրնաք ընել, և ոչ ոք պիտի նախանձի ձեզմէ, և ոչ ոք պիտի հարուածէ և զրպարտէ զձեզ: Արժանիք չունեցող մարդիկ նախանձ չեն ազդեր: Ձեր փառքը փնտռեցէ՛ք ձեր անձնական յատկութեանց ներքին գիտակցութեան մէջ, և ձեր երջանկութիւնը վայելեցէ՛ք ձեր խղճին անդորրութեան մէջ:

Հ Ր Ա Ղ Ա Ն Գ Ն Ե Ր

- 298. Օրինակել այս հատուածը, եւ նշանակել բոլոր բայերուն վրայ շոտդուքիւնները:
- 299. Գրել այս հատուածը աւելի ընդարձակելով.
- 300. Յոյց տալ այս հատուածին մէջի բայերուն ժամանակները եւ եղանակները:
- 301. Մէյ մէկ խօսք շինել հետեւեալ բայերուն աներևոյթներովը. կը յուզուի, կը բարկանայ, զրկուած է, կը հսկէ, չեն համարձակիլ, չի վարանիլ, ամբաստանե՛նք:
- 302. Խոնարհել կեանք եւ կամեանք բայերը՝ զրաւոր:
- 303. Խոնարհել հեռանալ եւ հասկեանք բայերը՝ բերանացի:

304. Յնել վերջացող ներգործական կամ անգործական մէյ մէկ բայ դնել հետեւեալ խօսքերուն մէջ, կէտերուն տեղ.

Երբ կ'ուզենք հիւրի մը բան մը . . . պէտք է քաղաքա-վարութեամբ . . . պնակը իրեն: Այս պատերը . . . համար շատ ծախք ըրի. Խանութս . . . տուի և նորէն շինեցի: Տղաք . . . համար մասնաւոր թատրոններ կան. Եւրոպայի մէջ: Ձին շատ . . . վատնգաւոր է: Ձիս . . . համար այդ թերութիւններս կը յիշե՛ք:

305. Հետեւեալ բայերուն արմատները գտնել.

Ծերանալ, խնդալ, ծանրանալ, գերնալ, մեծնալ, խուճնալ, հաղալ, հիմնալ, գիւմնալ, տիրանալ, քարանալ, սեւնալ:

306. Խոնարհել զրաւոր այս բայերուն կատարեալներն ու հրամայականները:

ԾԹ. ԳՄԱ. — «ՆԱԼ» ՎԵՐՋԱՅՈՂ ԲԱՅԵՐԸ

**330.** Նայ վերջացող բոլոր բայերը բացառիկ խոնարհումներ ունին կատարեալի և հրամայականի մէջ, ինչպէս. բարկանալ. բարկացայ, բարկացի՛ր: Այսպէս են խոսնալ, փոսնալ, հասնալ, շասնալ, սսանալ, հիւսնալ, ինսնալ, ճանցնալ, գիսնալ, գողնալ, կենալ, աղցնալ, սափնալ, մօտենալ, մերձենալ, հեռանալ, կամենալ, ունենալ բայերը:

**331.** Նայ վերջացող բայերէն ջանալ բայը միայն կը հետեւի Գ. լծորդութեան, կարդային, որովհետեւ և գիրը արմատական է:

Կ. ԸՆԹԵՐՑՈՒՄ. — ՈՐԲԸ ԵՒ ՍԱՐԴԸ

Փոքրիկ որբ սողեկ մը, որուն մայրը մեռած ըլլալով հայրը կրկին ամուսնացիր էր, միայնակ ու լքուած կապրէր տանը մէջ: Իր տրտմութեան սիրտփանք մը գտնելու համար, ինքզինքը երաժշտութեան տուաւ, և այնքան մեծ տաղանդ երեւան բերաւ որ, ութը տարեկան հասակին մէջ, արդէն իր ջութակով ամէնքը կը հմայէր, կը դիւթէր: Այդ հիացողներուն կարգէն էր նաև... սարդ մը, որ պատին անկիւնը սքլած զինքը մտիկ կ'ընէր հեռուէն, և որ քիչ քիչ համարձակութիւն առնելով փոքրիկ նուագածունն ձօտեցաւ: Ա՛յ ամէն օր կուգար անոր թեւին վրայ կը կենար: Տղան ալ իր արուեստագէտի սրտով հաճոյք կ'զգար այս ունկնդրութեանն ու օրէ օր կը կապուէր անոր: Դժբախտաբար, օր մը, մօրուն սենեակէն ներս մտնելով՝ հարուածով մը սպաննեց այդ զգալուն բարեկամը: Տղան մարեցաւ ինկաւ ու երեք ամիս հիւանդ պառկեցաւ:

Շ Ր Ա Ն Ա Ն Գ Ն Ե Ր

- 307. Օրինակել այս հատուածը, եւ ստորագծել քայերը:
- 308. Սահմանական ներկայի վերածել բոլոր քայերը:
- 309. Գրել այդ քայերուն յօրնակի հրամայականները:
- 310. Գրել ա՛յն առարկաները որոնց միջոցաւ հետեւեալ գործողութիւնները կը կատարուին.  
Սղոցել, հերկել, շնձել, սանտրել, ամիւել, խնկարկել, կարել, Թիւալարել, նկարել, մանել, ձեւել, աւելել
- 311. Գրել վերի հատուածը աւելի մանրամասօրէն:
- 312. Խոնարհել շա՛յ եւ գա՛յ քայերը բերանացի:
- 313. Լուծել հետեւեալ նախադասութիւնները:  
Կ'ուզէի ժամը հինգի շոգեխաւին հասնիլ, երկու ժամ հօրէն ջուր քաշեցի լուանով, երբ մարդ կ'ուզէ բան մը գնել, պէտք է անոր արժէքը գիտնայ, Ծիծեռնակները բնազդմամբ կը գուշակեն մորիկին մօտենալը, Հէրքիւլանուս և Պոմպէի քաղաքները վեցուով լերան հրաբուխէն գետնին ասկ թաղուեցան, Տիկին Վիժէ Լը Պոէօն ֆրանսացի նշանաւոր նկարչուհի մըն է:

Կ. ԴԱՍ. — ԲԱՅԻՆ ԵՂԱՆԱԿՆԵՐՈՒՆ ԵՒ ԺԱՍՆԱԿՆԵՐՈՒՆ

ԿԱԶՄՈՒԹԻՒՆԸ

**332.** Սահմանական ներկան և անկասարք, բացարձակ ապառնիւն և անկասարք. հրամայականին յոֆնակիւն, աներեւոյթք, ներկայ, անցեալ և ապառնի ընդունելութիւնները հետեւեալ օրէնքին համաձայն կը կազմուին.

**333.** Սահմանական ներկան և անկասարք, ստորադասական ներկային և անկատարին առջև կը աւելցնելով կը կազմուին. *սեւնեւ, կը սեւնեւ:*

**334.** Դալ, տալ, շալ բայերը կու կ'առնեն փոխանակ կրի. կու գաւ, եւ այլն:

**335.** Կրին ը գիրը կը ջնջուի ձայնաւորով սկսող բայերուն առջև, ու սա ( ' ) նշանը կը դրուի, որ կը կոչուի ապաքարց, ինչպէս. կ'երգեմ, փոխանակ կը երգեմ ըսելու:

**336.** Եւ, կաւ, կրեաւ, ունիւ, գիտեւ բայերը երբեք կը չեն առնել:

**337.** Բացարձակ ապառնիւն և անկասար ապառնիւն ստորադասական ներկային և անկատարին առջև պիտի աւելցնելով կը կազմուին երգեմ, պիտի երգեմ. երգի, պիտի երգի:

**338.** Հրամայական յոֆնակի Բ. դիւմբը անփոփոխ կերպով ստորադասական ներկային յօքնակի Ա. դէմքն է, վրան շեշտով մը. երգեմ, երգեմ:

**339.** Հրամայական յոֆնակի Բ. դիւմբը կը չիւուի անցեալ կատարեալին ի և այ վերջաւորութեանց տեղ ի'ֆ դնելով. ինչպէս. երգեցի, երգեցի'ֆ, չեշտով մը:

**ԿԱ. ԸՆԹԵՐՑՈՒՄ. — ՏԱՆՏԻԿԻՆԸ**

Տան մը ներքին խաղաղութիւնն ու երջանկութիւնը անոր տանտիրինէն կախում ունի: Ան պիտի խնամէ տղոց առողջութիւնն ու կրթութիւնը, ան հոգ պիտի տանի ամուսինի հանգստութեան ու գործերուն յաջողութեան, ան պիտի ջանայ որ ամէն բան որքան լաւ այնքան գեղեցիկ ըլլայ: Տունը մեքենայի մը կը նմանի, որուն բոլոր ճախարակներն ու ծխնիները պէտք ունին անդադար իւղտուելու և մաքրուելու. հոն ամէն բան նորոգութեան և կարգաւորութեան կը կարօտի: Ուստի տանտիրինը պէտք է ըլլայ կարգապահ, ուշիմ, բարի, աշխատասէր ու քաղցրաբարոյ, և ամէնէն աւելի գիտնայ ինքզինքը նուիրել իր ընտանիքին երջանկութեան, որմէ կախում ունին փոխադարձաբար իր պատիւն ու երջանկութիւնը:

**Հ Ր Ա Ն Ա Ն Գ Ն Ե Ր**

- 314. Օրինակել այս հատուածը, եւ ստորագծել րայերը:
- 315. Անտեւոյթի, յետոյ նեղայ եւ ապառնի ընդունելութեան վերածել բոլոր րայերը:
- 316. Անցեալ կատարելի, յետոյ անցեալ ընդունելութեան վերածել բոլոր րայերը:
- 317. Գտնել հետեւեալ գոյականներուն համապատասխանող րայեր. կարծիք, ուղղութիւն, զգացում, համակրանք, գգուանք, պահանջութիւն, արհամարհանք, ջանք, վաստակ, խնամք, բաղձանք:
- 318. Լուծել հետեւեալ րաւերը զատ զատ. իրենց, բոլոր, ձեռքեր, փափաքած, հիւանդ, հինգ, մեր, տուն, կրակ, յիշատակ, չորբորդ, ասոնք, առ, որոնցմէ, իւրաքանչիւր, վազէի, խորհող, եղաւ, նրբամիտ, անոնք, մէկգլմէկու, անիրաւ:
- 319. Բերանացի խոնարհել ջնջել, տրտիլ եւ սողալ րայերը:
- 320. Գտնել հետեւեալ բառերուն համապատասխանող րայեր. Աւերակ, ընդունելութիւն, յարձակում, հնչիւն, գունատ, զարհուրանք, ցօղ, խաւար, ծագում, պատիւ, հոգ, մարզանք, այցելութիւն, զղջում:

**ԿՍ. ԴՍՍ. — ԲԱՅԻՆ ԵՂԱՆԱՆԵՐՈՒՆ ԵՒ ԺԱՄԱՆԱԿՆԵՐՈՒՆ**

**ԿԱԶՄՈՒԹԻՒՆԸ (Շար)**

**340.** Անտեւոյթը կը կազմուի ստորադասական ներկային վերջի ւ գիրը ի փոխուելով, ինչպէս երգեալ, երգել:

**341.** Ներկայ ընդունելութիւնը կը կազմուի ել և իլ վերջաւորող բոլոր բայերուն այս վերջաւորութեանց տեղ ող դնելով, ինչպէս. երգել, երգող. խօսիլ, խօսող. հեծնել, հեծնող. հակգլիլ, հակգող: Այ, նալ վերջաւորող բայերուն անցեալ կատարելային ին և այն ջնջելով, ու տեղը ող դնելով, ինչպէս. կարդալ, կարդացի, կարդացող. մտնալ, մտոցալ. մտցող:

**342.** Անցեալ ընդունելութիւնը կը կազմուի երեք լծորդութեանց մէջ ալ կատարելային եցի, եցայ, ի և այ վերջաւորութեանց տեղ դնելով ած կամ եր, ինչպէս. երգեցի, երգած. խօսեցայ, խօսեր. հազացի, հազացեր. ծանուցի, ծանուցած. անցայ, անցեր, խոսացայ, խոսացեր, և այլն:

**343.** Ապառնի ընդունելութիւնը կը կազմուի աներեւոյթին վրայ ու կամ իք աւելցնելով, ինչպէս. հազալ, հազալու. երգել, երգելիք: Դիտելի է որ Բ. լծորդութեան ի գիրը ե ի կը փոխուի, ինչպէս. խօսիլ, խօսելու:

ԿՔ. ԸՆԹԵՐՅՈՒՄՆԵՐ. — ԶԱԽԱԻՐ ՈՐՍՈՐԴԸ

Միամիտ քաղքենի մը, որ բնաւ հրացան գործածած չունէր, որսորդութեան փափաք տուաւ: Բայց ամէն որսի երթալուն՝ ձեռնունայն ետ կը դառնար, ու ամէնքը կը ծաղրէին զինքը: Օր մը երբ նորէն յոգնեւր դաղրեր ու չէր կրցեր բան մը զարնել, ճամբան տղու մը հանդիպեցաւ որ ճագար մը գրկած կը տանէր: «Ա՛լ այս անգամ բախտս բանեցաւ,» ըսաւ ինքնիրեն: Ծագարը գնեց, և պարան մը առնելով, մէկ ծայրը կենդանիին ոտքին կապեց, ու միւս ծայրը՝ ծառի մը ճիւղին: Յետոյ քանի մը քայլ ետ գնաց, և նշան առնելով, հրացանին ըլթակը քաշեց. կապարը գնաց լարը փրցուց, և ճագարը արշաւասոյր փախաւ, մեծ ապշութեան մէջ թողլով խեղճ որսորդը:

Հ Ր Ա Շ Ա Ն Գ Ն Ե Ր

- 321. Օրինակել այս հատուածը, եւ ստորագծել անկանոն քայերը:
- 322. Աւելի ընդարձակելով գրել այս պատմութիւնը:
- 323. Խոնարհել նստի, ուսի, դնել քայերը:
- 324. Մէյ մէկ անկանոն քայ դնել հետեւեալ կէտիրուն տեղ.
 

Սա մարդը զոր . . . մեր պարտիզպանն է: Այս թռչունը ես . . . Այսօրուընէ . . . դպրոց երթալ: Այս ծառին պտուղները մենք . . . երէկ եղբայրս այնչափ հիւանդ էր որ մինչեւ լոյս . . . Ձեմ կրնար այս արկղիկը . . . , որովհետեւ բանալին կորսուած է:
- 325. Մէյ մէկ խօսք շինել հետեւեալ անկանոն քայերուն բացարձակ ապառնիներովը.
 

Փրթիլ, ինալ, գալ, դառնալ, մնալ, տանիլ, նստիլ, զարնել, ընել, ուտել, դնել, տալ:
- 326. Լուծել հետեւեալ խօսքերը.
 

Մեր դրացիին զաւակը հիւանդ է: Դուռը բանալիով կըղպեցէ՛ք: Իր գիրքերը այրեցան: Աստուք հին հագուստներ են: Ումանք կը կարծեն թէ պաղ ջուրը օգտակար է: Կիգէի մեծ Սփինքը սը ժայռերու մէջ փորուած հսկայ արձան մըն է:

ԿՔ. ԴՍՍ. — ԿԱՆՈՆԱԻՈՐ, ԶԱՐՏՈՒՂԻ ԵՒ ԱՆԿԱՆՈՆ ԲԱՅԵՐ

**344.** Կանոնաւոր բայեր. — Երեք լծորդութեանց հետեւող բայերը կը կոչուին կանոնաւոր բայեր:

**345.** Զարտուղի բայեր. — Երեք լծորդութեանց հետեւող այն բայերը, որոնք իրենց յատուկ վերջաւորութիւններ ունենալով, կը զարտուղին հրամայականի և կատարեալի մէջ, կը կոչուին զարտուղի բայեր, ինչպէս. նեղ, ուզանեղ, նիլ, չիլ, նալ վերջաւորողները:


**346.** Անկանոն բայեր. — Ասոնցմէ զատ քսան բայ կայ, որոնք զանազան վերջաւորութիւններ ունին, և կը տարբերին ընդհանուր կանոնէն կատարեալին կամ եզակի հրամայականին և կամ երկուքին մէջ միանգամայն: Ասոնք են անկանոն բայերը, և հետեւեալներն են. բերել, դնել, զարնել, ընել, ըսել, ուտել, տեսնել, նստիլ, պրծիլ, սկսիլ, տանիլ, փրթիլ, գալ, շալ, տալ, բանալ, դառնալ, երթալ, իյնալ, մնալ:

**347.** Թէ՛ զարտուղի և թէ՛ անկանոն բայերուն սահմանական և ստորադասական ներկան և անկատարը, բացարձակ ապառնին և անկատար ապառնին, յոքնակի հրամայականը, աներեւոյթը, ներկայ, անցեալ և ապառնի ընդունելութիւնները՝ կանոնաւոր բայերու երեք լծորդութեանց օրինակներով կը կազմուին:





Տիկին Վիժէ ը Պոէոն և իր աղջիկը  
(Տե՛ս էջ 152)



Կիզէի Սփինքսը Փսիթի մօտ  
(Տե՛ս էջ 156)

ԿԳ. ԸՆԹԵՐՑՈՒԱԾ. — ՀԱՅՐԵՆԻ ՏԻՇԱՍԱԿ

Պանդուխտ էր ան. յաճախ կու գար կը նստէր  
Ու կը պատմէր ինծի ցաւերը սրտին.

Լըքեր էր իր դեռահաս կինն ու որդին  
Եւ օրն ի բուն քրտնավաստակ կ'աշխատէր:

Օր մը ըսաւ. «Քեզի նուէր մը բերի  
Հայաստանէն, որ սուրբ կարօտը առնես.

Գրբեր էի քոյրերուս որ զրկեն մեզ  
Արտամէտի խնձոր հասած այս տարի:»

Ծոցէն երկու խնձոր հանեց ան քնքուշ,  
Կարծես խայծած արշալոյսի տակ միայն.  
Միրզն էր համեղ, կարմրափայլ ու աննըման  
Եւ կը բուրէր անմահական հոտ անուշ:

Յետոյ կիսեց, ինծի տուաւ չերտ մ'այսպէս:  
Կարօտանքով բերանս առի ձաշակել.

Բայց թունդ ելաւ հոգիս, արցունք անարգել  
Կաթիլ կաթիլ վար հոսեցան աչքերէս:

Վ. ՍՎՍ.ՃՅՍՆ

Հ Ի Ա Հ Ա Ն Գ Ն Ե Ր

327. Օրինակել այս ոտանաւորը, եւ սահմանական անկասարի վերածել բոլոր բայերը:

328. Լուծել այս ոտանաւորին բոլոր բայերը:

329. Մէյ մէկ խօսք շինել հետեւեւայ բայերուն սահմանական ներկայ Գ. դէմքը գործածելով.

Յենուլ, գարթնուլ, ոստնուլ, թողուլ, երդնուլ, զբօսնուլ:

330. Խոնարհել երդնուլ բայը՝ զրաւոր:

331. Փոխել հետեւեւայ խօսքերուն մէջի բայերը եւ տեղը ու վերջացող բայեր դնել.

Վաղը պիտի հագնեիր իր նոր զգեստը: Այսօր եկեղեցին Դանիէլ Մարգարէին գերօքը կը կատրան: Պէտք չէ մարդ իր թշնամիին ձեռքը համբուրելու չափ խոնարհի: Խեղճ կինը լուրի արցունք կը քափեիր:

ԿԳ. ԳՍՍ. — 'ՈՒԼԷՎԵՐՉԱՅՈՂ ԲԱՅԵՐԸ

348. Ուղ վերջացող բայերէն միայն քողոյզ և գքօսնուղ բայերն են որ ամբողջապէս կը խոնարհուին աշխարհաբարի մէջ, և երկուքն ալ իրարմէ տարբեր ձեւեր ունին կասարեալի և հրաւնայականի մէջ:

349. Ուղ վերջացող միւս բայերը սահմանական և usոտադասական ներկային և անկասարին, բացարձակ ապառնիին, անկասար ապառնիին և հրաւնայականի յոֆնակի Ա. դիմիին մէջ միայն կը գործածուին:

350. Երդնուլ, ընուլ, հեղուլ, յենուլ, ընթեռնուլ, գարթնուլ, զգեռնուլ, ոստնուլ, այցնուլ, ցաւնուլ, ցածնուլ, զեռնուլ, յեռնուլ բայերուն տեղ, աշխարհաբարի մէջ ընդհանրապէս կը գործածուին երդում ընել, յեցնել, քափել, կոթնիլ, կարդալ, արթննալ, հագնիլ, ցասիլ, ուռեռնալ, քարկանալ, խոնարհիլ, մոռթել, շարել բայերը:



**Թ Ո Ղ Ո Ւ Լ**

**Սահմանական եղանակ  
Ներկայ**

|           |            |
|-----------|------------|
| եզ.       | Յոք.       |
| Կը թողում | Կը թողունք |
| Կը թողուս | Կը թողուք  |
| Կը թողու  | Կը թողուն  |

**Անցեալ անկասար**

|            |             |
|------------|-------------|
| Կը թողուի  | Կը թողուինք |
| Կը թողուիր | Կը թողուիք  |
| Կը թողուր  | Կը թողուին  |

**Անցեալ կասարեալ**

|          |           |
|----------|-----------|
| Թողուցի  | Թողուցինք |
| Թողուցիր | Թողուցիք  |
| Թողուց   | Թողուցին  |

**Բացարձակ ապառնի**

|             |              |
|-------------|--------------|
| Պիտի թողում | Պիտի թողունք |
| Պիտի թողուս | Պիտի թողուք  |
| Պիտի թողու  | Պիտի թողուն  |

**Անկասար ապառնի**

|              |               |
|--------------|---------------|
| Պիտի թողուի  | Պիտի թողուինք |
| Պիտի թողուիր | Պիտի թողուիք  |
| Պիտի թողուր  | Պիտի թողուին  |

**Հրամայական եղանակ**

|      |           |
|------|-----------|
| եզ.  | Յոք.      |
| —    | Թողունք   |
| Թո՛ղ | Թողուցե՛ք |

**Ասորադասական եղանակ  
Ներկայ**

|        |         |
|--------|---------|
| Թողում | Թողունք |
| Թողուս | Թողուք  |
| Թողու  | Թողուն  |

**Անկասար**

|         |          |
|---------|----------|
| Թուղուի | Թողուինք |
| Թողուիր | Թողուիք  |
| Թողուր  | Թողուին  |

**Անորոշ եղանակ**

**Աներեւոյթ**

Թողուլ

**Ներկայ ընդունելութիւն**

Թողող

**Անցեալ ընդունելութիւն**

Թողած, թողեր

**Ապառնի ընդունելութիւն**

Թողելու, թողելիք

**Զ Բ Օ Ս Ն Ո Ի Լ**

**Սահմանական եղանակ  
Ներկայ**

|           |            |
|-----------|------------|
| Եզ.       | Յոր.       |
| Կ'զբօնում | Կ'զբօնունք |
| Կ'զբօնուս | Կ'զբօնութք |
| Կ'զբօնու  | Կ'զբօնուն  |

**Անցեալ անկասար**

|            |             |
|------------|-------------|
| Կ'զբօնուի  | Կ'զբօնուինք |
| Կ'զբօնուիր | Կ'զբօնութք  |
| Կ'զբօնուր  | Կ'զբօնուն   |

**Անցեալ կասարեալ**

|          |           |
|----------|-----------|
| Զբօնեցայ | Զբօնեցանք |
| Զբօնեցար | Զբօնեցաք  |
| Զբօնեցաւ | Զբօնեցան  |

**Բացարձակ ապառնի**

|              |               |
|--------------|---------------|
| Պիտի զբօնում | Պիտի զբօնունք |
| Պիտի զբօնուս | Պիտի զբօնութք |
| Պիտի զբօնու  | Պիտի զբօնուն  |

**Անկասար ապառնի**

|               |                |
|---------------|----------------|
| Պիտի զբօնուի  | Պիտի զբօնուինք |
| Պիտի զբօնուիր | Պիտի զբօնութք  |
| Պիտի զբօնուր  | Պիտի զբօնուն   |

**Հրամայական եղանակ**

|          |           |
|----------|-----------|
| Եզ.      | Յոր.      |
| —        | Զբօնո՛ւնք |
| Զբօնո՛ւմ | Զբօնեցէ՛ք |

**Ասորադասական եղանակ  
Ներկայ**

|         |          |
|---------|----------|
| Զբօնում | Զբօնունք |
| Զբօնուս | Զբօնութք |
| Զբօնու  | Զբօնուն  |

**Անկասար**

|          |           |
|----------|-----------|
| Զբօնուի  | Զբօնուինք |
| Զբօնուիր | Զբօնութք  |
| Զբօնուր  | Զբօնուն   |

**Անորոշ եղանակ**

**Անբերեոյթ**

Զբօնուլ

**Ներկայ ընդունելութիւն**

Զբօնող

**Անցեալ ընդունելութիւն**

Զբօսած, զբօսեր

**Ապառնի ընդունելութիւն**

Զբօնելիլ, զբօնելիք

ԿԴ. ԸՆԹԵՐՅՈՒԱԾ. — ՔԱՂԱՔԱՎԱՐՈՒԹԻՒՆ

Երկու տեսակ քաղաքավարութիւն կայ. բնական և արուեստական: Արուեստական քաղաքավարութիւնը կարգ մը ընկերային, սովորութեանց մէջ կը կայանայ, զոր ամէնէն անկիրթ և յոռի բնաւորութեան տէր անձն ալ գիտէ թերեւս, և կրնայ գործադրել ուզած տեղը. և սակայն անով չի կրնար հաճելի ըլլալ: Բնական քաղաքավարութիւնը չի սորվուիր. անիկա հոգիէն կը բխի և օրօրոցէն կ'սկսի. անոր հրապոյրը նայուածքի մը կամ ժպիտի մը պարզութեան և անկեղծութեան մէջ է. սրտի քաղաքավարութիւնն է ան որ անբաժան կը մնայ անձէն, ամէն տեղ և ամէն ժամանակ. և այս թանկագին յատկութեամբ է որ մարդ ամէնուն բարեկամութիւնը կը գրաւէ, ու սիրելի կը դառնայ ամէնուն:

Հ Ր Ա Ղ Ա Ն Գ Ն Ե Ր

- 332. Օրինակել այս հատուածը, ստորագծել պակասաւոր բայերը:
- 333. Մէյ մէկ խօսք շինել հետեւեալ պակասաւոր բայերուն անկատարովը.  
կամ, ունիմ, կրնամ, գիտեմ, կը գեղում, կ'այտնում:
- 334. Բերանացի խոնարհել այս բայերուն սահմանական ներկան եւ անկատարը:
- 335. Գրաւոր խոնարհել կրնամ եւ գիտեմ բայերը՝ ամբողջացնելով զանոնք:
- 336. Լուծել հետեւեալ նախադասութիւնները.

Պէտք է գիտնալ թէ մարդոց մեծ մասը խելացի չէ: Հարկ է ըսել թէ շողքօրթները լաւագոյն բնաւորութիւնները կ'եղծեն: Ձեմ կրնար վստահիլ այն անձին որ կեղծել գիտէ:

ԿԴ. ԳՍՍ. — ՊԱԿԱՍԱԻՈՐ ԲԱՅԵՐ

**351.** Պակասաւոր կ'ըսուին այն բայերը որոնց ամէն ժամանակները չեն գործածուիր, և պակաս ժամանակները ուրիշ բայով մը կը լրանան: Ասոնցմէ գլխաւորները հետեւեալներն են.

**352.** Կաւ, որ կը գործածուի սահմանական ներկայի և անկատարի մէջ միայն. այս բայը կրնայ լրանալ ըզրալ կամ զճնուիլ բայերով:

**353.** ունիմ, որ կը գործածուի սահմանական ներկայի և անկատարի մէջ միայն, և կը լրանայ ունեւալ բայով:

**354.** Կրնամ, որ կը գործածուի ամէն եղանակներու և ժամանակներու մէջ, բաց ի ստորադասականէն, և կ'ամբողջանայ կարեւալ բայով:

**355.** Կարեւաւ, որ միայն ստորադասական ներկայի ու անկատարի մէջ կը գործածուի:

**356.** Գիտեմ, որ միայն սահմանական ներկայ ու անկատար ունի, և կ'ամբողջանայ գիտեալ բայով:

**357.** Պակասաւոր են նաև ուշ վերջացող այն բայերը, որոնք ամբողջութեամբ չեն խոնարհուիր աշխարհարարի մէջ:



ԿԵ. ԸՆԹԵՐՅՈՒԱԾ. — ԱՌԱՋԻՆ ՔԱՅԼԸ

Օղբ շատ տաք էր. ճամբորդ մը սաստիկ ծարաւցած բլրակի մը ստորոտէն կը քայէր, և մօտերը ջուր չկար: Բայց դիմացի կողմը ընդարձակ այգի մը կը տարածուէր որուն մօտենալու համար պէտք էր տղմուտ ճահիճէ մը անցնիլ: Մարդը մտածեց թէ կարելի է եղտիւրը խորունկ չէր, և կօշիկները միայն պիտի աղտոտէին, զորս դիւրին էր մաքրել. և առաջ քալեց: Բայց հետզհետէ ոտքերը սկսան խրիլ, աղտոտ ջուրը մինչև ծունգերը ելաւ: Այն ատեն ճամբորդը կանգ առաւ, կը թուի թէ վարանեցաւ, բայց անգամ մը ցեխին մէջ մտեր էր, և խաղողները աւելի աղուոր կ'երեւային, քանի կը մօտենար: Ուստի քալեց նորէն, մինչև որ կուրծքը, վիզը ծածկուեցան գայռին մէջ. ուղեց ետ դառնալ բայց անհնար էր: Վերջապէս խաղողին հասաւ, ու այնչափ կերաւ որ յափրացաւ: Հիմայ ցեխին սե կեղտոտ ջուրը կը վազէր ամբողջ մարմնէն վար: Ճամբորդը ինքնիրեն ամչցաւ, զղջաց ըրածին վրայ: Ի՞նչպէս պիտի մաքրուէր այդ աղտեղութենէն...:

Հ Ր Ա Չ Ա Ն Գ Ն Ե Ր

- 337. Օրինակել այս հատուածը, եւ ստորագծել միադեմ բայերը:
- 338. Բերանացի պատմել, յետոյ գրել այս հատուածը աւելի ընդարձակ եւ մանրամասն նկարագրութեամբ:
- 339. Խոնարհել՝ բերանացի՝ փայլ եւ ծաղաւնայ բայերը:
- 340. Խոնարհել՝ զրաւոր՝ յափրանայ եւ գանիլ բայերը:

341. Մէյմէկ խօսք շինել հետեւեալ միադեմ բայերով.

Կ'ըսեն թէ, հերիք է, հարկ է, կը ձիւնէ, մեղք է, չի վայլեր, չի բաւեր, անկարելի է, անտեղի է, ամօթ չէ՞, հնար չէ, կ'երեւայ թէ, պէտք չէ, արդար է որ:

342. Մէյմէկ բայ եւ մէյմէկ անակաճ շինել հետեւեալ անուններէն.

Դառնութիւն, զմայլանք, Թշնամանք, սովորութիւն, զրպարտութիւն, զարհուրանք, խոնարհութիւն, ճանձրոյթ, տաղտուկ, խոնջէնք, գայթակղութիւն, ճշդութիւն, համ:

ԿԵ. ԴԱՍ. — ՄԻԱԳԷՄ ԲԱՅԵՐ

**358.** Միադեմ կ'ըսուին այն բայերը, որոնց միայն եզակի Գ. դէմքը կը գործածուի ամէն ժամանակի ու եզանակի մէջ, և որոնք որոշ ենթակայ մը չունին ընդհանրապէս: Միադեմ են այն բայերը, որոնք միջնորդութիւն երեւոյթները կը ցուցնեն, ինչպէս, կ'անձրեւեհ, կը ձիւնեհ, կը փայլասակե, ցուրտ է, և այլն: Միադեմ են նաև, կը քուի, կերեւայ, պեճ է, հարկ է, հնար է, մեղք է, կը վայրէ, կարեղի է, հերիք է, բաւական է, արժ է, կ'ըսուի, և այլն:

ԿԶ. ԸՆԹԵՐՅՈՒԱԾ. — ՈՐԲ ՏԵՂԱՆ

Աշխարհի մէջ երբ ամէն մարդ  
 Բազդէն աւար մ'առած կ'երթայ,  
 Ինչու կուլաս դուն, որբ տղայ՝  
 Մանուկ կեանքիդ վըրայ դըժբայտ:

Տե՛ս, կարճ են կեանքն ու իր ժամեր,  
 Պիտի բերէն ճակտիդ ակիք.  
 Մ'ըլլար յիմար ու խաղալիք.  
 Գընա՛ յառաջ, միշտ դէպի վե՛ր:

Որբ ես եղեր, ի՛նչ փոյթ քեզի.  
 Բիւրաւորներ կան քեզի պէս՝  
 Քեզի պահէ՛ ցաւերդ պէս պէս.  
 Արցունքդ հոգւոյդ մէջ թո՛ղ հոսի:

Սին անիմաստ վիշտերը թո՛ղ.  
 Նոր եռանդով փարէ՛ կեաքին,  
 Կ'արտասուէ ծոյլ և վատ հոգին.  
 Դիւցազն եզի՛ր բախտին յաղթող:

Ռ. ՈՐԲԵՐԵԱՆ

Հ Ր Ա Շ Ա Ն Գ Ն Ե Ր

- 343. Օրինակել այս Ոտանաւորը, գատել բոլոր բայերը եւ բացաւական ընել զանոնք:
- 344. Արծակի վերածել այս ոտանաւորը:
- 345. Գոց սորվիլ եւ արտասանել ոտանաւորը:
- 346. Հետեւեալ բայերուն հակառակները գրել՝  
 վառել, աւելցնել, դատապարտել. մօտենալ, ձանձրանալ,  
 ծափահարել, ծերանալ, յարձակիլ, ցրուել, խզել, զատել, պար-  
 սաւել, խռովել, արտօնել, վերաւորել, տրամիլ, յիշել, մաքրել,  
 լեցնել, անիծել, խօսիլ, շինել, մերժել, բարձրանալ, թրջել:

- 347. Գրել հետևեալ բայերուն ներկայ եւ ապառնի ընդունելու-  
 թեանց բացասականները.  
 Քաղել, ընտրել, լուալ, շեկնիլ, հագնիլ, պարծիլ, կաղալ,  
 յուսալ, տեղալ, մնալ, հիւսել:
- 348. Մէլմէկ խօսք շինել այս բայերուն ներկայ կամ անցեալ ըն-  
 դունելու թիւններով:  
 ՕՐԻՆՍԱԿ. — Քաղած պոռոզներս տնաս էին:

ԿԶ. ԴՍՍ. — ԲԱՅԱՍԱԿԱՆ ԲԱՅԵՐ

- 359. Բացասական կ'ըսուին այն բայերը, որոնք  
 գործողութիւնը կը ժխտեն, ինչպէս. չեմ երգեր, չըսի:
- 360. Բացասական բայերուն ժամանակներն ու  
 եղանակները հետեւեալ կերպով կը կազմուին.
- 361. Անցեալ կասարեալը, ստորադասական ներ-  
 կան եւ անկասարե, աներեւոյքը, ներկայ անցեալ եւ ա-  
 պառնի ընդունելութիւնները կը կազմուին հասասական  
 բայերուն սկիզբը չ գիրը աւելցնելով,  
 Անց. կսր. Սիրեցի-չսիրեցի ներկ. ընդ. Սիրող-չսիրող  
 Սսր. ներկ. Սիրեմ-չսիրեմ Անց. ընդ. Սիրած-չսիրած  
 Սսր. անկ. Սիրէի-չսիրէի Ապ. ընդ. Սիրելու-չսիրելու  
 Աներեւոյք Սիրել-չսիրել Սիրելիք-չսիրելիք

Դիտելի է որ անցեալ ընդունելութեան բացասականը  
 կ'ըլլայ միայն չսիրած, չխօսած, եւ չըլլար երբեք չը-  
 սիրեր, չխօսեր, եւ.այլն:

ԿԷ. ԸՆԹԵՐՅՈՒԱԾ.— ԱՆԻՐԱԻ ՊԱՏԻԺ

Չաքար, որ խելօք և աշխատասէր տղայ մըն է, որ մը ուրիշի մը յանցանքին պատճառաւ սխալմամբ պատժուեցաւ վարժարանին մէջ: Այս անիրաւ պատիժը այնքան ծանր եկաւ տղուն, որ սաստիկ յուզուեցաւ և ըսաւ իր ընկերներուն թէ պիտի զղջացնէր իր դաստիարակը զինքը պատժելուն համար: Տղաքը սպառնալիք մը կարծելով այս խօսքը՝ խնդացին վրան, որովհետեւ կը ճանչնային իրենց դաստիարակին անաչառ բնաւորութիւնը: Ամիս մը ետքը, երբ հրապարակաւ տղոց նիշերը կարդացուեցան, Չաքար մեծ գովեստներով յիշատակուեցաւ իր դաստիարակին կողմէ, վարքին, բարքին ու աշխատասիրութեանը համար: Այն ատեն Չաքարի ընկերները ամէնքն ալ հասկցան թէ անիկա ինչ միջոց գտեր է զղջացնելու իր դաստիարակը:

Հ Ր Ա Յ Ա Ն Գ Ն Ե Ր

- 349. Օրինակել այս հատուածը, եւ բացասական ընել բոլոր բայերը:
- 350. Գտնել հետեւեալ բայերուն հոմանիշները.  
Ահաբեկել, դեղել, խորտակել, ստեպել, խզել, սպաննել, թութովել, կառուցանել, արդարացնել, մեծնալ, նշմարել, ծածկել, սփռել, գանակոծել, շորթել, պատրել, փայլել, փակել, դողալ, յուսալ, օգնել, ստանալ:
- 351. Խոնարհի՛լ գրաւոր անչնայ, գրադի՛, սանձի բայերուն սահմանական ներկային եւ անկատարին բացասականները:
- 352. Խոնարհի՛լ կա՛մ բային սահմանական ներկայ եւ անկատար բացասականը:
- 353. Գրաւոր կերպով բացատրել հետեւեալ առածներուն իմաստը.  
Թաւաղող քարը մամուռ չի բռներ: Քու կերակուրդ եփելու համար՝ ուրիշին առնը պէտք չէ այրել: Իմաստութիւնը հարստութիւնը կը զարգարէ եւ աղքատութիւնը կը ծածկէ:

ԿԷ. ԴԱՍ.— ԲԱՅԱՍԱԿԱՆ ԲԱՅԵՐ (Շար.)

**362.** Բացասական բայերուն սահմանական ներկան ու անկասարը կը կազմուին եւլ բային բացասականովը (չեմ, չիք), և ամէն մէկ բայի բացասական ձևովը:

**363.** Բայերուն բացասական ձեւը կը կազմուի աներեւոյթին վերջի Վ գիրը րի փոխելով, ինչպէս. սիրել, չեմ սիրեր, [չես սիրեր, չի սիրեր (փոխանակ չե սիրեր է): Խօսիչ, չեմ խօսիր, չես խօսիր, չի խօսիր: Կարդայ, չեմ կարդար, չես կարդար, չի կարդար: Դիտելի է որ սահմանական ներկայի երրորդ դիմին մէջ միշտ չի պէտք է գրել և ոչ թէ չ, այսինքն չի սիրեր, չի խօսիր, ևայլն, և ոչ չսիրեր, չխօսիր, ևայլն:

**364.** Բ. լծորդութեան մէջ՝ սահմանական անկասարը փոխանակ իր վերջաւորելու եր կը վերջաւորի, ինչպէս. չեի խօսեր, չեիր խօսեր, չեր խօսեր, (փոխանակ չեի, չեիր, չեր խօսիր է):

**365.** Չիին ի գիրը կը ջնջուի սահմանական ներկայ Գ. դէմքին առջեւ, երբ բայը ձայնաւորով սկսի, և ապաթարց կը դրուի, ինչպէս չեմ երթար, չես երթար, չերթար (փոխանակ չի երթար ըսելու):

**366.** Կա՛մ բայը սահմանական ներկայի և անկասարի մէջ Կ՛ըլայ չկա՛մ, չկաս, չկայ, չկայի, չկայիր, չկար (փոխանակ չեմ կար, չես կար, չի կար, չեի կար, չեիր կար, չեր կար է):

**ԿԸ. ԸՆԹԵՐՑՈՒԱԾ. — ԿՐԻՍՆ ՅԻ ԲԱՊԵՐԸ**

Կրիայ մը կ'ըսէր իր բարեկամներուն . «Երեք բան տեսնել կ'ուզեմ աշխարհիս վրայ . մեծ Սփինքսը , բուրգերը , մոմեաները : «Երկու բաղեր առաջարկեցին Եգիպտոս տանիլ զինքը ուր կը գտնուին այդ երեք հրաշալիքները : Սակարկութիւնը յարմարեցաւ , և բաղերը խսկոյն գործի ձեռնարկելով , բարակ ցող մը դարբնեցին , որուն երկու ծայրերը իրենց բերանը առին ու ըսին կրիային . «Դուն ալ մէջտեղէն խա՛ծ , և նայէ որ բերնէդ չձգես . ճամբան ինչ որ պատահի , բառ մը չպիտի խօսիս : «Ու սկսան բարձրանալ օդին մէջ : Քանի մը չարածճի տղաք տեսնելով կրիային երկինք թռիլը , զայն ծաղրեցին : Կրիան չկրնալով համբերել , բերանը բացաւ որ երկու խօսք ըսէ : Զողը բերնէն փախաւ և ինք գետինը ինչալով , կտոր կտոր եղաւ :

**Հ Ր Ա Ն Ա Ն Գ Ն Ե Ր**

- 354. Օրինակել՛ այս ընթերցուածը , եւ ըսել բոլոր բայերուն ինչ ժամանակի եւ ինչ եղանակի վերաբերիլը :
- 355. Բացառականի վերածել այս ընթերցուածին բոլոր բայերը :
- 356. Հրամայական բացասականի վերածել հետեւեալ բայերը եւ մէյ մէկ սեռի խնդիր գտնել անոնց յարմար :

Քաղեւ , հիւսել , ստկել , հիմնել , աղալ , մտւորալ , մաղել , յղկել , ծեփել , թրծել , ստանալ , հաւաքել , կազմել , չորցնել , փըշրել , խեղդել , կռել , հերկել , կաղապարել , շաղուել , կանգնել , դարմանել , ճկել , ջախջախել , սրել , բթացնել , խցել , լուծել , տարածայնել , անարգել , ժառանգել , կտակել :

357. Լուծել հետեւեալ առածները .

Ժրութիւնը բախտին աջ ձեռքն է , սակաւագետութիւնը՝ անոր ձախ ձեռքը : Հարուստը ան է որ պարտք չունի : Շատ խստացողէն բան մի՛ յուսար : Նորաձեւութեան հետեւողը՝ վաճառականին բարեկամը , դեռձակին գործիքը , և ինքզինքին թշնամին է :

**ԿԸ. ԳՍՍ — ԲԱՅԱՍԱԿԱՆ ԲԱՅԵՐ (Շար.)**

**367.** — Բացասական բայերուն եզակի հրամայականը կը կազմուի մի՛ բառով և բային բացասական ձեւովը , ինչպէս . մի՛ սիրեր , մի՛ խօսիր , մի՛ կարդար : Հրամայական յոյնակի Ա . դիւմը կը կազմուի usnruդասականէն առաջ չ դնելով , ինչպէս չսիրե՛նք , չխօսի՛նք , չկարդա՛նք , և Բ . դիւմը՝ մի՛ դնելով , ինչպէս . մի՛ սիրե՛ք , մի՛ խօսի՛ք , մի՛ կարդա՛ք :

**368.** — Մի՛ բացասականը ձայնաւորի առջև չի ջնջուիր , չ'ըսուիր . մ'երթար , մ'առնէր , մ'ընէր , այլ մի՛ երգեր , մի՛ առնէր :

ԲԱՅԱՍԱԿԱՆ ԲԱՅ. — ՉՄԻՐԵԼ

Սահմանական եղանակ  
Ներկայ

|           |            |
|-----------|------------|
| Եզ.       | Յոք.       |
| Չեմ սիրեր | Չենք սիրեր |
| Չես սիրեր | Չէք սիրեր  |
| Չի սիրեր  | Չեն սիրեր  |

Անցեալ անկասար

|            |             |
|------------|-------------|
| Չէի սիրեր  | Չէինք սիրեր |
| Չէիր սիրեր | Չէիք սիրեր  |
| Չէր սիրեր  | Չէին սիրեր  |

Անցեալ կասարեալ

|          |           |
|----------|-----------|
| Չսիրեցի  | Չսիրեցինք |
| Չսիրեցիր | Չսիրեցիք  |
| Չսիրեց   | Չսիրեցին  |

Բացարձակ ապառնի

|                                |                                  |
|--------------------------------|----------------------------------|
| Չպիտի սիրեմ կամ Պիտի<br>չսիրեմ | Չպիտի սիրենք կամ Պիտի<br>չսիրենք |
| Չպիտի սիրես կամ Պիտի<br>չսիրես | Չպիտի սիրէք կամ Պիտի<br>չսիրէք   |
| Չպիտի սիրէ կամ Պիտի<br>չսիրէ   | Չպիտի սիրեն կամ Պիտի<br>չսիրեն   |

Անկասար ապառնի

|                                  |                                    |
|----------------------------------|------------------------------------|
| Չպիտի սիրէի կամ Պիտի<br>չսիրէի   | Չպիտի սիրէինք կամ Պիտի<br>չսիրէինք |
| Չպիտի սիրէիր կամ Պիտի<br>չսիրէիր | Չպիտի սիրէիք կամ Պիտի<br>չսիրէիք   |
| Չպիտի սիրէր կամ Պիտի<br>չսիրէր   | Չպիտի սիրէին կամ Պիտի<br>չսիրէին   |

Հրամայական եղանակ

|           |                        |
|-----------|------------------------|
| Եզ.       | Յոք.                   |
| Մի՛ սիրեր | Չսիրե՛նք<br>Մի՛ սիրէ՛ք |

Ստորադասական եղանակ  
Ներկայ

|        |         |
|--------|---------|
| Չսիրեմ | Չսիրենք |
| Չսիրես | Չսիրէք  |
| Չսիրէ  | Չսիրեն  |

Անկասար

|         |          |
|---------|----------|
| Չսիրէի  | Չսիրէինք |
| Չսիրէիր | Չսիրէիք  |
| Չսիրէր  | Չսիրէին  |

Անորոշ եղանակ

Աներեւոյթ

Չսիրել

Ներկայ ընդունելութիւն

Չսիրող

Անցեալ ընդունելութիւն

Չսիրած

Ապառնի ընդունելութիւն

Չսիրելու, չսիրելիք

ԿԹ. ԸՆԹԵՐՅՈՒԱԾ. — ԻՄ ԱՂՕԹՔԱ

Կը լսեմ ժամուն զանգակին զօղանջ .  
Հոգիս կը բացուի աղօթքի իղձով .  
Սրտիս մէջ կ'իջնէ լոյսի մը ճաճանջ .  
Մէջըս կը յուզուի եռանդի մը ծով :

Ո՛հ, ի՛նչ բաղձանքներ, ի՛նչ պաղատանքներ  
Կ'արթըննան ներսըս խեղճերուն համար .  
Որքա՛ն գորովանք, որքա՛ն զուժ և սէր  
Բոլոր տառապող սիրտերուն համար :

Ո՛վ Տէ՛ր, դարմա՛ն տար հիւանդին աղքատ,  
Կոյրին աչքերուն տո՛ւր շող մ'արփաւէտ .  
Իսկ որբին՝ որ հայր չունի քեզմէ զատ,  
Համբոյր մը զրկէ՛ սիրոյ զանձերէդ :

Հ Ր Ա Շ Ա Ն Գ Ն Ե Ր

- 358. Արձակի վերածել այս ոտանաւորը ընդարձակելով:
- 359. Հետեւեալ բայերուն մէջէն գտնել պարզերը, ածանցեալները եւ բարդերը.

Լուծել, ծծել, լուսանկարել, ներածել, արտածել, պատա-  
ռել, մեկնել, խմբագրել, սեւցնել, մեծցնել, կողոպտուիլ, արդու-  
կել, հարուածել, բացատրել, ասպկուիլ, դպցնել, հասցնել, վա-  
ռել, կազմակերպել, վերադառնալ, խաղալ, ծառայել, վերջա-  
ցնել :

- 360. Գտնել այս բայերուն գոյականները կամ ածականները:
- 361. Մէյմէկ խօսք շինել հետեւեալ բայերը իրրեւ ստորագի գոր-  
ծածելով:

Թունաւոր, պահապան, ապացոյց, անկարող, լուսարար, դըժ-  
նապան, գերագոյն, անհրաժեշտ, անմահ, ծաղրելի, հրացայտ, Թը-  
ռուցիկ, անթափանց :

ԿԹ. ԴՕՍ. — ՊԱՐՁ, ԱՄԱՆՅԵԱԼ ԵՒ ԲԱՐԴ ԲԱՅԵՐ

**369.** Պարզ բայերը անոնք են, որոնք միայն ար-  
եւս բառէ մը և վերջաւորութեան մը բաղկացած են, ինչ-  
պէս. եր. գել, հա-գալ:

**370.** Բարդ բայերը անոնք են, որոնք երկու կամ  
աւելի բառերէ կազմուած են, ինչպէս. կառ-ա-վարել,  
կարգ-ա-դրել, աշխատ-ա-կցիլ:

**371.** Բայերուն բարդութիւնը գոյականներու և ա-  
ծականներու բարդութեան օրէնքին համեմատ կը կա-  
տարուի, և փոփոխանակ ու կորուսանակ կանոնները միե-  
նոյն կերպով կը գործադրուին :

**372.** Ածանցեալ կ'ըսուին այն բայերը, որոնց մէջ  
արմատէն և վերջաւորութենէն զատ՝ ուրիշ մասնիկներ  
կը մտնեն, ինչպէս. թոչ-ս-իլ, ներ-գործել, արս-ա-դրել:

**373.** Բայերուն ածանցումները կրնան կատարուիլ  
նախադաս մասնիկներով, որոնց գլխաւորներն են արս,  
ներ, գեր, հակ, շար, վեր, ինչպէս. արսածել, ներգործել,  
գերազանցել, հակադրել, շարունակել, վերակալիլ:

**374.** Տ և ոս մասնիկները բայերուն մէջ մտնելով՝  
կը կազմեն ածանցեալ բայեր, ինչպէս պատռել, պատրո-  
ս-ել, ճակել, ճակկ-ոս ել:

**375.** Ուիլ յետադաս մասնիկով կը կազմուին  
կրաւորական, և ցնել յետադաս մասնիկով անցողական  
բայեր, որոնք ածանցեալ բայեր են :

Հ. ԸՆԹԵՐՑՈՒՄ. — ՀԱՅ ԼԵՂՈՒՆ

Այն օտար լեզուներուն մէջ որոնք դաս կը տրուին մեզի, հայ լեզուն է մեզ ամէնէն սիրելին, և ամէնէն մօտիկը մեր սրտին: Անով կապուած մնացած ենք մեր մանկութեան անուշ յիշատակներուն, մեր մայրենի տան, երբ հոն մեզի խօսիլ սորվեցնող սիրելի ձայները լռած են, երբ զմեզ խնամող գործովոս բազուկները ջլատուած են արդէն: Հայ լեզուն իր յատկութեամբը, ճոխութեամբը, ներդաշնակութեամբը, ճկուն ու երկնազան յատկութիւններովը, կը հաւասարի այսօր ամէնէն գեղեցիկ լեզուներուն, ինչպէս կը տեսնէք, տղա՛ք, ձեր թարգմանութեան դասերուն մէջ: Օտարականները կը հիանան անոր վրայ: Ի՛նչ ամօթ մեզի, եթէ պէտք եղածին պէս չճանչցուի և չսիրուի մեզմէ:

Հ Ր Ա Շ Ա Ն Գ Ն Ե Ր

- 362. Օրինակել այս հատուածը, եւ ստորագծել կրաւորական բայերը:
  - 363. Այս հատուածին կրաւորական բայերը ներգործականի վերածել:
  - 364. Լուծել այս հատուածին բայերը եւ ենթակաները:
  - 365. Մէյ մէկ ներգործական բայ գտնել հետեւեալ սեռի խնդիրներուն.  
Երկաթ, էջ, թերթ, հայ, մեքենայ, կափարիչ, թել, կկոց, կանեփ, գերձան, կեղև, արև, աղիւս, ցորեն, հունա:
- Օրինակ.** — Երկաթ չուլել:
- 366. Մէյմէկ խօսք շինել աւ բառերը ենթակայ ընելով, եւ զըտնուած ներգործական բայերն ալ կրաւորականի վերածելով.  
**Օրինակ.** — Երկաթը կրակին վրայ կը չուլուի:
  - 367. Լուծել հետեւեալ խօսքերը.

Մարդ երբ տխուր է, ամէն բան սև կ'երեւայ իրեն: Մենք մեր պարտքը կատարե՛նք. մնացածը Աստուած թո՛ղ կարգադրէ: Զպարծի՛նք մեր արժանիքով, որովհետև աւելի արժանաւորներ կան: Կորսուած ժամանակը ետ չի դառնար:

Հ. ԴՍՍ. — ԿՐԱՒՈՐԱԿԱՆ ԲԱՅԵՐ

**376.** Կրաւորական բայերը որոնց ենթական՝ ուրիշի մը կատարած գործողութիւնը իր վրայ կը կրէ, հետեւեալ կերպով կը կաղմուին.

**377.** Ա. և Բ. լծորդութեանց ել և իղ վերջաւորութիւնները ուղիի փոխելով, ինչպէս. սիրել, սիրուիլ. խօսիլ, խօսուիլ:

**378.** Ուղանել վերջաւորող բայերուն անել վերջաւորութիւնը ուղիի փոխելով, ինչպէս. ծանուցանել, ծանուցուիլ:

**379.** Գ. լծորդութեան մէջ ալ վերջաւորող բայերուն կատարեալին ին, և նալ վերջաւորողներուն այն ուղիի փոխելով, ինչպէս. կարդացի կարդացուիլ, գողցայ, գողցուիլ:

**380.** Յնել վերջացող բայերուն կատարեալին ուղի վերջաւորութիւնը ուղիի փոխելով, ինչպէս. հազցուցի, հազցուիլ, փակցուցի, փակցուիլ:

**381.** Բացառիկ են հետեւեալ բայերուն կրաւորականները. դնել, դրուիլ, ընել, ըլլուիլ. սանիլ, սարուիլ, սալ, տրուիլ:

**382.** Կրաւորական բայերը Բ. լծորդութեան խօսիլին պէս կը խոնարհուին: Բացառիկ է միայն ուտուիլ բայը, որուն կատարեալը կ'ըլլայ կերուեցայ:

ԿՐԱԻՈՐԱԿԱՆ ԲԱՅ . — ՍԻՐՈՒԻՂ

Սահմանական եղանակ

Ներկայ

|            |  |             |
|------------|--|-------------|
| եգ.        |  | Յոք.        |
| Կը սիրուիմ |  | Կը սիրուինք |
| Կը սիրուիս |  | Կը սիրուիք  |
| Կը սիրուի  |  | Կը սիրուին  |

Անցեալ անկասար

|             |              |
|-------------|--------------|
| Կը սիրուէի  | Կը սիրուէինք |
| Կը սիրուէիր | Կը սիրուէիք  |
| Կը սիրուէր  | Կը սիրուէին  |

Անցեալ կասարեալ

|           |            |
|-----------|------------|
| Սիրուեցայ | Սիրուեցանք |
| Սիրուեցար | Սիրուեցաք  |
| Սիրուեցաւ | Սիրուեցան  |

Բացարձակ ապառնի

|              |               |
|--------------|---------------|
| Պիտի սիրուիմ | Պիտի սիրուինք |
| Պիտի սիրուիս | Պիտի սիրուիք  |
| Պիտի սիրուի  | Պիտի սիրուին  |

Անկասար ապառնի

|               |                |
|---------------|----------------|
| Պիտի սիրուէի  | Պիտի սիրուէինք |
| Պիտի սիրուէիր | Պիտի սիրուէիք  |
| Պիտի սիրուէր  | Պիտի սիրուէին  |

Հրամայական եղանակ

եգ.

Յոք.

Սիրուէ՛

Սիրուի՛նք

Սիրուեցէ՛ք

Ստորադասական եղանակ

Ներկայ

Սիրուիմ

Սիրուինք

Սիրուիս

Սիրուիք

Սիրուի

Սիրուին

Անկասար

Սիրուէի

Սիրուէինք

Սիրուէիր

Սիրուէիք

Սիրուէր

Սիրուէին

Անորոհ եղանակ

Անեղծույթ

Սիրուի

Ներկայ ընդունելութիւն

Սիրուող

Անցեալ ընդունելութիւն

Սիրուած , սիրուեր

Ապառնի ընդունելութիւն

Սիրուելու , սիրուելիք

ՀԱ. ԸՆԹԵՐՑՈՒԱԾ. — ՊՈԼԻՏԵՐԸ

Պոլիտաները ասուպներուն և գիսաւորներուն պէս անհունութեան խորերէն կուգան, ուր կը պարտին մի- լիոնաւոր թափառիկ մարմիններ: Գիտունները կ'են- թադրեն թէ պոլիտաները տարրալուծուած աստղերու կտորներ են, որոնք քայքայուած վիճակի մէջ՝ իրենց ծիրը կը բոլորեն վերստին: Մերթ ընդ մերթ այդ աստ- ղերէն կտորներ կը փրթին կ'իյնան երկրագունտին վրայ, ինչպէս ուրիշ մոլորակներու վրայ ալ կրնան իյնալ: Այդ պոլիտաներուն պայթումէն թափած երկնաքարերը՝ մշտնջե- նապէս մարած գունտերու աճիւնները կրնան նկատուիլ:

Հ Ր Ա Յ Ա Ն Գ Ն Ե Ր

368. Օրինակել այս հատուածը, եւ ստորագծել կրաւորական բայերը:

369. Կրաւորական աներեւոյթի վերածել այս ընթերցուածին ներ- գործական եւ կրաւորական բայերը:

370. Մէյմէկ խօսք շինել հետեւեալ բառերով

Պոլիտ, ասուպ, գիսաւոր, անհունութիւն, թափառիկ, տար- բալուծուած, ծիր, մոլորակ, երկնաքար, աճիւն:

**Օրինակ.** — Պոլիտը հրեղէն երեւոյթ մըն է օդին մէջ:

371. Խոնարհել զրաւոր մկրտոյի, ծեծոյի, հոգացոյի, մոռցոյի բա- յերը:

372. Բացասական կասարեալի վերածել վերի հատուածին բայերը:

373. Բացասական ստորադասական անկասարի կելածել ընթեր- ցուածին բայերը:

374. Լուծել հետեւեալ խօսքերը.

Երբ մարդ իր յանցանքները մոռնայ, նորէն կ'սկսի զանոնք: Փամանակը թանկագին կերպաս մըն է, ուրկէ շինուած է կեանքը. պէտք է զգուշութեամբ գործածել զայն.

ՀԱ. ԳՍ.Ս. — ԱՆՅՈՂԱԿԱՆ ԲԱՅԵՐ

**383.** Անցողական բայերը, որոնց ենթական գոր- ծողութիւնը ուրիշի մը ընել կու տայ, կը կազմուին ցնէր մասնիկով:

**384.** Յնէր մասնիկը չհզոյ բայը ներգործականի կը վերածէ, իսկ ներգործականը՝ անցողականի, ինչպէս. ֆնանալ ֆնացնել, կարդալ, կարդացնել:

**385.** Յնէր մասնիկը ել, նէր, չիչ, նալ յանգուող բայերուն այս վերջաւորութեանց տեղ կը դրուի, ինչ- պէս. սիրել, սիրցնել. հեծնել, հեծցնել. փշլիլ, փշցնել. գիտնալ, գիտցնել:

**386.** Իլ վերջաւորող բայերուն կատարեալին ցայն կը փոխուի ցնէրի, ինչպէս. խօսեցայ, խօսեցնել. սրսկե- ցայ, սրսկեցնել: Ասոնց պէս կ'ըլլան նաև նիլ վերջացող այն բայերը որոնց մէջ ն գիրը արմատական է. խպնիլ, խպնեցայ, խպնեցնել. յոզնիլ, յոզնեցայ, յոզնեցնել:

**387.** Նիլ վերջացող բայերէն՝ անոնք որոնց մէջ ն գիրը արմատական չէ՝ նիլ վերջաւորութիւնը կը փո- խուի ցնէրի, ինչպէս. հասնիլ, հասցնել:

**388.** Անցնիլ կ'ըլլայ անցընէր:

**389.** Աշխատիլ, կարմրիլ, ցաւիլ, յարմարիլ, խոս- տովանիլ, նմանիլ, ֆրսնիլ բայերը փոխանակ այս օրէնքին համեմատ ըլլալու աշխատեցնէր, կարմրեցնէր, ցաւեցնէր, յարմարեցնէր, խոստովանեցնէր, նմանեցնէր, ֆրսնեցնէր, կ'ըլ- լան աշխատցնէր, կարմրցնէր, ցաւցնէր, յարմարցնէր, խոստ- փանցնէր, ֆրսնցնէր:

**390.** Ալ վերջացող բայերուն կատարեալին ցին կը փոխուի ցնէրի, ինչպէս. կարդացի, կարդացնել. մոռ- ցի, մոռացնել:

ՀԲ. ԸՆԹՆՐՁՈՒԱԾ. — ԱՆԻՐԱԻ ՊԱՏԻԸ

Զաւէն որ խելօք և աշխատասէր տղայ մըն է, օր մը ուրիշի մը յանցանքին պատճառաւ սխալմամբ պատժուեցաւ վարժարանին մէջ: Այս անիրաւ պատիժը այնքան ծանր եկաւ տղուն, որ սաստիկ յուզուեցաւ և ըսաւ իր ընկերներուն թէ պիտի զղջացնէր իր դաստիարակը զինքը պատժելուն համար: Տղաքը սպառնալիք մը կարծելով այս խօսքը՝ խնդացին վրան, որովհետեւ կը ճանչնային իրենց դաստիարակին անաչառ բնաւորութիւնը: Ամիս մը ետքը, երբ հրապարակաւ տղոց նիշերը կարդացուեցան, Զաւէն մեծ գովեստներով յիշատակուեցաւ իր դաստիարակին կողմէ, վարքին, բարքին ու աշխատասիրութեանը համար: Այն ատեն Զաւէնի ընկերները, ամէնքն ալ հասկցան թէ անիկա ինչ միջոց գտեր է զղջացնելու իր դաստիարակը:

Հ Ր Ա Յ Ա Ն Գ Ն Ե Ր

- 375. Օրինակել այս հատուածը, եւ ստորագծել կրաւորական բայերը:
- 376. Անցողական ընել հետեւեալ անցործական բայերը, եւ անցործական ընել չկողմները.  
կրել, բանալ, գոցել, կղպել, գամել, ծամել, դողալ, սարսափել, վախնալ, երերալ, թղթատել, հաստատել, կազմել, թռչիլ, քամել, խորշիլ, ծլիլ, լողալ, նուազել, շորովել, խափիլ, նստիլ, քաշել:
- 377. Մէյմէկ խօսք շինել այս բայերով:
- 378. Լուծել հետեւեալ խօսքերը.  
Այն քաղը որ ճամբուդ վրայ չէ, թո՛ղ չնեղացնէ զքեզ: Գործեր կան զոր չես կրնար ընել մինչև որ չսորվիս, գործեր ալ կան զոր չես սորվիք մինչև որ չընես: Վերարկուդ պատրաստէ՛, երբ տակաւին անձրեւները օկած չեն:

ՀԲ. ԴԱՍ. — ԱՆՅՈՂԱԿԱՆ ԲԱՅԵՐ (Շար.)

- 391. Դառնալ կ'ըլլայ դարձնել, փոխանակ դառցնելի:
- 392. Ուտել կ'ըլլայ կերցնել, փոխանակ ուտեցնելի:
- 393. Ներգործականները շատ անգամ անցողական կ'ըլլան սալ բայով, ինչպէս. գրել, գրել սալ, յուզել, յուզել սալ. նկարել, նկարել սալ:
- 394. Իչ վերջացող բայերը սալէն առաջ իրենց վերջի ի գիրը եի կը փոխեն, ինչպէս. խօսիլ, խօսել: սալ. սուզիլ, սուզել սալ:
- 395. Հարցնել և ցուցնել բայերը, թէև արևասական են, սակայն ցնել վերջացող անանցեալ բայերուն պէս կը խոնարհուին:
- 396. Եմ, ըրար, գամ, կար, ունենալ, կարենալ բայերը անցողական չունին:



ԱՆՅՈՂԱԿԱՆ ԲԱՅ. — ՍԻՐՅՆԵԼ

Սահմանական եղանակ  
Ներկայ

|            |             |
|------------|-------------|
| Եզ.        | Յոբ.        |
| Կը սիրցնեմ | Կը սիրցնենք |
| Կը սիրցնես | Կը սիրցնէք  |
| Կը սիրցնէ  | Կը սիրցնեն  |

Անցեալ անկասար

|             |              |
|-------------|--------------|
| Կը սիրցնէի  | Կը սիրցնէինք |
| Կը սիրցնէիր | Կը սիրցնէիք  |
| Կը սիրցնէր  | Կը սիրցնէին  |

Անցեալ կասարեալ

|           |            |
|-----------|------------|
| Սիրցուցի  | Սիրցուցինք |
| Սիրցուցիր | Սիրցուցիք  |
| Սիրցուց   | Սիրցուցին  |

Բացարձակ ապառնի

|              |               |
|--------------|---------------|
| Պիտի սիրցնեմ | Պիտի սիրցնենք |
| Պիտի սիրցնես | Պիտի սիրցնէք  |
| Պիտի սիրցնէ  | Պիտի սիրցնեն  |

Անկասար ապառնի

|               |                |
|---------------|----------------|
| Պիտի սիրցնէի  | Պիտի սիրցնէինք |
| Պիտի սիրցնէիր | Պիտի սիրցնէիք  |
| Պիտի սիրցնէր  | Պիտի սիրցնէին  |

Հրամայական եղանակ

|          |            |
|----------|------------|
| Եզ.      | Յոբ.       |
| ---      | ---        |
| Սիրցու՛ր | Սիրցնե՛նք  |
|          | Սիրցուցե՛ք |

Ստորադասական եղանակ  
Ներկայ

|         |          |
|---------|----------|
| Սիրցնեմ | Սիրցնենք |
| Սիրցնես | Սիրցնէք  |
| Սիրցնէ  | Սիրցնեն  |

Անկասար

|          |           |
|----------|-----------|
| Սիրցնէի  | Սիրցնէինք |
| Սիրցնէիր | Սիրցնէիք  |
| Սիրցնէր  | Սիրցնէին  |

Անորոշ եղանակ

Անբերոյք

Սիրցնել

Ներկայ ընդունելութիւն


Սիրցնող

Անցեալ ընդունելութիւն

Սիրցուցած, սիրցուցեր

Ապառնի ընդունելութիւն

Սիրցնելու, սիրցնելիք



Յովհաննէս Ա. յվազովսի (ՏԽ՝ս Էջ 194)



Վ. Իլիէլժին և իր մայրը (ՏԽ՝ս Էջ 16)

ՀԳ. ԸՆԹԵՐՑՈՒԱԾ. — ՅՈՎՀԱՆՆԷՍ ԱՅՎԱԶՈՎՍՔԻ

Յովհաննէս Այվազովսկի, հայ նկարիչը, ծնաւ 1817ին և մեռաւ 1900ին Խրիմի մէջ: Իր եզական և հզօր տաղանդը՝ ոչ միայն զինքը բարձրացուց Ռուսիոյ արքունիքին նկարիչը ըլլալու պատուոյն, այլ և նշանաւոր հանդիսացուց ամբողջ Եւրոպայի մէջ: Իր ամէնէն մեծ յատկութիւնն էր լոյսին ազդեցութիւնները և փոթորկալից ծովուն տեսարանները պատկերացնել տարօրինակ ճարտարութեամբ: Բարիզի և Բեթերսպուրկի նկարչական արուեստահանդէսներուն մէջ իր ցուցադրած նկարներուն ամէնէն գեղեցիկներն են Չմեռը Մեծ-Ռուսիոյ մէջ, Խրիմի ծովազերքը, Մորիկը Սեւ Մոլոն ափունքին վրայ, Մորիկը Միջերկրականի մէջ, որոնք իր փառքն ու հարստութիւնը կազմած են:

Հ Ր Ա Չ Ա Ն Գ Ն Ե Ր

379. Օրինակել այս հատուածը, եւ լուծել բոլոր բայերը:

380. Մէյ մէկ խօսք շինել հետեւեալ բառերով.

Նկարիչ, արքունիք, յատկութիւն, ազդեցութիւն, ճարտարութիւն, արուեստահանդէս, նկար, մորիկ, փառք, հարստութիւն:

381. Մէյ մէկ խօսք շինել հետեւեալ աներևոյթները ենթակայ ընելով.

կարդալ, խօսիլ, աղօթել, հաշուել, նկարել, ցուցադրել:

382. Մէյմէկ խօսք շինել հետեւեալ ընդունելութիւն անցեալները անոի խնդիր ընելով.

թորոված, կարած, կտրած, հիւսած, գրած, վճարած, դնած:

ՀԳ. ԴՍ.Ս. — ԲԱՅԻՆ ԼՈՒԾՈՒՄԸ

397. Բայերը յոճեղա համար պէտք է ցոյց տալ անոնց 1. Տեսակը, ըսելով թէ ներգործական են, չեզոք, կրաւորական կամ միադիմ, 2. Լծորդութիւնը, 3. Եղանակը, 4. Ժամանակը, 5. Թիւր, 6. Դեմքը և 7. Ենթակալ:

398. Բային աներևոյթը կը լուծուի ցոյց տալով անոր նախադասութեան մէջ ունեցած պաշտօնը, այսինքն ըսելով թէ ենթակայ է, խնդիր կամ ստորոգելի:

399. Բային ընդունելութիւնները կը լուծուին ճիշդ գոյականներու և ածականներու պէս, ցոյց տալով անոնց պաշտօնները:

Լ Ո Ւ Ծ Մ Ա Ն Օ Ր Ի Ն Ա Կ

|                      |  |
|----------------------|--|
| Բամբասելը            | Նրգ. բայ, Ա. լծ. աներևութ. ենթ. կը վնասէին:        |
| աւելի                | Մակբայ կը վնասէին:                                 |
| (Նրկ.էնդ.)բամբասողին | Հաս. ան. եզ. տրկ. բնթ. խնդ. կը վնասէին:            |
| կը վնասէ             | Չզք. բայ, Ա. լծ. սհմ. նրկ. եզ. Գ. դէմք:            |
| քան թէ               | Շաղկապ:  |
| (Անց.ընդ.)բամբասուած | Որակ. ած. անձին ին:                                |
| Անձին:               | Հաս. ան. եզ. տրկ. բնթ. խնդ. գորութեամբ կը վնասէին: |

ՀԳ. ԸՆԹԵՐՑՈՒԱԾ. — ՄԱՆՈՒԿ ՅԱԳՈՒՅԻՆ

Կը պատմեն թէ Վիլհելմին, Հոյանտայի դեռատի թագուհին, իր մանկութեան մէջ անգլիացի վարժուհի մը ունէր, Սլափոնի պառաւ աղջիկներէն մէկը անշուշտ, որ չէր կրցած իր համակրութեան արժանանալ: Ուստի առիթ կը փնտռէր միշտ փոքրիկ դժգոհութիւն մը պատճառելու անոր, սիրուն չարաճճի խաղով մը զոր այնքան վայելուչ կերպով գիտեն կատարել աշխոյժ մտքի տէր կանայք: Օր մը, վարժուհին պատուիրեց իրեն Եւրոպայի քարտէսը գծել. արքայազուն օրիորդը ահագին համեմատութիւններով նկարեց Հոյանտան, իր Պետութիւնը, մինչդեռ Անգլիան փոքրիկ կէտով մը նշանակեալ էր: Կրնաք երեւակայել Անգլուհւոյն միամիտ զայրոյթը:

Շ Ր Ա Շ Ա Ն Գ Ն Ե Ր

- 383. Օրինակել այս հատուածը, եւ նշանակել բացայայտեալներն ու բացայայտեալները.
- 384. Մէյ մէկ խօսք շինել հետեւեալ կոչականները գործածելով. Մայր, սիրուն աղջիկ, խեղճ տղայ, աղուոր կատու:
- 385. Խոնարհել այս հատուածին բոլոր բայերուն սահմանական ներկաները:
- 386. Նշանակել այս հատուածին բոլոր ածականներուն տեսակները:
- 387. Բացատրել հետեւեալ անունները մէյ մէկ բացայայտելով.

Սողոմոն, Աթենաս, Պիղատոս, Պոսիւէ, Սոկրատ, Ղազար, Փարպեցի, Երուսաղէմ, Միքէլ-Անճէլօ, Դիոգէնէս, Նոստրոմոս Պոմպիլիոս, Ագաթանգեղոս, Նիւ-Յօրք, Կիւթէնպէրկ, Մովսէս Խորենացի, Քառմէն Սիլվա, Ալեքսանդրա Տէոտորովնա, Յարութիւն Արքեպիսկոպոս Վեհապետեան, Բասթէօն, Մաք-Քինլէ, Գրեգոր Լուսաւորիչ, Սէն-Բեթերսպուրկ, Հիմալայա, Նիակարա, Մասիս:

ՀԳ. ԳԱՍ. — ԿՈՉԱԿԱՆ ԵՒ ԲԱՅԱՅԱՅՏԻՉ

400. Կոչական կ'ըսուի այն բառը, զոր կ'ուղղենք անձի մը կամ իրի մը, ինչպէս. հայր, տղա:

401. Կոչականը միշտ ուղղական հոլով կ'ըլլայ, և վրան շեշտ կ'առնէ. հայր, կը ներե՛ս ինձի: Կոչականը շեշտ չառնելու երբ իրեն ընկերացող բառը շեշտ ունի. պիտ'ըն որդեակ, ո՛վ Տէր:

402. Կոչականը, իր ածականին կամ յատկացուցիչին հետ, եթէ ունի, միշտ երկու ստորակէտով կը բաժնուի իր նախորդ ու յաջորդ բառերէն:

403. Բացայայտիչ կ'ըսուին այն անունները որոնք մինակ կամ մէկքանին մէկտեղ, ուրիշ անունի մը ով կամ ինչ ըլլալը կը բացատրեն: Բացատրուած բառն ալ բացայայտաւ կը կոչուի: Երբ ըսեմ Լոնսոն, Անգլիոյ մայրաքաղաքը, Լոնսոն բացայայտաւ է և Անգլիոյ մայրաքաղաքը բացայայտիչ:



ՀԵՆՐԻԿՆԵՐԻՆՆԵՐԸ.— ՀԱՅ ԳԻՐԵՐԸ

Մեր հիմակուան գործածած տպագրական գիրերը թէպէտ Մեսրոպեան այբուրքին կը կոչուին, սակայն Մեսրոպայ ձեւակերպած բուն գիրերը չեն. տասնըվեց դարէ ի վեր հետզհետէ կատարելագործուած են անոնք նոր ճաշակներու համաձայն: Մեսրոպեան գիրերուն սկզբնական ձեւը երկարագիր կոչուած է, ու մինչև թ. դար գործածուած՝ գրեթէ անփոփոխ: թ. դարուն մէջ հնարուած է միջին երկարագիրը, նախորդ տառերը քիչ մը կարճցնելով ու կարգի դնելով: Իսկ ԺԲ. դարուն մէջ, զանոնք ա՛լ աւելի կարճեցնելով՝ կազմակերպուած է բոլորագիրը, որ հետզհետէ բարձրուելով՝ մեր այսօրուան գիրը եղաւ: ԺԲ. դարուն ատենները աւելցած են Մեսրոպայ գաած երեսուներկու տառերուն վրայ օ և ֆ գիրերը, որով այսօր երեսունըութնի հասած են անոնք:

Հ Ր Ա Շ Ա Ն Գ Ն Ե Ր

- 388. Օրինակել այս հատուածը, եւ ստորագծել դերբայները:
- 389. Աներևոյթի վերածել այս հատուածին բոլոր բայերը:
- 390. Հոլովել այդ աներևոյթները:
- 391. Գտնել հետեւեալ գոյականներուն բայերը, եւ գրել անոնց ներկայ ընդունելութիւնները.

Հանդարտութիւն, մրբիկ, անձրև, գոռում, հազ, կար, վարձք, վճարք, տպագրութիւն, ծալք, հիւսք, ձև, հովիւ, սանտր, ճառ, կնդիրք, թուիք, բաժանում

Դ Ե Ր Բ Ա Յ

ՀԵ. ԴԱՍ. — ԴԵՐԲԱՅԻՆ ԴԵՐԸ ԵՒ ՏԵՍԱԿՆԵՐԸ

404. Դերբայը թէ՛ բայ է թէ՛ գոյական:

405. Դերբայը չորս է. Աներևոյթ, Տեսնել. Երկայ ընդունելութիւն, Տեսնող, Անցեալ ընդունելութիւն, Տեսած, Տեսեր. Ապառնի ընդունելութիւն, Տեսնելոյ, Տեսնելիք:

406. Աներևոյթը երբ իբրև գոյական գործածուի, թէ՛ յօդ կ'առնէ և թէ՛ կրնայ հոլովուիլ, ինչպէս. Ուղղ. Հայց. Տեսնել Տրամիւս Խաղալը Սեռ. Տրակ. Տեսնելու Տրամիւս Խաղալուն Բաց. Տեսնելէ Տրամիւս Խաղալէն Գործ. Տեսնելով Տրամիւս Խաղալով

407. Բ. լծորդութեան մէջ իղ, նիղ, չիղ վերջաւորող աներևոյթները հոլովման ատեն իրենց վերջի ի գիրը եի կը փոխեն, ինչպէս. տրակիլ, տրակչոյ. Խաղանիլ, Խաղանչոյ, թոչիլ, թոչչոյ:

408. Ներկայ ընդունելութիւնը՝ Տեսնող, անցեալ ընդունելութեան Ա. ձեւը՝ Տեսած, և ապառնի ընդունելութեան Բ. ձեւը՝ Տեսնելիք, կրնան նաև իբրև ածական գործածուիլ. Իսկ երբ իբրև գոյական գործածուին, կրնան յօդ առնել և հոլովուիլ թէ՛ եղակիի և թէ՛ յօքնակի մէջ:

|             |             |             |              |
|-------------|-------------|-------------|--------------|
|             | Ներկայ ընդ. | Անցեալ ընդ. | Ապառնի ընդ.  |
| Ուղղ. Հայց. | Տեսնողը     | Տեսածս      | Տեսանելիքդ   |
| Սեռ. Տրակ.  | Տեսնողին    | Տեսածիս     | Տեսանելիքիդ  |
| Բաց.        | Տեսնողէն    | Տեսածէս     | Տեսանելիքէդ  |
| Գործ.       | Տեսնողով    | Տեսածովս    | Տեսանելիքովդ |

ՀԶ. ԸՆԴՈՒՆԻՅՈՒՄԸ. — ՄԵՍՆ ՏԻԳՐԱՆ

Մեծն Տիգրան Հայոց ամէնէն նշանաւոր թագաւորներէն մէկը եղաւ: Նուաճեց Ասորիքը, Պաղեստինը և յունական բաղձաթիւ քաղաքներ գրաւեց: Ինքզինքը կոչել կուտար Արքայից Արքայ: Չորս գահազուրկ թագաւորներ թիկնապահի պաշտօն կը կատարէին իր քով: Մեծն Տիգրան աստեղադարձ բարձր թագ մը կը դնէր գլուխը, ինչպէս կ'երեւայ իր դրամներուն վրայ: Իրեն դաշնակից էր իր աները Միհրդատ որ կ'իշխէր Պոնտոսի վրայ: Երկուքը միացած պատերազմեցան Հռոմայեցւոց դէմ և յաճախ յաղթեցին: Բայց երբ Միհրդատ իր Փառնակ զաւկէն մատնուած անձնասպան եղաւ, Տիգրան ալ ստիպուեցաւ դաշինք կնքել Հռոմայեցւոց հետ, և երկար տարիներ կառավարեց իր երկիրը՝ խաղաղութեան բարիքները վայելել տալով անոր:

Հ Ր Ա Շ Ա Ն Գ Ն Ե Ր

- 392. Օրինակել այս հատուածը, եւ յետոյ անցեալ ընդունելուեան վերածել բոլոր բայերը:
- 393. Այդ դերբայները խոնարհել էական բային հետ դասին մէջ ցոյց տրուած կերպով.
- 394. Բաղադրեալ ժամանակներ կազմել եւ խօսքեր շինել հետեւեալ բառերով:
 

Սորված, սարսափած, գիտնալու, երթալու, կարգադրած, բացատրեր, լողացած, արգիւլուած, կարգացեր, խօսելու:
- 395. Լուծել հետեւեալ խօսքերը.

Մեր ամէնէն ապահով բարեկամները մեր տաղանդներն են: Ամէնէն ծաղրելի մարդը ան է որ ինքզինքը կը գովէ, և ամէնէն ճանճրալին ան՝ որ իր վրայ կը խօսի:

ՀԶ. ԳՍՍ. — ԴԵՐԲԱՅԻՆ ԴԵՐԸ ԵՒ ՏԵՍԱԿՆԵՐԸ

ԲԱՂԱԴՐԵԱԼԸ ԺԱՄԱՆԱԿՆԵՐ

**409.** Անցեալ ընդունելութեան Բ. ձեւը՝ *սեսեր*, միայն իբր բայ կը գործածուի էական բային հետ, ինչպէս. *սեսեր եւ, սեսեր ես, սեսեր է, և այլն:*

**410.** Ապառնի ընդունելութեան Ա. ձեւը՝ *սեսնէրու*, որ աներեւոյթին սեռականն է, թէ՛ իբրև բայ կը գործածուի էական բային հետ, և թէ՛ իբրև ածական՝ անուններու հետ, ինչպէս. *սեսնելու եւ, սեսնելու բան է. կարդալու ես, կարդալու գիրք է. ըսելու է, ըսելու խօսք է:*

**411.** Բաղադրեալ ժամանակներ.— Երբ դերբայներէն՝ անցեալ ընդունելութեան երկու ձեւերը՝ *սիրած*, *սիրեր*, և ապառնի ընդունելութեան Ա. ձեւը՝ *սիրէրու*, էական բային հետ գործածուին, կը կազմեն բային պարզ ժամանակներէն տարբեր ժամանակներ, որոնք բաղադրեալ ժամանակ կը կոչուին, և հետեւեալներն են.

*Սիրած*, *սիրեր*, *սիրէրու եւ. սիրած*, *սիրեր*, *սիրէրու էի. սիրած*, *սիրէրու կ'ըլլամ. սիրած*, *սիրէրու կ'ըլլայի. սիրած*, *սիրէրու եղայ. սիրած*, *սիրէրու պիտի ըլլամ. սիրած*, *սիրէրու պիտի ըլլայի. սիրած*, *սիրէրու եղի՛ր. սիրած*, *սիրէրու ըլլամ. սիրած*, *սիրէրու ըլլայի. սիրած*, *սիրէրու ըլլայ:*

**412.** Բաղադրեալ ժամանակներ կրնան կազմուիլ նաև կրաւորական, անցողական և բացասական բայերու մէջ, ինչպէս. *սիրուած եւ, մոռցուցած եւ, երզած չեւ:*

ՀԷ. ԸՆԹԵՐՑՈՒՄԾ. — ԿՍՅՄԱԿԸ

Երբ կայծակը ծառի մը վրայ իյնայ, նախ վերի ոստերուն կը զարնէ. յետոյ բունին կը հասնի և կը ճեղքէ զայն: Ծառին փունջը անեղծ կը մնայ սակայն, այնպէս որ հոն թառող թռչուններն ու իրենց բոյները չեն վնասուիր քնաւ: Ծառին զագաթը ելած մարդ մը նուազ վտանգի մէջ է կայծակի ատեն, քան թէ գետնին վրայ կեցողը: Եթէ կոճղին մօտ գտնուի, շանթը կը թողուծաոր, և մարդուն վրայ կը յարձակի: Վտանգաւոր է նաև տան մօտերը ճահիճ մը, առուակ մը կամ որ և է ջուր մը գտնուիլը, որովհետև շանթը անոր հասնելու համար տունին մէջէն կրնայ անցնիլ և հրդեհել զայն:

Հ Ր Ա Ն Ա Ն Գ Ն Ե Ր

- 396. Օրինակել այս հատուածը, եւ ստորագծել մակրայները:
  - 397. Մէյ մէկ խօսք շինել այս հատուածին մակրայներով:
- ՕՐԻՆՍԱԿ.** — Երբ երկինք գուռայ, անպատճառ տեղ մը անձրև կու գայ:
- 398. Լուծել այս հատուածին առաջին երեք նախադասութիւնները:

Մ Ա Կ Բ Ա Յ

ՀԷ. ԴՍՍ. — ՄԱԿԲԱՅԻՆ ԴԵՐԸ ԵՒ ՏԵՍԱԿՆԵՐԸ

**413.** Մակրայ կ'ըսուին այն բառերը, որոնք գործողութեան մը կամ վիճակի մը տեղը, կերպը, ժառանակը, ֆանակոչիւնը ցոյց կուտան, ինչպէս. վերը կը պատկիւն, միևսկ կը կենաւ, կանուխ կ'եղիւն, քիչ կը ֆնանաւ:

**414.** Մակրայը բայի մը, անկանի մը կամ ուրիշ մակրայի մը հետ կը գործածուի, և անոնց իմաստին վրայ բան մը կ'աւելցնէ, ինչպէս. շատ քնանալ, շատ գեղեցիկ, շատ կանուխ:

**415.** Մակրայները զխաւորաբար չորս տեսակ են. Տեղակաւ, Որակակաւ, Ժառանակակաւ, Բանակակաւ:

**416.** Տեղակաւները գործողութեան մը կատարուած տեղը ցոյց կուտան, ինչպէս. ուր, ուրիկ, քովի, հոն, հոս, մօտ, անդիկ:

**417.** Որակակաւները՝ ցոյց կու տան գործողութեան կերպը, ինչպէս. հագիւ, սասիկ, բոնի, իրաւցնէ, կարաւ, կարայ. ակարայ, կարայ, շուտ, գրեթէ, ստուգիւ, չարաչար, հարեւանցի, գաղտնի, ի սպառ, յաճախ, սեպ, յսկիարծ:

**418.** Ժառանակակաւները գործողութեան ժամանակը ցոյց կուտան, ինչպէս. միշտ, երբեւն, երբեք, մերթ, մերթ ընդ մերթ, առ այժմ, ուշ, դեռ, կանուխ, արդիւն, առաջ, նախ, յետոյ, յարիսեան, նախ եւ առաջ:

**419.** Բանակակաւները ցոյց կուտան գործողութեան չափն ու թիւը, ինչպէս. անդիկ, ա՛յ, պակաս:

ՀԸ. ԸՆԹԵՐՅՈՒԱԾ. — ԾՆՈՒՆԴԻ ՎԱՐԴԵՐԸ

Դեկտեմբերի մէջին մէջէն  
Տրտում վարդեր կը բողբոջեն,  
Նըման աչքին արցունքով թաց  
Զոր չի վառեր կեանքին նախանձ:

Արեւն անոնց բուրում չի տար,  
Ոչ ալ գոյներ ոսկենըկար.  
Բայց սիրտերուն ալ վշտայից  
Դալուկն անոնց չազդեր թախիծ:

Եւ քանի որ մատաղ գարուն  
Նորարողըջ հոգիներուն  
Կը սահմանէ գեղն իր փայլուն,

Տառապողին համար, ո՛վ Տէր,  
Թո՛ղ որ փթթին միշտ այդ վարդեր,  
Այդ Ծընունդի տոգոյն վարդեր:

ԱՌՆՈՒՏ

Հ Ր Ա Յ Ա Ն Գ Ն Ե Ր

- 399. Օրինակել այս ոտանաւորը, եւ ստորագծել մակրայները:
- 400. Արձակի վերածել այս ոտանաւորը:
- 401. Մէյ մէկ խօսք շինել գործածելով հետեւեալ մակրայները.  
Վեր, գոնէ, մէկդի, ո՞ր տեղէն, կանուխկեկ, անօթի փորանց,  
ի ծնէ. շատոնցուընէ, անցեալները, պզտիկուց, մէկանց, ծայրէ  
ի ծայր, գլուխ գլխի, մէկեկ մէկիկ, դէմ առ դէմ, հազիւ հազ,  
առ առաւելն, չուզելով, գիշեր ցորեկ, մինչև որ, պարապ տեղը,  
բառ առ բառ, փոխն ի փոխ, կոյրզկուրայն, ձեռքէ ձեռք, ծու-  
ռումուռ:

ՀԸ. ԴՍՍ. — ՄԱԿՐԱՅԻՆ ԴԵՐԸ ԵՒ ՏԵՍԱԿՆԵՐԸ (Շար.)

420. Կան նաև Հարցական, Հասասական, Ժրխ-  
սական և Տարակուսական մակրայներ, ինչպէս.

Հարցական. — Ինչո՞ւ, ե՞րբ, մի՞թե, արդե՞օք, ևայլն:  
Հասասական. — Այո՛, անշուշտ, հարկաւ, հապա՛ւ,  
ևայլն:

Ժխսական. — Ասե՛նեալի՛ն, ո՛չ, ո՛չ երբեք, բնա՛ւ, մի՛,  
չե՛, քա՛ւ չիցի, ևայլն:

Տարակուսական. — Թերեւս, գուցե, արդե՞օք, մի՛  
գուցե, եւայլն:

421. Կան Մակրայներ ալ, որոնք մասնիկներով  
կը կազմուին.

422. Մակրայները կազմող գլխաւոր մասնիկները  
հետեւեալներն են. ուլիւն, պէս, բար, ակի, երեւն, օրեւն,  
անց, ինչպէս. կամովին, մեծապէս, գլխաւորաբար, ան-  
ցողակի, հայերեւն, զերագանցօրեւն, գիշերանց:

423. Ատոնցմէ զատ՝ կան նաև գոյականէ, ածա-  
կանէ, դերանունէ, բայէ զանազան ձեւերով կազմուած  
մակրայներ, ինչպէս. այսօր, վաղը, հերոս, խաւիւ, սիրով,  
փութով, դիւրաւ, արտօրեօք, ասեմօք, ի սկզբան, հիկնուց,  
ժամանակաւ, այգուն, հուսկ ուրեւն, ուր ուրեւն, կան-  
խաւ, խակոյն, յանկարծ, մեկիկ ի մեկ, այսպէս, այդչափ:

424. Մակրայ են նաև բոլոր ածականները՝ երբ  
բայի հետ գործածուին, ինչպէս. զուարթ խօսիլ, փաղցր  
երգել, արագ քալել:

ՀԹ. ԸՆԹԵՐՑՈՒՄԾ. — ԿՐԿՆԱԿ ՅՈՒԲԵԼԵԱՆՆԵՐ

Այս տարի, 1913ին, աշխարհիս վրայ գտնուող բո-  
լոր Հայերը կատարեցին կրկնակ Յոբելեաններ, Հայ  
գիրերու գիւտին 1500ամեակին և հայ տպագրութեան  
400 ամեակին առթիւ, Թուրքիոյ, ինչպէս Ռուսիոյ  
մայր եկեղեցիներէն՝ մինչև գիւղական փոքրիկ մատուռ-  
ներուն մէջ հանդիսաւոր պատարագ մատուցուեցաւ, և  
դպրոցական ու ժողովրդային խանդավառ հանդէսներ  
տեղի ունեցան: Ի պատիւ այս մեծ տօներուն, ատենա-  
բանները ճառեր խօսեցան, բանաստեղծները տաղեր  
գրեցին, երաժիշտները երգեր յօրինեցին, նկարիչները  
պատկերներ գծեցին: Այս վերջիններէն նմոյշ մըն է սա  
խարք-բօսքալը որ կը ներկայացնէ Ս. Մեսրոպի գերեզ-  
մանը Օշականի մէջ, և որ ծախուեցաւ ի նպաստ կըր-  
թական դրամագլուխի մը ուսուցչանոցներ հիմնելու  
համար:

Հ Ր Ա Շ Ա Ն Գ Ն Ե Ր

402. Գոց սորվիլ եւ արտասանել այս քերթուածը:

403. Արձակի վերածել այս քերթուածը:

404. Ըսել թէ հետեւեալ խօսքերուն մէջ՝ առաջ, ետք, մօտ, հա-  
կառակ, մակրա՞ն են թէ նախադրութիւն:

Միշտ հակառակ կը խօսիս ինձի: Բեզմէ ետք ես պիտի կար-  
գամ: Առաջ դուն կե՛ր, ետք ես: Մօտ եկո՛ւր: Իրեն մօտ էի, երբ  
նուաղեցաւ: Ինձմէ առաջ մի՛ անցնիր:

Ն Ա Խ Ա Դ Ր Ո Ւ Թ Ի Ի Ն

ՀԹ. ԴՍՍ. — ՆԱԽԱԴՐՈՒԹԵԱՆ ԴԵՐԸ ԵՒ ՏԵՍԱԿՆԵՐԸ

425. Նախադրութիւնը գործողութեան մը մէկ  
պարագան կը ցուցնէ:

426. Նախադրութիւնը միշտ հոյովուած բառի մը  
կ'ընկերանայ:

427. Նախադրութեան ընկերացող հոյովուած  
բառը անոր խնդիրը կ'ըլլայ:

428. Նախադրութիւնները կրնան ամէն հոյովուե-  
րու ընկերանալ ուղղակիանէ զատ:

429. Նախադրութիւններէ ոմանք նախադաս և  
ոմանք յետադաս են:

430. Նախադաս նախադրութիւններէն փոքր մաս  
մը միայն աշխարհաբարի մէջ կը գործածուին:

431. Նախադաս նախադրութիւններն են. առանց  
որ կ'առնէ տրական հոյով, բաց ի՛ բացառական, դէպ ի՛  
հայցական, գերք՝ հայցական, իբր կամ իբրեւ՝ հայցա-  
կան, ինչպէս՝ հայցական, հակառակ՝ տրական, միևնջեւ՝  
հայցական, փոխանակ՝ տրական, ի պատիւ տրական,  
ի նպաստ տրական:


432. Յետադաս նախադրութիւններն են.

Սեռական հոյովի ընկերացող առջեւ, ետեւ, վրայ,  
սակ, ներքեւ, վերեւ, քով, դիմացը, տեղ, մեջ, մեջտեղ,  
միջեւ, մեջքէն, շուրջը, բոլորսիքը, հետք, մօտք, առքիւ,  
եղանակաւ, մասին, պատճառաւ, ձեռամբ, ձեռով, մի-  
ջոցաւ:


Տրական հոյովի ընկերացող. հաւնաւ, հետ, դեմ,  
չափ, մօտ, պիտ, հակառակ, հաւեւես, նման, հաւնա-  
ձայն, հանդէպ:

Հայցական հոյովի ընկերացող. ի վար, ի վեր,  
ի բուն:

Բացառական հոյովի ընկերացող. զատ, ի վեր, ետք,  
առաջ, վար, ներս, դուրս, վեր, հետո, գաղտնի:



Սահակ Մարտի (Տխ Էջ 206)



Ժ. ԸՆԹԵՐՅՈՒՄ. — ՇՊԱՐՏ ԿԱՂՆԻՆ

Ես կաղնի մ'եմ պերճ ու դալար,  
 Բարձր, հաստատուն և վրձեմ.  
 Մեծ լեռներու հետ հաւասար.  
 Մրրիկն անգամ կը ծաղրեմ:  
 Արև, անձրև, ձիւն թէ քամի  
 Հըզօր տարրերն ապաքէն  
 Չեն յանդգնիր դպչիլ ինձի.  
 Ես չեմ վախնար կայծակէն:  
 Ես անասան չըքեղ կոթող,  
 Նաև պատնէշ մ'եմ հսկայ.  
 Աշխարհիս մէջ ինձի յաղթող,  
 Չիս տապալող բան չըկայ:  
 Սակայն բնութիւնն արդար կիրքով,  
 Անոնց դէմ որ կը պարծին,  
 Հըպարտ ծառին արձատին քով  
 Չետեղեց որդ մը մ'առանձին:

Շ Ր Ա Չ Ա Ն Գ Ն Ե Ր

405. Օրինակել այս հատուածը, եւ ստորագծել շաղկապները.  
 406. Նշանակել նախադրութիւնները.  
 407. Մէյմէկ խօսք շինել՝ գործածելով հետեւեալ շաղկապները.  
 Քանի որ, թէպէտեւ, ուրեմն, ըստ որում, իբր թէ, նայն  
 իսկ, մանաւանդ, հապա, ուր որ, երբ, ո՛չ ապաքէն, մինչդեռ:  
 408. Ըսել թէ հետեւեալ խօսքերուն մէջ ոչ, երբ, աչ, հապա բա-  
 ռերը մակրա՞յ են թէ շաղկապ.  
 Կ'ողէ՞ք դուք ալ ընկերանալ ինձի. Ո՛չ. — Անօթի՞ ես.  
 Հապա՞: — Ոչ դուն կրնաս այս գիրքը կարդալ, ոչ ալ ես: Հապա  
 ո՞վ կրնայ կարդալ: — Շատ խօսեցար, ա՛յ բաւական է: — Երբ իմ  
 դալը լսես, դուն աչ եկ'ուր: — Ե՞րբ դպրոց պիտի երթաս: — Երբ  
 տունէն դուրս ելաւ, ամէնքս ալ յուղուեցանք:  
 409. Մէյ մէկ խօսք շինել՝ գործածելով ոչ, աչ, հապա բառերը  
 իբրեւ մակրայ, յետոյ, իբրեւ շաղկապ:  
 410. Լուծել այս ոտանաւորին վերջին չորս նախադասութիւն-  
 ները.

Շ Ա Ղ Կ Ա Պ

Զ. ԴԱՍ. — ԳՈՐԾԱԾԱԿԱՆ ՇԱՂԿԱՊՆԵՐ

**433.** Շաղկապ կ'ըսուին այն բառերը, որոնք բա-  
 ւերն ու խօսքերը իրարու կը կապեն:

**434.** Գործածական շաղկապներն են.

- Եւ, ու, աչ, անգաւ,  
 Նաեւ, այլ եւ, իսկ,  
 Կաւ, կաւ թե, կաւ . . . կաւ . . . ,  
 Թե, երե, թե . . . թե . . . ,  
 Թե որ, ինչու որ, որ,  
 Որովհետեւ, վասն զի, քանի որ,  
 Ըստ որում, երբ, երբոր,  
 Ուր որ, մասնաւանդ, սակայն,  
 Սակայն եւ այնպէս, այսու արեւնայնիւ,  
 Արդարեւ, ապաքիւ,  
 Թեւ, թեպէտ, ոչ . . . ոչ . . . ,  
 Չե թե, ոչ միայն,  
 Չե՞, ո՞չ ապաքիւ, հապա,  
 Քան, քանի,  
 Ուրեմն, եղի իսկ,  
 Իբր թե, մինչ, մինչդեռ:

**ՋԱ. ԸՆԹԵՐՑՈՒՍԾ. — ՄԻ՛ ՎԷՍԻՐ**

Դարերով անրախտ, դարերով թըշուա՛ռ  
Եզրայրս իմ խեղճո՛ւկ, դուն մի՛ վըճատիր,  
Եթէ թըշ՛ամի, անգութ անարդար՝  
Կր հալածէ գբեզ սև ճակատագիր:

Դուն մի՛ վըճատիր. . . թո՛ղ խորին հաւատ  
Դեռ սրտապնդէ հոգիդ վշտազին.

Շատեր քեզի պէս կ'սպասեն վըճատ.

Աղատիչ գարնան քաջ յաղթանակին:

Եւ ի՛նչ կը դառնար կեանքը մարդկային,

Երբ դառն օրերուն՝ փոթորկի նման

Ոսկեզօծ յոյսեր սիրտ չբոյժէին,

Հաւատքը զո՛նէր յուսանատու թեան:

**ԱԼ. ՄԱՏՈՒՐԵԱՆ**

**ՇՐԱՀԱՆԳՆԵՐ**

411. Օրինակել այս ոտանաւորը, եւ ցոյց տալ մակրայները եւ շաղկապները՝ սկզբնատառերով:

412. Արձակի վերածել այս ոտանաւորը:

413. Մէյ մէկ խօսք շինել հետեւեալ ձայնաւորաբանները գործածելով.

Վա՛յ, աւա՛ղ, բարե՛ւ, կեցցե՛, մեղա՛յ, երանի՛ թէ, մե՛ղք, Է՛հ, ա՛խ, ա՛յ:


414. Լուծել հետեւեալ առածները.

Եթէ կ'ուզես թշնամի ունենալ, փոխ դրամ տո՛ւր մէկուն. Համբերութիւն քարոզելը դեւրին է, բայց գործադրելը դժուար. Քարեկամիդ սուտ գաղտնիք մը ըսէ՛. Եթէ պահէ զայն, յետոք վստահէ՛ ճշմարիտ գաղտնիքը: Դուն գործդ պահէ՛, որ գործդ ալ գբեզ պահէ: Գեշին ներելը՝ աղէկին մասուել է, Ան որ չէ կրցած բարեկամ մը շահել, արժանի չէ ապրելու:

**Թորին Ջարդարեան**  
(ՏԻ՛ս էջ 216)



**Թ. Վիսիկի**  
(ՏԻ՛ս էջ 216)



## ԶԱՅՆԱՐԿՈՒԹԻՒՆ

ԶՍ. ԴԱՍ. — ԳԼԽԱԻՈՐ ԶԱՅՆԱՐԿՈՒԹԻՒՆՆԵՐ

**435.** Զայնարկութիւն կ'ըսուի այն բառը, որ առանց խօսքին հետ կապ ունելու, կիրք մը՝ այսինքն վախ, ցաւ, բաղձանք, զղջում կամ բարկութիւն կը յայտնէ:

**436.** Դիտաւոր ձայնարկութիւններն են.

Ո՛հ, ա՛խ,

Վա՛խ, վա՛յ,

Վա՛հ, ա՛խ,

Ափսո՛ս, աւա՛ղ,

Եղո՛ւղ, բարձ՛,

Մե՛ղի, մեղա՛յ,

Երանի՛րք, իցի՛րք,

Ո՞ւր եր քե, ո՛վ,

Այ, ե՛հ,

Կեցցե՛ս, ապրի՛ս,

Բարե՛ւ, ողջո՛յն. եւայն:

**437.** Կան նաև գոյականներ. որոնք իբրև ձայնարկութիւն կրնան գործածուիլ, ինչպէս. զարեանք, երկինք, անե՛ծք, եւայն:

**438.** Զայնարկութիւնները միշտ երկար կամ շեշտ կ'առնեն իրենց վրայ:



Գ. Ի. Ի. (ՏԻՄ ԷՃ 216)



Գ. Ի. Ի. (ՏԻՄ ԷՃ 216)

ՁԲ. ԸՆԹԵՐՅՈՒՄԸ. — ՎՈՍՓՈՐԸ

Վոսփորը որ կը միացնէ մարմարան սև ծովուն հետ խորունկ օձապտոյտ ծովն է կոստանդնուպոլսոյ մերթ տափարակ մերթ դարուվար յատակով իր ներհակ հովերէ ծեծուած այիքները ահագին գետի մը կը նմանցնեն զինքը իր եղբրքները լեցուն են եղեւիններով նոճիներով ձիթենիներով և միջերկրականի դանաղան ծառերու անտառներով իր երեսուն գիւղերը որոնք իրենց նաւահանգիստները կը շարեն անոր նկարագեղ ափունքին վրայ իր ցիրուցան շէնքերը իր կապոյտ ջուրերը պիտոյ շողեանաւերուն եռուղեռումը աշխարհի ամէնէն եզական երեւոյթը կու տան իրեն :

Հ Ր Ա Շ Ա Ն Գ Ն Ե Ր

- 415. Օրինակել այս հատուածը, եւ դնել հարկ եղած կեսադրուքեան նշանները եւ գլխագիրները:
- 416 Գրել այս հատուածը ընդարձակելով:
- 417. կեսադրուքեան նշաններ եւ գլխագիրներ դնել հետեւեալ խօսքերուն մէջ.

Գիտէ՞ք ով է յովհաննէս Թումանեան ուսանայ բանաստեղծ մըն է որ գեղեցիկ ոտանաւորներ գրած է եւ չեմ ճանչնար զինքը բայց կարդացած եմ լեոյի ուսանայ գրականութեան պատմութիւնը Թվատինցին խորքերոցի գրագէտ մըն է հայրենակից ուրբէն զարգարեանի որ ոչ միայն ազատամարտ օրաթերթին խմբագրութիւնը կ'ընէ այլև սքանչելի էջեր հրատարակած ցայգալոյս անուն հատորի մը մէջ:

Կ Ե Տ Ա Դ Ր ՈՒ Թ Ի Ի Ն

ՁԲ. ԴՍՍ. — ԿԵՏԱԴՐՈՒԹԵԱՆ ՆՇԱՆՆԵՐ

- 439. Կեսադրուքեան նշանները հետեւեալներն են.
- 440. Բութ ( ` ) որ բառի մը վերջը կը դրուի զայն իր յաջորդէն զատելու համար, ինչպէս. մեր խօսած միջոցին՝ ճաշի զանգակը հնչուեցաւ:
- 441. Ստրակէս ( , ) որ գլխաւորաբար, խօսքին մէջ միեւնոյն պաշտօնը կատարող կրկնուած բառերը իրարմէ կը զատէ, ինչպէս. մոխախնդր, հրանունկը, ընձախոսք, շիկասակը քունաւոր բոյսեր են: Կը բաժնէ նաև այն նախադասութիւնները որոնք զիրար կ'ամբողջացնեն, ինչպէս. զարունը եկաւ, ձիւները հալեցան, յեռները կ'ըսկըսին զարդարուիլ:
- 442. Միջակէս ( . ) որ ամբողջ խօսքի մը գլխաւոր նախադասութիւնները իրարմէ կը զատէ, ինչպէս. ժամը երկուփին տուն հասանք. օրը անպակած էր. ժամ մը վերջը սևճրեւ սկսաւ:
- 443. Վերջակէս ( : ) որ խօսքը ամբողջանալէն ետքը կը դրուի, ինչպէս. սուրակը շէց, եւ շոգեւարը ճարեայ եղաւ:
- 444. Չակիտ ( « » ) որ առաջ բերուած խօսքի մը սկիզբը և վերջը կը դրուի, ինչպէս. հայրս ըսաւ ինձի. «Հնազանդ եղի՛ր:»

445. Փակագիծ ( ) որ նախադասութենէն անջատ խօսքի մը երկու կողմը կը դրուի, ինչպէս. ես կը կարծեմ թէ մարդ (երեկ կ'ուզէ ասորիկ) պիտի է իր հանոյցը առողջութեան զոհի:

446. Անջատման գիծ (—), որ կը գործածուի խօսակցութեան մէջ, ինչպէս. — Ո՞վ ըսաւ թէ ես անիրաւութիւն ըրած եմ: — Ա՛մէն մարդ:

447. Կոխման կիս (…), որ կը գործածուի բառ մը կամ խօսք մը զեղչուած ըլլալը ցոյց տալու համար, ինչպէս. նպուռը երգեց, պարեց եւ յետոյ . . . :

Վ Ե Ր Զ



Յ Ա Ն Կ Դ Ա Ս Ե Ր Ո Ւ

|  | Էջ | Ե  |
|--|----|----|
| Յառաջաբան  |    | 9  |
| ՆԱԽՆԱԿԱՆ ԳԻՏԵԼԻՔ                                   |    | 9  |
| Բառ, վանկ եւ գիր . . . . .                         |    | 13 |
| Առողգանութիւն . . . . . 11,                        |    | 15 |
| Ուղղագրութիւն . . . . .                            |    | 17 |
| Տողադարձ . . . . .                                 |    | 19 |
| Արմատ, բարդ եւ անանցեալ բառեր . . . . .            |    | 23 |
| Կորուսման եւ փոփոխման կանոն . . . . .              |    | 25 |
| Խօսքի մասեր . . . . .                              |    | 27 |
| ԱՆՈՒՆ ԿԱՄ ԳՈՅԱԿԱՆ                                  |    | 27 |
| Անուններու տեսակները . . . . .                     |    | 29 |
| Անուններու բիւր . . . . .                          |    | 31 |
| Բացառիկ յոֆնակիներ . . . . .                       |    | 31 |
| Բարդ բառերու յոֆնակիներ . . . . .                  |    | 39 |
| Հոլովում . . . . . 33, 35, 37,                     |    | 43 |
| Հասարակ անուններու հոլովումը . . . . . 40, 41, 42, |    | 45 |
| Յատուկ անուններու հոլովումը . . . . . 46,          |    | 49 |
| Անունին լուծումը . . . . .                         |    | 51 |
| Յատկացուցիչ եւ յատկացեալ . . . . .                 |    | 53 |
| Ենթակայ եւ բայ . . . . .                           |    | 55 |
| Խնդիր . . . . .                                    |    | 57 |
| Սեռի խնդիր . . . . .                               |    | 59 |
| Բնութեան խնդիր . . . . .                           |    |    |

|  |          |
|--|----------|
| Ենթակային եւ բային համաձայնութիւնը . . . . .       | 61       |
| Բարդ գոյականներ . . . . .                          | 63       |
| Ածանցեալ գոյականներ . . . . .                      | 65, 67   |
| Նմանաձայն բառեր . . . . .                          | 69       |
| Հումանիւ եւ հակահիւ բառեր . . . . .                | 71       |
| <b>ՅՕԴ</b>   | 75       |
| Որոշիչ յօդ եւ յօդով հոլովում . . . . .             | 75, 77   |
| Անորոշ յօդ . . . . .                               | 77       |
| <b>ԱԾԱԿԱՆ</b>                                      | 75       |
| Ածականին դերը եւ Տեսակները . . . . .               | 79       |
| Որակական ածական . . . . .                          | 81       |
| Բարդ ածականներ . . . . .                           | 81       |
| Ածանցեալ ածականներ . . . . .                       | 83       |
| Յուցական ածական . . . . .                          | 85       |
| Սացական ածական . . . . .                           | 87       |
| Թուական ածական . . . . .                           | 89, 91   |
| Անորոշ ածական . . . . .                            | 93       |
| Ածականին լուծումը . . . . .                        | 95       |
| <b>ԴԵՐԱՆՈՒՆ</b>                                    | 98       |
| Դերանունին դերը . . . . .                          | 97       |
| Անձնական դերանուն . . . . .                        | 97       |
| <i>Անձնական դերանուններուն հոլովումը</i> . . . . . | 98, 99   |
| Յուցական դերանուն . . . . .                        | 101      |
| Սացական դերանուն . . . . .                         | 101      |
| <i>Յուցական դերանուններուն հոլովումը</i> . . . . . | 102      |
| <i>Սացական դերանուններուն հոլովումը</i> . . . . .  | 102, 103 |
| Յարաբերական դերանուն . . . . .                     | 105      |
| Անորոշ դերանուն . . . . .                          | 107      |
| Դերանուններուն լուծումը . . . . .                  | 109      |
| <b>ԲԱՅ</b>   | 111      |
| Նախադասութիւն . . . . .                            | 115, 117 |

|   |               |
|---|---------------|
| Ստորոգելի . . . . .                     | 117           |
| Բայ եւ ենթակայ . . . . .                | 119           |
| Բային խնդիրը . . . . .                  | 121           |
| Սեռի խնդիր . . . . .                    | 121           |
| Բնութեան խնդիր . . . . .                | 123           |
| Բային փոփոխութիւնները . . . . .         | 125           |
| Բայերուն եղանակները . . . . .           | 127           |
| Բայերուն կազմութիւնը . . . . .          | 129           |
| <b>ԷԱԿԱՆ ԲԱՅ</b>                        | 130, 131      |
| Բայերուն Տեսակները . . . . .            | 133           |
| Երեք լծորդութիւնները . . . . .          | 135           |
| Բայերուն վերջաւորութիւնները . . . . .   | 139           |
| <b>Ա. Լծորդութիւն. — Սիրել</b>          | 140, 141      |
| Նեղ եւ ուցանեղ վերջացող բայեր . . . . . | 143           |
| <b>Բ. Լծորդութիւն — Խօսիլ</b>           | 144, 145      |
| Նիղ եւ չիղ վերջացող բայեր . . . . .     | 147           |
| <b>Գ. Լծորդութիւն. — Կարդալ</b>         | 148, 149      |
| Նաղ վերջացող բայեր . . . . .            | 151           |
| Ժամանակներու կազմութիւնը . . . . .      | 153, 155      |
| Կանոնաւոր, զարտուղի եւ անկանոն բայեր    | 157           |
| <b>Անկանոն բայեր</b>                    | 158, 159      |
| Ուղ վերջացող բայեր . . . . .            | 163           |
| <b>Թողուլ</b>                           | 164, 165      |
| <b>Զքօնուլ</b>                          | 156, 167      |
| Պակասաւոր բայեր . . . . .               | 169           |
| Միադէմ բայեր . . . . .                  | 171           |
| Բացասական բայեր . . . . .               | 173, 175, 177 |
| <b>Բացասական բայ. — Զսիրել</b>          | 178, 179      |
| Պարզ, ածանցեալ եւ բարդ բայեր . . . . .  | 181           |
| Կրաւորական բայեր . . . . .              | 183           |
| <b>Կրաւորական բայ. — Սիրուիլ</b>        | 184, 185      |

|  |          |
|--|----------|
| Անցողական Դբայեր . . . . .               | 187, 189 |
| Անցողական բայ. — Սիրցնել . . . . .       | 190, 191 |
| Բային լուծումը . . . . .                 | 195      |
| Կոչական եւ բացայայտիչ . . . . .          | 197      |
| <b>ԴԵՐԲԱՅ</b>                            | 199      |
| Դերբային դերը եւ սեսակները . . . . .     | 199, 201 |
| Բաղադրեալ ժամանակներ . . . . .           | 201      |
| <b>ՄԱԿԲԱՅ</b>                            | 203      |
| Մակբային դերը եւ սեսակները . . . . .     | 203, 205 |
| <b>ՆԱԽԱԴՐՈՒԹԻՒՆ</b>                      | 207      |
| Նախադրութեան դերը եւ սեսակները . . . . . | 207      |
| <b>ՇԱՂԿԱՊ</b>                            | 211      |
| Գործածական շաղկապներ . . . . .           | 211      |
| <b>ՉԱՅՆԱՐԿՈՒԹԻՒՆ</b>                     | 215      |
| Գլխաւոր ձայնարկութիւններ . . . . .       | 215      |
| <b>ԿԵՏԱԴՐՈՒԹԻՒՆ</b>                      | 217      |
| Կեսադրութեան նշաններ . . . . .           | 217, 218 |





1.2

801

1  
2

« Ազգային գրադարան »



NL0230871

5899